



6

~~41-f~~

66



6-41-f.66-



XXI. 1-17



Clarissimorum Philoso-  
phorum

PETRI VICTORII,

ET

IOANNIS CASELII

EPISTOLÆ LECTV  
*gnissimæ*



In gratiam Studiosæ juventutis de-  
nuò excusæ :



FRANCOFVRTI

ANNO

---

M. D. XCVII.




*Ad Illustrissimum Principem*

**IOACHIMVM FRI-  
DERICVM MARCHIO-  
nem Brandenburgensem, Ducem  
Pomeraniæ &c. Administratorem  
Archiepiscopatus primarij  
Magdeburgensis.**

*Proœmium*

**JOANNIS CASELII.**



 *Um constituiſſem  
apud me hos tres epi-  
ſtolarum Petri Vi-  
ctorij ad Germanos  
miſſarum libros ede-  
re, idq; profiteri  
valde etiam cuperem; in tuo potiſſi-  
mum eos nomine Ioachime Friderice,  
Princeps illuſtriſſime, apparere volui.  
Putabam enim, eos tibi præ omnibus  
deberi, qui inter omnes, ad quos illæ*  
*A 2* *exarata*

PROOEMIUM

exarata sunt, principem locum teneas: insuper ex longo intervallo novum, veteris meæ in te observantia signum hac ratione edere volui. Diu enim est, quod neq; coram neq; per litteras te compellavi, quod solebam olim facere crebrius, cum, ut dignum est adolescente principe, totus esses in studiis optimarum artium; nunc rarius facio, ne vel te negotijs reipub. occupatum interpellem, vel etiam ambitiosior videar, cum intelligam, mei ordinis homines à regibus expeti, non nos vobis debere nosmet obtrudere. Neq; nunc ad te scriberem, ac ne auderem quidem, neq; debere me putarem, nisi scirem, etiam cum in summo isto gradu dignitatis constitutus; & quotidie fortunatissimorum hominum satellitio stipatus es, te neq; studium sa-  
Sapien-

PROOEMIUM.

pientia, quo maximè nunc tibi opus  
 est, in uniuersum abiicisse, quod face-  
 re solent, qui neq; ipsi rectè volunt vi-  
 uere, neq; populorum suorum salutem,  
 uti reges decet, consulere: neq; mei  
 prorsus oblitum esse, qui te & ipse ad  
 verum decus solebam inflammare, &  
 aliis, quorum auctoritatem apud te  
 valere arbitrarer, auctor eram, ut  
 te in pulcherrimo omnium stadio, quod  
 feliciter ingressus eras, magnaq; cum  
 nostra expectatione currebas, sedulo  
 confirmarent. Quin accepi te per-  
 amicè mei aliquoties mentionem fe-  
 cisse: quod audiui summa cum volu-  
 ptate, non solum quod potentissimi  
 principis benevolentiam plurimi esti-  
 mare, cuius opibus quodammodo  
 niterentur fortuna mea, sed etiam  
 quod ex hac tua egregia in me volun-

# PROOEMIUM.

*tatis constantia, haud dubium judi-  
 cium & de privata vita tua & de  
 reip. procuracione facerem: etsi fama  
 quoq; ipsa tuas laudes longè lateq;  
 disseminat. Quare neq; dubito,  
 quin hoc officium scribendi, quod su-  
 bij, probaturus sis, pro tua facilitate  
 & in bonas litteras amore singulari,  
 & quem mitto librum non minus li-  
 benter accepturus, quàm si ipsum ego  
 condidissem: immo hoc libentius, quo  
 haec meliora sunt omnibus lucubrati-  
 unculis, quas ipse possem pàrere: etsi  
 & in hoc elaborabo, ut extet aliquan-  
 do non aspernandum ingenij mei mo-  
 nimentum, quo testificer plenius me-  
 am in te observantiam, & animum  
 tuorum in me meritorum memorem.  
 Sed librum hunc futurum tibi gratif-  
 simum omnino mihi persuadeo, tum  
 quia*

PROOEMIUM.

quia sunt hic digna lectu omnia, ple-  
 raq; jucunda, multa vitæ utilia,  
 quod cum multi politi homines anim-  
 adverterent, non contenti exemplis a-  
 liquot epistolarum, omnium editio-  
 nem flagitarunt, quam perpetuò pu-  
 blicæ utilitati negare nolui, facilio-  
 remq; me præbui, ut longe plures eli-  
 cerem, tum quia in viris doctrina  
 recondita & vera virtute excellenti-  
 bus plurimi facis & colis Petrum  
 Victorium. In quo te rectè facere,  
 si ostendere velim, multa de viro illo  
 præstantissimo dicenda forent, quæ o-  
 mnia verè possem dicere: neq; non  
 & id feci aliàs, & faciam in poste-  
 rum sæpius: nunc è ceteris hoc unum  
 referam: nullum in Italia vidisse me  
 hominem æquè φιλογέμωνον, uti ille est,  
 cuiusmodi paucis ante seculis fuisse  
 Ra-

PRO OEMIUM.

Raphaëlem ~~Maphaum~~, ipse & alibi,  
 & Volaterris; cum eius pronepotes,  
 mihi amicissimi adolescentes, me do-  
 mi sua humanissime exciperent, audi-  
 ui: itaq; & quotidie illius ades à Ger-  
 manis frequentabantur. Germanos  
 inquam, semper suscepit Victorius,  
 alienissimus à morbo invidiæ: quæ ut  
 cibus esse fertur plerisq; mortis  
 fortitudinis Germanicæ, itemq; inte-  
 gritatis summus & amator & præ-  
 dicator. Merito igitur nostræ gentis  
 studiosissimum hominem veneramur:  
 neq; tu aberras, neq; indignum tuis  
 majoribus, istaq; amplitudine facis,  
 cum & idem facis, & hunc ipsum  
 librum, quo magis te id facere intelli-  
 gamus, non aspernaris: quem etiam  
 siue sponte tua, siue rogatu meo, cum  
 vacabis, perleges. Vale, & quem-  
 admo-



PROOEMIUM.

*admodum haecenus nulla , nisi clementia exempla edidisti , ita porro ab juvenili hac tua etate toto vita spacio tuos populos iustissimè rege , ut & tibi sempiternam gloriam parias , & rectissimi imperij simulacrum posteris tuis relinquas. Rostochio Kal.*

*Mart. Anno M. D.*

*LXXXVII.*

A 5


PE-



PETRI VICTORII  
EPISTOLARVM AD  
GERMANOS MISSARVM.

LIBER PRIMVS.

PETRVS VICTORIVS  
S. D. Joachimo Camerario.



Equo animo patior, vir optime atque eruditissime, me à te in hoc scribendi officio superatum: quamvis hanc laudem humanitatis semper toto animo expetiverim. Cum enim in manus meas venerunt animadversiones tuæ, & quasi censura quædam, in libros eos Ciceronis, quos ego studio meo atque auxilio antiquorum codicum, purgare paullo antè conatus fueram, cognoui animi tui probitatem mirificeq; delectatus sum consilio tuo, qui ea quæ probanda esse duxisti, laudasti, & auctoritate etiam tua confirmasti: de quibus vero aliter sentiebas, ab illis leviter

leviter modiceq; dissensisti, sententiamque tuam sine livore vlllo, aut obtreftatione aperuisti: longè alia ratione, ac plerique hodiè faciunt, vt & omnes, qui hæc curant, facile noverunt, & ego sæpè expertus sum. Omnò enim illi occasionem lædendi quærunt, & ea sæpe, quæ recte cogitata, firmaq; sunt, malevolentia ducti convellere conantur. Sed hoc genus hominum improborum relinquamus, & invidia confici morsuq; hoc doloris lacerari sinamus. Ex eo igitur tempore merito te amavi, scribereq; ad te, ita me dii juvent, non semel cogitavi. Continui autem me, quia institutam amicitiam nostram videbam distantia locorum impediri, nec posse vsu, consuetudineq; corroborari: id autem quod ad benevolentiam conciliandam facit, intelligebam propè jam partum esse, nec vlla amplius testificatione egere. Neq; enim te dubitasse vñquam puto, quin officium illud tuum, humanitatis eruditionisq; plenum, gratum mihi futurum fuerit. Tu vero sapientius, fecisti qui inclinationem istam voluntatis tuæ erga me, mihi per litteras declarare non inutile esse existimasti. Accipio igitur istā læto animo, gratiasq; tibi ea de re magnas ago: nec si potero vñquam defnam studio meo, atq; omnibus officijs

ipsi

ipsi respondere. Quod vero quereris de  
 præsentis statu Germaniæ, vexationeq; litte-  
 rarum & ingenuarum artium, molesta mihi  
 valdè sunt mala istius antea florentissimæ  
 partis terrarū & omni laude abundantissimæ,  
 ignoscoq; dolori tuo. Qui enim premuntur  
 graui alioqui malo, facere non possunt, quin  
 querimonijs saltem ægritudinē animi sui le-  
 vent. Sed nos quoq; hic spacio duorum  
 annorum multis miserijs conflictati sumus.  
 Ex quo in sæuissimum bellum, quo Senæ  
 devictæ sunt, ac penitus everse, exortum est,  
 propter vicinītatē non parva pars ejus  
 cladis in nostras etiam sedes invasit, ut ma-  
 gna vis hominum apud nos ferro, fame, pe-  
 stilentia perierit, sumptibusq; infinitis, &  
 oppida omnia, & agri exhausti sint. Quare  
 possem ego te rogare iisdem verbis, quibus  
 ille apud lepidissimum comicum conser-  
 vum suum hortatur, si vllus in tam miseris  
 & calamitosis rebus esset ridendi locus, ut  
 ξυανλίαρ κλαίνωμεν ἔλνμπορ νόμον. Simili  
 enim fortuna, pessima illa quidem & ini-  
 quissima, nos quoq; hic vexati sumus. Sed  
 quia nihil mœrore querelisq; proficitur,  
 quod tu sapienter te ostendis facere, omnis  
 cogitatio harum rerum est abijcienda, & ea,  
 quæ iniqua sors jubet, conditioq; præsen-

tium temporum, si non æquo, forti saltem animo ferenda. Nam quis dubitare potest, quin bellum perturbatioq; ciuitatum non tantum adollescentes ab honestis studijs auocet, traducatq; ipsos ad alias artes, verum etiam extinguat omnem ardorem eorum, qui in litteris diu vixere, & laudem aliquam illic antea sibi peperere, aut si quos vnumquam ingenio suo partus edunt, illos imbecilliores multo, & languidiores edant? quoniam inquam hoc tibi vfu venisse in his litteris, quibus ad me misisti, non videtur. Nihil enim illis eruditius, nihil elegantius scribi potest, respondentq; illæ mirificè famæ, ac nomini tuo: quod sane nomen tuum, vt debet, apud nos magnum est, impleuitq; aures omnium crebra, iucundaq; tui recordatione. Perge igitur in ista ratione, laboribusq; ac vigilijs tuis excole bonas artes, vinceq; constantia tua, & in optimis artibus perseuerantia, omnem imperum fortunæ, aduersantem publicæ utilitati. Magnam enim, crede mihi, inde gloriam consequeris. Et ego vna cum aliis omnibus, qui bonis artibus delectamur, valde tibi hoc nomine obligati erimus, nec cessabimus vnumquam hoc officium tuum meritumq; ingens prædicare. Quod ostendis te cupere à me audire, an aliquid reconditum adhuc

adhuc, & caligine demersum, siue sedulitate mea, cum prius in manibus foret, emendatum, divulgare parem; flagraui sane diu desiderio istius rei, nec cum potui, omisi ista etiam parte prodesse studiis litterarum. Id tamen quod feci, semper magnis cum difficultatibus feci: non quia non aliqua restent adhuc, quæ si in lucem proferretur, grata putem studiosis futura: sed quia nostri typographi, qui pauci sunt, & ij exinaniti, ac male vndiq; angustiis horum temporum habiti, ægrè inducuntur ad veteres auctores, Græcos præsertim excudendos. Seruiunt enim lucro, ac propinquum quæstum sectantur. Omnem autem olim machinam adhibui Torrentino, vt impellerem hominem ad Clementē Alexandrinum formis excudendum: quod vix ille spisseq; fecit, sæpe opere intermisso, vt non semel desperarim, me vnam finem eius rei visurum. Cum autem postea aliquando suadere ipsi cæpissem, vt aliis Græcis scriptoribus imprimendis incumberet, nunquam quod studui efficere potui. Quin etiam cum multum diligentiae prius posuissem in Æschyli fabulis emendandis: Contuleram enim eruditissimum, gravissimumq; poetam cum antiquis multis exemplaribus, atque ita tanquam nova fabula

bula ipsum auxerā. Integrā enim Agamemnonem nactus sum: cuius fabulæ prima tantum, ac pusilla quidem illa pars, continenti tragediæ imperitè adnexa reperiēbatur. Prætereo, quod magnam vim veterum scholiorum, è vetustissimo libro descripseram, ut ita tragicus ille obscurus multis locis, & facilius intelligeretur, & magis etiam venalis redderetur. Cum igitur hæc magno cum meo labore communis vtilitatis causa fecissem: hoc etiam paruum volumen excudere recusavit. Quare ipsum dedi imprimendum Henrico Stephano, probo & erudito adolescenti, qui mihi se studij plurimum in hac editione positurum pollicitus est. Quando autem ille exiturus sit, affirmare non ausim. Res enim tota in arbitrio Henrici constituta nunc est. Hoc igitur est, quod conatum meum impediuit, nec quod futurum sperabam, quodq; tanquam præconio meo notum studiosis feceram, fuit, veteres quosdam auctores è direptione incendioq; Græciæ olim ereptos: nunc vero è situ tenebrisq; opera mea erutos, in lucem prodire. Quod præterea me rogas, ut significem tibi, an aliquid cōmenter ac scribam; accuratas declarationes in libellum Demetrii *πρὸ ἐξυλῶσεως*, prope iam absolutas.

absolutas & confectas habeo, non nullaq; itidē huiusmodi institui atq; inchoavi, quæ cum per valetudinem licebit perficientur. Neque enim ita firmum corpus, & ab omni rentatione vacuum habeo, ut superioribus annis habere consueui. Diuturna enim vehementiq; destillatione laboro, quæ præcipue mihi molesta est: quod impedit veterem meæ vitæ rationem, nec me finit, qua conficior, legendi scribendiq; scilicet explere. Quibus te dedisse litteras ostendis, honestos ac litteris elegantioribus expolitos iuvenes, vidissem libenter, atque omni, quo potuissem humanitatis genere profectus es, sed huc, nescio qua de causa non accesserunt. Litteræ ipsæ mihi serò, id est, quatuor ab hoc, quo has scripsi, diebus, per publicum tabellarium redditæ sunt. Gaudeo autem, si quid vnquam feci, quod placeret vestris hominibus, eaq; officia si occasio vnquam dabitur, augere non desinam, postquam illa tantopere placere animaduerti, & tanquam in nobilissimo celeberrimoquē totius Germaniæ theatro spectari cognoui. Gentem sane vestram merito, semper suspexi, insignem multis præclarisq; virtutibus; & quæ veteri rei militaris gloriæ addiderit, nouam laudem liberalium studiorum atque eam  
quidem



maximam ac præstantissimam, quamuis  
 nunc honesta ista, tranquillaque viuendi ra-  
 tio, ut tu narras, & ut ego coniectura iudi-  
 care poteram, impedita sit seditionibus, atq;  
 intestinis malis ciuitatum: seu quæ verior  
 est origo horû incommodorû, quæ per mul-  
 tas terras vagantur, & communis otii adeo  
 inimica sunt. Sed ijs aliquando finem ali-  
 quem Deus opt. max. reperiet, saluti quie-  
 tiq; nostræ prospiciens. Humanitas vero tua  
 incredibilis, postquam in animum induxit  
 me amare, maneat quæso in voluntate ista.  
 Ego enim quoque, cum consuetudine simul  
 viuendi longo interuallo terrarum priue-  
 mur, perficiam profecto, quocunque poteto  
 genere monumentorum, ne animi nostrî  
 alieni inter se fuisse existimentur. Opto au-  
 tem tibi cunctas res secundas, inprimisque  
 vt omni molestia careas, quo diutius possis  
 elegantiores litteras adiuuare, ac tibi ipsi  
 immortalitatem acquirere: & si hoc, vt e-  
 gregium diuinumq; bonum consequaris,  
 amplius te non oportet labo-  
 rare. Vale Florentia prid.  
 id. Quintil.

# PROOEMIUM

exarat & sunt, principem locum teneas: insuper ex longo intervallō novum, veteris me & in te observantia signum hac ratione edere volui. Diu enim est, quod neq<sub>3</sub> corā me neq<sub>3</sub> per litteras te compellavi, quod solebam olim facere crebrius, cum, ut dignum est adolescente principe, totus esses in studiis optimarum artium; nunc rarius facio, ne vel te negotijs reipub. occupatum interpellem, vel etiam ambitiosior videar, cum intelligam, mei ordinis homines à regibus expeti, non nos vobis debere nosmet obtrudere. Neq<sub>3</sub> nunc ad te scriberem, ac ne auderem quidem, neq<sub>3</sub> debere me putarem, nisi scirem, etiam cum in summo isto gradu dignitatis constitutus, & quotidie fortunatissimorū hominum satellitio stipatus es, te neq<sub>3</sub> studium sa-  
sapien-

# PROOEMIUM.

pientia, quo maximè nunc tibi opus  
 est, in uniuersum abiēcisse, quod face-  
 re solent, qui neq; ipsi rectè volunt vi-  
 uere, neq; populorum suorum saluti,  
 uti reges decet, consulere: neq; mei  
 prorsus oblitum esse, qui te & ipse ad  
 verum decus solebam inflammare, &  
 aliis, quorum auctoritatem apud te  
 valere arbitrarer, auctor eram, ut  
 te in pulcherrimo omnium stadio, quod  
 feliciter ingressus eras, magnaq; cum  
 nostra expectatione currebas, sedulo  
 confirmarent. Quin accepi te per-  
 amicè mei aliquoties mentionem fe-  
 cisse: quod audiui summa cum volu-  
 ptate, non solum quod potentissimi  
 principis benevolentiam plurimi esti-  
 marem, cuius opibus quodammodo  
 niterentur fortuna meæ, sed etiam  
 quod ex hac tuæ egregiæ in me volun-

# PROOEMIUM.

*tatis constantia, haud dubium judi-  
 cium & de privata vita tua & de  
 reip. procuracione facerem: etsi fama  
 quoq; ipsa tuas laudes longè lateq;  
 disseminat. Quare neq; dubito,  
 quin hoc officium scribendi, quod su-  
 bij, probaturus sis, pro tua facilitate  
 & in bonas litteras amore singulari,  
 & quem mitto librum non minus li-  
 benter accepturus, quàm si ipsum ego  
 condidissem: immo hoc libentius, quo  
 hac meliora sunt omnibus lucubrati-  
 unculis, quas ipse possem pàrere: etsi  
 & in hoc elaborabo, ut extet aliquan-  
 do non aspernandum ingenij mei mo-  
 nimentum, quo testificer plenius me-  
 am in te observantiam, & animum  
 tuorum in me meritorum memorem.  
 Sed librum hunc futurum tibi gratis-  
 simum omnino mihi persuadeo, tum  
 quia*

# PROOEMIUM.

quia sunt hic digna lectu omnia, ple-  
 raq; jucunda, multa vita utilia,  
 quod cum multi politi homines anim-  
 adverterent, non contenti exemplis a-  
 liquot epistolarum, omnium editio-  
 nem flagitarunt, quam perpetuò pu-  
 blicæ utilitati negare nolui, facilio-  
 remq; me præbui, ut longe plures eli-  
 cerem, tum quia in viris doctrina  
 recondita & vera virtute excellenti-  
 bus plurimi facis & colis Petrum  
 Victorium. In quo te rectè facere,  
 si ostendere velim, multa de viro illo  
 præstantissimo dicenda forent, quæ o-  
 mnia verè possem dicere: neq; non  
 & id feci aliàs, & faciam in poste-  
 rum sæpius: nunc è ceteris hoc unum  
 referam: nullum in Italia vidisse me  
 hominem æquè φιλογένημον, uti ille est,  
 cuiusmodi paucis ante seculis fuisse  
 Ra-

PRO O E M I V M.

Raphaëlem Maphaum, ipse & alibi,  
 & Volaterris, cum eius pronepotes,  
 mihi amicissimi adolescentes, me do-  
 mi sua humanissime exciperent, audi-  
 ui: itaq; & quotidie illius ades à Ger-  
 manis frequentabantur. Germanos  
 inquam, semper suscepit Victorius,  
 alienissimus à morbo invidiæ. quæ ut  
 cibus esse fertur plerisq; mortis,  
 fortitudinis Germanicæ, itemq; inte-  
 gritatis summus & amator & præ-  
 dicator. Merito igitur nostræ gentis  
 studiosissimum hominem veneramur:  
 neq; tu aberras, neq; indignum tuis  
 majoribus, istaq; amplitudine facis,  
 cum & idem facis, & hunc ipsum  
 librum, quo magis te id facere intelli-  
 gamus, non aspernaris: quem etiam  
 siue sponte tua, siue rogatu meo, cum  
 vacabis, perleges. Vale, & quem-  
 admo-

PROOEMIUM.

*admodum haftenus nulla , nisi clementia exempla edidisti , ita porro ab juvenili hac tua ætate toto vitæ spacio tuos populos iustissimè rege , ut & tibi sempiternam gloriam parias , & rectissimi imperij simulacrum posteris tuis relinquas. Rostochio Kal.*

*Mart. Anno M. D.*

*LXXXVII.*

A 5

PE-



PETRI VICTORII  
EPISTOLARVM AD  
GERMANOS MISSARVM.

LIBER PRIMVS.

PETRVS VICTORIVS  
S. D. Joachimo Camerario.



Equo animo patior, vir optime atque eruditissime, me à te in hoc scribendi officio superatum : quamvis hanc laudem humanitatis semper toto animo expetiverim. Cum enim in manus meas venerunt animadversiones tuæ, & quasi censura quædam, in libros eos Ciceronis, quos ego studio meo atque auxilio antiquorum codicum, purgare paullo antè conatus fueram, cognoui animi tui probitatem mirificeq; delectatus sum consilio tuo, qui ea quæ probanda esse duxisti, laudasti, & auctoritate etiam tua confirmasti: de quibus vero aliter sentiebas, ab illis leviter



leviter modiceq; dissensisti, sententiamque  
tuam sine livore vlllo, aut obrectatione apo-  
ruisti: longè alia ratione, ac plerique hodiè  
faciunt, vt & omnes, qui hæc curant, facile  
noverunt, & ego sæpè expertus sum. Omno  
enim illi occasionem lædendi quærunt, & ea  
sæpe, quæ recte cogitata, firmaq; sunt, male-  
volentia ducti convellere conantur. Sed  
hoc genus hominum improborum relinqua-  
mus, & invidia confici morsuq; hoc doloris  
lacerari sinamus. Ex eo igitur tempore me-  
rito te amavi, scribereq; ad te, ita me dii ju-  
vent, non semel cogitavi. Continui autem  
me, quia institutam amicitiam nostram vide-  
bam distantia locorum impediri, nec posse  
vfu, consuetudineq; corroborari: id autem  
quod ad benevolentiam conciliandam facit,  
intelligebam propè jam partum esse, nec vl-  
la amplius testificatione egere. Neq; enim  
te dubitasse ymquam puto, quin officium  
illud tuum, humanitatis eruditionisq; ple-  
num, gratum mihi futurum fuerit. Tu  
vero sapientius, fecisti qui inclinationem  
istam voluntatis tuæ erga me, mihi per litte-  
ras declarare non inutile esse existimasti.  
Accipio igitur istâ læto animo, gratiasq; tibi  
ea de re magnas ago: nec si potero vnquam  
desinam studio meo, atq; omnibus officijs

ipsi respondere. Quod vero quereris de  
 præsentī statu Germaniæ, vexationeq; litte-  
 rarum & ingenuarum artium, molesta mihi  
 valdè sunt mala istius antea florentissimæ  
 partis terrarū & omni laude abundantissimæ,  
 ignoscoq; dolori tuo. Qui enim premuntur  
 graui alioqui malo, facere non possunt, quin  
 querimonijs saltem ægritudinē animi sui le-  
 vent. Sed nos quoq; hic spacio duorum  
 annorum multis miserijs conflictati sumus.  
 Ex quo . . . in sæuissimum bellum, quo Senæ  
 devictæ sunt, ac penitus everse, exortum est,  
 propter vicinitatem non parva pars ejus  
 cladis in nostras etiam sedes invasit, ut ma-  
 gna vis hominum apud nos ferro, fame, pe-  
 stilentia perierit, sumptibusq; infinitis, &  
 oppida omnia, & agri exhausti sint. Quare  
 possem ego te rogare ijsdem verbis, quibus  
 ille apud lepidissimum comicum conser-  
 vum suum hortatur, si vllus in tam miseris  
 & calamitosīs rebus esset ridendi locus, ut  
 ξωανλῖα κλαίνωμεν ἔλνμπον νόμον. Simili  
 enim fortuna, pessima illa quidem & ini-  
 quissima, nos quoq; hic vexati sumus. Sed  
 quia nihil mœrore querelisq; proficitur,  
 quod tu sapienter te ostendis facere, omnis  
 cogitatio harum rerum est abijcienda, & ea,  
 quæ iniqua fors jubet, conditioq; præsen-

tium temporum, si non æquo, forti saltem animo ferenda. Nam quis dubitare potest, quin bellum perturbatioq; ciuitatum non tantum adolēcentes ab honestis studijs avocet, traducatq; ipsos ad alias artes, verum etiam extinguat omnem ardorem eorum, qui in litteris diu vixēre, & laudem aliquā illic antea sibi peperere, aut si quos vñquam ingenio suo partus edunt, illos imbecilliores multo, & languidiores edant? quāquam hoc tibi vsu venisse in his litteris, quā ad me misisti, non videtur. Nihil enim illis eruditius, nihil elegantius scribi potest, respondentq; illæ mirificè famæ, ac nomini tuo: quod sane nomen tuum, vt debet, apud nos magnum est, impleuitq; aures omnium crebra, jucundaq; tui recordatione. Perge igitur in ista ratione, laboribusq; ac vigilijs tuis excole bonas artes, vinceq; constantia tua, & in optimis artibus perseverantia, omnem impetum fortunæ, adversantem publicæ vtilitati. Magnam enim, crede mihi, inde gloriam consequēris. Et ego vna cum aliis omnibus, qui bonis artibus delectamur, valde tibi hoc nomine obligati erimus, nec cessabimus vñquam hoc officium tuum meritumq; ingens prædicare. Quod ostendis te cupere à me audire, an aliquid reconditum adhuc

adhuc, & caligine demersum, siue sedulitate mea, cum prius in manibus foret, emendatum, dinulgare parem; flagraui sane diu desiderio istius rei, nec cum potui, omisi ista etiam parte prodesse studiis litterarum. Id tamen quod feci, semper magnis cum difficultatibus feci: non quia non aliqua restent adhuc, quæ si in lucem proferrêtur, grata putem studiosis futura: sed quia nostri typographi, qui pauci sunt, & ij exinaniti, ac male vndiq; angustiis horum temporum habiti, ægrè inducuntur ad veteres auctores, Græcos præsertim excudendos. Seruiunt enim lucro, ac propinquum quæstum sectantur. Omnem autem olim machinam adhibui Torrentino, vt impellerem hominem ad Clementē Alexandrinum formis excudendum: quod vix ille spissèq; fecit, sæpe opere intermisso, vt non semel desperarim, me vnamquam finem eius rei visurum. Cum autem postea aliquando suadere ipsi cæpissē, vt aliis Græcis scriptoribus imprimendis incumberet, nunquam quod studui efficere potui. Quin etiam cum multum diligentiae prius posuissē in Æschyli fabulis emendandis: Contuleram enim eruditissimum, gravissimumq; poetam cum antiquis multis exemplaribus, atque ita tanquam novā fa-  
bula

bula ipsum auxerā. Integrā enim Agamemnonem nactus sum: cuius fabulæ prima tantum, ac pusilla quidem illa pars, continenti tragediæ imperitè adnexa reperiēbatur. Prætereo, quod magnam vim veterum scholiorum, è vetustissimo libro descripseram, ut ita tragicus ille obscurus multis locis, & facilius intelligeretur, & magis etiam venalis redderetur. Cum igitur hæc magno cum meo labore communis vtilitatis causa fecissem: hoc etiam paruum volumen excudere recusavit. Quare ipsum dedi imprimendum Henrico Stephano, probo & erudito adolescenti, qui mihi se studij plurimum in hac editione positurum pollicitus est. Quando autem ille exiturus sit, affirmare non aulam. Res enim tota in arbitrio Henrici constituta nunc est. Hoc igitur est, quod conatum meum impediuit, nec quod futurum sperabam, quodq; tanquam præconio meo notum studiosis feceram, fuit, veteres quosdam auctores è direptione incendioq; Græciæ olim ereptos: nunc vero è situ tenebrisq; opera mea erutos, in lucem prodire. Quod præterea morogas, vt significem tibi, an aliquid cōmenter ac scribam; accuratas declarationes in libellum Demetrii *πρὶ ἐξμλωιᾶς*. prope iam absolutas.

maximam ac præstantissimam, quamuis  
nunc honesta ista, tranquillaque viuendi ra-  
tio, ut tu narras, & ut ego coniectura iudi-  
care poteram, impedita sit seditionibus, atq;  
intestinis malis ciuitatum: seu quæ verior  
est origo horum incommodorum, quæ per mul-  
tas terras vagantur, & communis otii adeo  
inimica sunt. Sed ijs aliquando finem ali-  
quem Deus opt. max. reperiet, salutis quie-  
tisq; nostræ prospiciens. Humanitas vero tua  
incredibilis, postquam in animum induxit  
me amare, maneat quæso in voluntate ista.  
Ego enim quoque, cum consuetudine simul  
viuendi longo interuallo terrarum priue-  
mur, perficiam profecto, quocunque potero  
genere monumentorum, ne animi nostri  
alieni inter se fuisse existimentur. Opto au-  
tem tibi cunctas res secundas, in primisque  
vt omni molestia careas, quo diutius possis  
elegantiores litteras adiuuare, ac tibi ipsi  
immortalitatem acquirere: & si hoc, vt e-  
gregium diuinumq; bonum consequar-  
is, amplius te non oportet labo-  
rare. Vale Florentia prid.  
id. Quintil.

## PETRVS VICTORIVS

S. D. Joachimo, Joachimi

F. Camerario.

**L**itteræ tuæ mihi redditæ sunt X. Kalend. Mai datæ, cumque illis epistola patris tui, optimi & clarissimi viri, cui epistolæ non multo post diligenter respondi. Cum autem facultatem hic habuerim mittendi eam satis turo, ut spero, voluit omni hac molestia liberare, nec tamen non oportere iudicavi notum tibi esse, quid fecerim, ne penderes diutius animi, verereque ne fasciculus ille litterarum mihi non redditus esset, simulque cum te amare cæperim, statim ut cognovi, ex quo patre natus esses, eaque de causa cupiam tibi, ut debeo, quacunque re possum prodesse: loqui tecum aliquantulum volui de studiis litterarum, in quibus te video volutarj, & erga illa, si fieri per me potest, benè animatum,

magis

magis adhuc inflammare. Nihil enim est, quod tibi maiorem voluptatem allaturum sit, industriamq; tuam in altiore loco positurum. Arti autem illi perdiscendæ te dedisti, ut audio, quæ honesta est, & hominum generi salutaris. Illud enim Homeri tibi notum esse scio, qui eo etiam in loco, ubi multis modis commune bonum procurari poterat, ubiq; imprimis militum virtus ita in honore habebatur, non dubitavit tamen clara voce canere: ἰατρός ἀνὴρ πολλῶν ἀνθρώπων ἄλλων: ac verè id quidem, cum salutem medicus hominibus det, sanosq; ille multos studio & opera sua in vita retineat, qui in morbi ac vulnerum dolore, nisi præsto ipse fuisset, absumpti cito fuissent. Et finis igitur, quem tibi proposuisti, splendidus est, dignitatisq; plenus: & ad eum omnibus animi ac corporis viribus contendere debes: quod etiam ut facias, à te postulat locus ipse, in quem venisti. Cum enim Patauium te contulisti, quæ vrbs est domicilium omnium virtutum, & tanquã mercatus quidam bonarum artium, eodem tempore te inde ornatum, & copiose instructum discessurum spondisti. In quam enim



reprehensio nem incurrant, vel vituperationem potius, qui ex aliquo celebri gymnasio domum inanes redeunt, frustra; illic multos annos consumpserunt, testimonio eiusdem grauiſſimi poëtæ intelligitur, qui communiter inquit de longa peregrinatione, quæ fructus nullos tulit, omniq; irrito conatu: *αἰχρόν τοι δ' ἥρόν τε μένῃρ κενεόντε νέεσθαι*; quæ sententia veteribus ita probata est, vt omnium ore celebraretur, nec quicquam verius sapientiusq; dici potuisse existimaretur. Sed nihil est, quod magis te in hoc itinere opt. artium retinere debeat, atque etiam aliquem stimulum tibi admouere, vt citius ad metam peruenias, quàm auctoritas patris tui: qui cum omni laude floreat, celebreturq; summo consensu eruditorum omniũ, te non respondere gloriæ ipsius, neq; imitari instituta, ac vitam maxime spectati viri, infamiæ plenum, ac dedecoris esset. Decet igitur te maculam hanc fugere, vel potius maiorem, quàm ille consecutus esset, laudem ac gloriam, si fieri vlllo pacto potest, adipisci conari, vt postea vna cum Sthenelo Homérico glorieris: *ἡμῶς τοι πατέρων μέγ' ἀμείνομεν εὐχόμεσθ' εἶναι*. Nescio autem, quomodo, dum te hortari studeo, desiderioque tuæ laudis incensus sum, tertium iam me, quod

quod in scribendo non valde consueui, ad  
 Homeri magniloquentiam contulj. Puto  
 autem id factum esse diuino consilio, vt quod  
 per me efficere non potuisssem, & tamen il-  
 lud valde optarim, auctoritate summi poëtæ  
 obtineretur: nomenq; Homeri valeret ad te  
 impellendum, & ad cursum istum honoris,  
 in quo versaris magis inflammandum. Vale,  
 ac quæ fideli sinceroque animo tecum de  
 hoc egi, in bonam partem accipito. Si qua  
 vero in re, dum istic degis, tibi opera mea  
 utilis esse potest, peto à te maiorem in mo-  
 dum, vt me admoneas. Habeo enim istic nō-  
 nullos studiosos mei, qui rogati à me cōmo-  
 dis tuis non deerunt. Fieri autem potest, vt,  
 cum tam longè domo absis, aliqua re ali-  
 quando egeas. Quod si sensero non patiar, vt  
 te mihi pater tuus frustra commendasse vi-  
 deatur, cuius voluntati magnopere satisfac-  
 cere cupio. rursus vale.

PETRVS VICTORIVS

S. D. Ioanni Alberto, duci Megapolitanorum.



Agna lætitia me perfuderunt  
 litteræ tuæ, princeps humanif-  
 sime, gauisusq; maximè sum,  
 officia illa, quæ à me in tuos ho-

B 3 mines



mines collata sunt, grata tibi extitisse: & cum mea sponte procliuis semper fuerim ad iuuenes cupidos bonarum artium adiuuandos, præsertim si ad virtutem indoles in illis apparuerit; quanto magis nunc ero, postquam cognouij à tanta auctoritate studia hæc mea approbari, & tam magnam mercedem honoris ac gloriæ propositam esse huic labori meo? Conabor igitur, vt tu me hortaris, & omnes ingenii neruos in hoc contendam, vt quotidie magis prosum probis ac studiosis adolescentibus, eosq; vndique ornatos, & quantum per me fieri poterit, omni virtute instructos per me reddam: in primis autem, vt decet, vestris præsto semper ero, cum tam longè ad me venerint, & operam diligentiamq; meam tanti æstimarint, vt tamdiu abesse à suis, vt mecum viuant, & à me erudiantur, parui duxerint. Quod munusculum meum tam libenter accepisti, ornasti que ipsum testimonio tuo, vel potius summo honore verborum in cælum extulisti; ago tibi gratias immortales, ac si quid aliquando huiuscemodi edidero, quod cito, vt spero, erit, statim ad te mittam: non quia labores, vigiliasq; meas tanto viro dignas putem, sed quia hoc voluisti, ac me sedulo, vt id facerem, rogasti. Parebo igitur vo-  
lun-

Iunctati tuæ, cui etiam cæteris omnibus in rebus obtemperarem, vt optimi principis, & qui, vt perspexi, omnibus suis viribus, atque opibus virtuti fauet, cum tantopere honestæ beatæq; vitæ suorum prospiciat. Quod si cæteri istius ordinis, ac loci facerent, atq; ita propensi forent erga ingenuas artes, multo plures mortales vita atq; moribus florent, atq; ipsi sibi æternam gloriam hoc pacto pararent. Deus opt. max. tibi propicius sit, rectaq; tua consilia ad exitum perducat. Vale.

PETRVS VICTORIVS  
S. D. Ioanni Caselio.



Vltis ijsq; minimè incertis signis perspexi, Caseli optime, cum hic esses, te probum virum esse ac valdè studiosum amicorum: quam ego semper veram & summo studio persequendam laudem iudicauj. Omitto nunc acumen ingenii tui, scientiamq; egregiam & Græci & Latini sermonis, quibus tu etiam animi doribus non mediocriter ornatus es. Vt verum tamen fatear, nunquam à te tantam benignitatem exspectassem, nec officium, ita ad me or-

nandum aptum, quale istud fuit, quod opera studioq; tuo, vt suspicor, factum est, vt Ioannes Albertus dux vester, humanissimus profecto, optimusq; princeps, litteras ad me mitteret, quibus gratias agit, quod me suis hominibus valde beneuolum facilemq; præbuerim, atq; ipsos cura laboreq; meo & eruditiores, & vita moribusq; politiores domū remiserim, rogatque sedulo, vt idem in reliquis faciam, qui adhuc apud nos manent honesti iuuenes, & propter modestiam excellensque ingenium omni laude honoreq; digni. Ago igitur tibi ego quoque gratias immortales, quod me participem huius voluptatis fecisti, quæ sine vlla dubitatione magna ac iusta est, studuistiq;, vt nomen meum ad aures vestrorum principum perueniret, celebrareturq; ab ipsis amore quodam & beneuolentia singulari. Duci sane isti vestro respondi statim, & quemadmodum te semper præstare conabor, ita etiam verbis ei promisi, me nullo tempore defuturum commodis vestrorum iuuenum, fidemq; meam ipsi, tanto viro, libenter adstrinxi, quam certe nunquam fallam. Tibi vero pro isto tanto beneficio (beneficium enim ego istuc, quod fecisti non mediocre numero) omne meum studium, omnem industriam, omni  
tua

tua in re polliceor, rogoq; vt si quid in me est, quod tibi absentij, tuiq; prodesse aliquo modo possit, eo liberè vtare. Nihil enim mihi gratius contingit, quàm seruire vtilitatibus amicorum, in quibus tu non postremum locum obtines. Vale, ac tota mente recale studia, quibus apud nos diligenter operam dedisti, nec patere elabi tibi ex animo præcepta optima & maximè apta ad vitam hominum informandam, quæ à summo auctore sapientiæ, & doctissimo viro Aristotele accepisti. Florentiæ Idib. Iun. M. D. LXIII.

PETRVS VICTORIVS  
S. D. Othoni Hamio.



Edditæ mihi sunt tuæ litteræ, Otho suauissime, IV. id. Octobris datæ, quibus cognoui de bona valetudine tua, quod mihi periucundum fuit. Incipiebam enim de ea iam sollicitus esse, metuebamq; ne tibi aliquid maioris incommodi, vt sæpe fit in tam longo itinere, accidisset. Gaudeo igitur hunc meum timorem inanem fuisse, tibiq; vt debeo, gratias ago, qui  
B 5 statim.

statim, vt potuisti, hanc curam ex animo meo dempseris. Quod nartas in epistola illa, te crebris recordationibus nostri confici, desiderareq; vehementer meos sermones, puto me hercule verum esse. Cognoui enim ingentem vim amoris tui, tēque, plus etiam quā oportēret in omni re mihi tribuere solitum, memoria teneo Remedium autem istud, quod excogitasti huius mali, vt tu appellas, quod meis scilicet congressibus careres, erit tibi semper præsto. Nunquam enim patiar te ad me scribere, quin statim tibi rescribam, ac si quid etiam mandes, libenter faciam: quod tuum officium erit etiam mihi valdè accommodatum. Ipse etiā quoq; non minorem voluptatem capiam ex tuis litteris, egeoque prorsus hoc ipso solatio, quo leniam desiderium tui absentis, ex quo præsentē ob mirificam animi tui probitatem, suauissimosq; mores, quotidie nova aliqua lætitia perfundebar. Ne autem argumentum litterarum aliquando nobis desit, confugiemus ad studia nostra, indēq; auxilium peremus: quod te hortor vt facias; & ipse quoq; cum opus erit, eodem recurram. Multum enim valebit ad ægritudinem istam leuandam, desideriumq; huius nostræ terræ minuendum, (nolim enim te  
peni-

penitus ex animo tuo ipsum extinguere. )  
 si cogitabis, ut sapientissimus ille, politicissimusq; scriptor ad familiarem suum scripsit non minore honore, laudeq; dignum in studiis optimarum artium. Eodem enim ipse quoq; dolore torquebatur, nec poterat æquo animo abesse à Musis, veteribus suis oblectationibus, & si eo tempore in publicis, amplisq; muneribus obeundis occupatus, erat: multum, inquam, valebit ad molestiam mitigandam, si cogitabis, nos non solum nobis natos esse, sed patriæ ac parentibus, ceterisq; necessariis. Cum igitur non paruo intervallo temporis à patria absueris, honestisq; tuis, & nobili viro dignis voluptatibus indulseris, debes nunc illorum commodis servire, & desideria ipsorum iusta explere, qui non sine causa te cupiunt domi manere, tuoq; iucundo aspectu sermonèque quotidie frui. Salutavi autem amicos tuos, qui multi sunt, ac te plurimum diligunt; nec sane aliter facere possent, nisi omnes humanitatis expertes forent. Inhumanum enim prorsus, & durum nimis esset, ipsos non firmam in animo suo retinere memoriam optimi, & humanissimi adolescentis, & qui omni tempore, quo apud nos vixit, exemplum se quoddam mirificum præbuit continentiae & omnis generis virtutis. | Vale Florent. PE



## PETRVS VICTORIVS

*S. D. Ioanni Caselio.*

**N**on commissem vlllo pacto, Caseli optime, vt ad te non scriberem, gratiasq; tibi agerem, cum cognoui studio tuo & beneuolentia factum esse, vt princeps tuus maximè ille quidem illustris, &, vt video, suorum amantissimus, mihi litteras mitteret, & operam meam tantopere laudaret, in suis iuuenibus erudiendis & ad honestas artes cohortandis positam. Scripsi igitur, vt debebam, & officio illo functus sum, quod non poteram sine graui culpa omittere. Miror autem epistolam illam ad manus tuas non pervenisse: sed ut spero mittetur ad te vna cum exemplari illarum mearum litterarum, quod ostendiste à Roter-  
mundio diligenter petisse. Fuit enim, ut videor mihi recordari, in eodem fasciculo inclusa. Quod si forte amissa est, rursus eadem ad te mittetur, ne careas illa mea lucubratiuncula, & vt intelligas, me grato animo beneficiũ illud tuum accepisse. Ita enim prorsus ipsum appellandum existimo. Quod enim maius beneficium in quẽpiam non omnino

mnino sordidum & auarum hominem con-  
 ferri potest, quàm ornari ipsum ab honestis-  
 simo & clarissimo viro, & testimonio ipsius  
 valde celebrari? sed sit huius rei jam finis.  
 Ostendit mihi superioribus diebus Otho no-  
 ster orationem tuam grauem & eruditam:  
 id est *πρωτῆς πικρῆς*: ad iuvenes vestros ad  
 studia litterarum inflammandos, & ad benè  
 honestèque viuendum impellendos, quam  
 legi libenter, & mirificè animo meo pro-  
 bavi. Perspexi enim illa fideliter à te di-  
 cta fuisse, & ex intimis tuis medullis pro-  
 diisse, qui quemadmodum ipse à vitiis totus  
 abhorreret, ita etiam ut ceteri omnes, omne  
 flagitium ac dedecus fugerent, operam da-  
 res: & sane hæc est vera philosophia, vt  
 commemoras vitam & mores expolire, &  
 non tam studium ponere in inuestigatione  
 abditarum obscurarumq; rerum, quàm in  
 virtute ipsa ornanda, ipsiusq; honestis fa-  
 ctis merito celebrandis: Quiq; hanc viam  
 monstrant adolescentibus, & qui fructus in-  
 de nascantur, declarant, illi vehemèter pro-  
 desse humano generi existimandi sunt, ac  
 veri duces beatæ vitæ, auctoresq; sapientiæ  
 profecto habendi. Perge igitur, & quan-  
 tam maximam potes, operam da, ut ma-  
 gnum amorem veræ dignitatis in animis i-  
 pso-  
 rum

pforum excites , & cunctas fibras vitio-  
 rum , si quæ in illis sunt, falsasq; opiniones è  
 pectoribus eorum penitus eruas. Nullum  
 enim maius beneficium illis dare potes.  
 Non magnum autem est negotium , & vita  
 sua , quæ bene agatur , & oratione honesta  
 impellere adolēscētes ad virtutē, præsertim  
 bene educōtos, siue etiam non omnino perdi-  
 tos & desperatos. Nam & illa suo splen-  
 dore ac pulchritudine ad se trahit , & ma-  
 gna vis est copiosæ & ornatae orationis, quæ  
 profecto in te est, quemadmodum ego ex il-  
 lo procœmio tuorum laborum perspicere po-  
 tui : ut taceam , quantum valeant ad hanc  
 rem spectati mores, factaq; alicuius probi ac  
 gravis viri, cum etiam non defuerint, qui  
 existimauerint, quamvis falso, hanc vnam  
 rem satis esse ad id opus efficiendum, unde  
 extitit versus ille Menandri, præclare, ut  
 arbitror, tibi cognitus, τρώῃ ἐδ' ὁ πείθωρ  
 τὲ λέγοντ' , οὐ λόγῳ Non possem autem  
 facile tibi narrare, quantopere mihi placue-  
 ris , qui Homerum adolescentibus istis  
 interpretandum susceperis , putauerisq; sin-  
 gulares huius diuini poëtæ virtutes à te se-  
 dulo explicatas, posse plurimum ipsorum  
 ingenia exornare, & ad honestatem omni-  
 bus in rebus persequendam inflammare.


Nihil

Nihil enim arbitror maiori consilio factum esse. Suspicio vero ab Iliadis principio potissimum, quod etiam initium est utriusque operis, exordium duxisse. Hoc enim mihi in primis argumentum convenire videtur studiis naturisque Germanorum, quæ magnæ excelsæque sunt, & bellica virtute disciplinaque in primis delectantur. Et sane existimatur: Homerum, cum mens, ipsiusque spiritus vigeret, in graue hoc turbulentumque opus incubuisse: ad alterum vero tranquillius sedatiusque scribendum se contulisse, cum iam animi ipsius vires languescere inciperent, & senectute imbecilliores factæ essent. Quare in hoc etiam illum, quemadmodum in ceteris omnibus rebus multum vidisse: qui quod sibi omni tempore conveniret præclare cognoverit. Ostenderem autem libenter, & ut arbitror, facile, quæ me causæ moverint, ut tantopere iudicium tuum comprobarim, sed quia id minime necessariū esse duco, vel superuacaneū potius, omni huiusmodi cura supersedebo. Video enim ex epistola tua, quæ cū oratione ipsa cōnexa est, tibi eximias virtutes huius præclari poetæ perspectas & exploratas esse: nec cessare te etiā ipsas aliis prædicare, & in agno iustoque honore verborū afficere.

cere. Sed quis quæso non laudauit Homerum, & admirabiles ipsius laudes in cælum non tulit? aut quis putaret ipsum præcone vlllo nouo & laudatore egere? qui natus est mirificos sui amatores, veteres illos præstantissimos viros, & quasi signiferos totius sapientiæ, Democritum, Platonem, Aristotelē, Plutarchum, atq; adeo cunctos, qui aliquid ingenio aut iudicio valerent? Nam valeret etiam non parum ad ipsum ornandum, quod non suis solum Græcis, doctissimīs viris, mirificè probatus fuit, sed etiam Latinis omnibus scriptoribus, quorū etiam admirabili consensu valde celebratus est: atque ita denique illis commendatus, vt nemo olim faciliè inueniri Romæ posset ingenius puer, qui non ipsum accuratè legisset, ac memoriæ etiam totum mandasset. Sed reuoco me: paulatim enim sermo habitus de hoc excellenti poëta, propter summū amorem, quo illum prosequor, imprudentem & inuitum eō me rapiebat, quō mihi accedendum hoc tempore non esse antè statueram. Redibo igitur ad te, vel potius cum sensum animi mei totum jam patefecerim, ac te ob istud tuum consilium, præclarumque opus, quod tibi proposuisti, merito laudarem, finem faciam tecum loquendi. Volui

sui autem, si modo præstare id & efficere potui, voluntati tuæ satisfacere, qui huiusmodi aliquid in illis tuis ad Othonem litteris, à me cupere videbare. In qua re tractanda, præterquam quod id ex animo ac cum magna voluptate feci, nec discessi vllam in partem à studio, ac iudicio meo, eò etiam libentius versatus sum, quia magna mihi âbre, & honesta merces huius pusilli mei laboris proposita est, id est, laus ac glória, cuius obtinendi semper ego incredibili desiderio inflammatus fui, si quid est in me, quod honore dignum sit, ac tanto bono compensari debeat. Vale, & de me omnia tibi pollicere, quæ à probo viro fideiq; amico proficisci possunt. Florentia IV. Kal. Apr. Anno M. D. L. XIV.

PETRVS VICTORIVS,  
S. D. Joachimo Friderico Marchioni Brandenburgensi.

 Tatim ut ego audiui ex litteris probi & eruditi viri Ioannis Caselii, te inflammatum studio bonarum artium, etiam in eo honesto itinere aliquantum progressum esse, magnopere lætatus sum, sepiq;

cepiq; ex ea re voluptatem non paruam. Cū enim semper ipse ingenuis studiis delectatus sim, atq; omnem pæne vitam in ipsis consumpserim: quomodo non gaudere debeo, cum video summo loco natos adolescentes iisdem artibus teneri, atq; omnibus viribus veram laudem ac dignitatem persequi? Gauius igitur sum valdè, teq; vehementer, optime & clarissime adolescens, subito amare cæpi. Cognoui enim facile, si in eadem præclara voluntate permanseris, & tibi istam rem magnæ laudi honoriq; futuram, & te quoq; ob nobilitatem amplitudinemq; tui generis, dignitatis nonnihil his litteris allaturum. Quis enim dubitat, quin recta institutio cognitioq; artium honestarū plurimum ornamenti adportet iuuentuti, & antiquissimam etiam quamq; stirpem multum decorare valeat? Non sunt contemnenda, quæ nostris in corporibus & extra ipsa etiam collocata sunt. Sed tamen intelligendum est, & à fortuna illa nobis dono data, nec vlla nostra industria parta, & in ipsius rursus potestate, ne dicam temeritate versari: virtutem autem eximium animi bonum, nostro labore comparatam, eandemq; in stabili ac firmo solo constitutam: Naturam vero hanc esse quam ostendi harum rerum, non solum

do-

doctissimi viri docuerunt, qui non desinunt clamare, diuitias & opes vacuas à virtute nihil iuuare; nullumq; in se verum emolumentum habere, verum etiam poëtæ. Idem enim ipsi quoq; sæpe testantur, & illis, qui audiunt aut legunt eorum scripta, persuadere conantur. Vt aliorum autem nunc testimonia, quæ passim se mihi offerunt, ac crebra apud ipsos sunt, relinquam; Bacchylides quoq;, qui non omnino grauis ac seuerus poëta fuit, in cantibus certe ille lyræq; sonis, ingenium suum omne contriuit, aliquando cecinit: *πάσωμεν λισὸν κῦδος ἔχον ἀρετῶν: πλεῖστον ἢ καὶ πολλοῖσι μὲν θρώπων ὁμιλεῖ.* Sed non oportet in re tam plana confirmanda diutius laborare, etsi vulgus & imperiti aliter de hoc sentiunt. Nam quin tu quoq; lucis aliquid ac splendoris his studiis allaturus sis, exemploq; tuo non paucos excitaturus, dubitandum non est: non quia illa obscura sua vi, ignobiliaq; sint: contra enim nulla alia de caussa ipsa ingenua liberaliaq; vocata sunt, nisi quia conueniunt ingenuis, clarisq; hominibus, nihilq; in se humile aut sordidum habent, vt aliæ nonnullæ quæ quæstui potius faciendo, quàm animo expoliendo inuentæ sunt: sed quia errore quodam horum temporum, atque adeo

C a animi



animi cæcitate, locupletes ac fortunati homines, non valdè ipsa diligunt, nisi potius aliquis credat id fieri, quia illi deprauati sunt corporis voluptatibus, delinictiq; illecebris ac præstigiis earum, toto animo ipsas consecretantur. Quæ vita quàm turpis sit, & honesto grauiq; viro indigna, neminem fallit. Hoc igitur fortasse facit, vt ab his humanissimis litteris illi abhorrere videantur. Nam ipsi quoque pulchritudinem ipsarum elegantiamq; per caliginem saltem videant necesse est. Nulla enim est tanta inscitia, quæ penitus ignorare litteras, & nullam partem luminis ipsarum decorisq; sentire vnquam possit. Tanto igitur maiore tu laude & commendatione dignus eris, qui relicta mala consuetudine reliquorum, nec imitans multos tui loci atque ordinis iuuenes; toto pectore incumbis rectis studiis, ac dignæ adolescenti nobili disciplinæ. Prorsus enim efficies id, quod dixi, vt in veterem locum istic, vnde apud omnes ferè deiectæ sunt, has humaniores litteras restituas. Perge igitur, ac magno fortiq; animo sustine labores, qui in ipsis primo percipiendis deuitari nullo pacto possunt. Nascentur enim inde redundabuntque in te breui magnæ ac variæ voluptates, eademq; sincera ac solida, nec vlla dolo.

doloris molestiaq; coniunctione contraminata. Non possunt vero tibi deesse duces in hac honesta ac gloriosa via: inprimis autem tibi præsto semper erit Caselius, qui te valde diligit, & amore tuarum laudum incensus est, quiq; mihi auctor fuit, ut ad te scriberem, ac multa de tua optima indole summòque ingenio prædicauit. Posse autem ipsum hoc efficere, & omnes conatus tuos præclare regere & adiuuare compertum habeo. Ipse etiam, quacunq; te possum absens, ac tanto interuallo locorum seiunctus, honori tuo ac gloriæ seruiam, pro eximio amore, quo semper veram dignitatem & honestatem colui ac veneratus sum. Vale, & voluntatem hanc meam in te egregiam quæso amplectore. Florentia IIII. K. April. M.D.LXIII.

PETRVS VICTORIVS  
S. D. Gotiflobo Rotermundio.



Um familiaris noster Otho, probus & vndiq; spectatus adolescens hinc decederet, non potui non aliquid ipsi litterarum ad te dare. Nec enim post discessum nobis tunc occasio vlla extitit scribendi.

Quamuis autem ne nunc quidem noui aliquid, quod ad te scribam, magnopere habeam: tamen argumentum epistolæ erit veteris nostri amoris accurata recordatio<sup>3</sup>, quæ plurimum suauitatis in se habeat necesse est. Nam & tu, dum hic fuisti, plurimum me dilexisti, vel, ut verius loquar, diligenter obseruasti, & ego te quibuscunq; rebus potui, iuui atq; ornaui. Fuerunt sanè illa, quæ in te officia contuli, leuia & pusilla: sed cum maiora à me proficisci non potuerint; id vero quod feci cum libenter ac studiose præstiterim: arbitror me merito accusari non posse. In discessu vero tuo planè aperteq; perspexi, te vehementer delectatum fuisse consuetudine nostra. Ita enim à nobis abiisti, & ea signa mœroris illo tempore dedisti, ut non in patriam redire, sed à tuis propriisq; sedibus diuelli viderere: quod quemadmodum mihi quadam ex parte placuit, & eximie cuiusdam pietatis satis certum indicium fuit, ita non omnino probaui, te, postquam ea, quæ volebas, confecisses, & multis bonis ingenuisq; artibus animum expelisses, quasi inuitum, domum reuerti, doloremq; non paruum ex dolore tuo illo cepi. Quod si commodo tuo id fieri potuisset, ac sine magna molestia tuorum, qui te post satis longum

gum temporis interuallū videre cupiebant, ipse quoq; hortatus te essem, vt diutius apud nos commorare. Sed omnia, ut opinor, rectè ordineq; gesta sunt. Opto autem, & à Deo opt. max. summis precibus peto, vt res tuæ istic secundæ sint, & vt, quod dignum probitate virtuteq; tua est, magnos fructus feras tuorum magnorum laborum, vulgoq; ab omnibus diligare & carus habere. Nostri quoq; iuuenes, qui in iisdem tecum litteris versabantur, tua causa cupiunt omnia, ac crebro mecum de singulari tua humanitate, & egregiis animi dotibus loquuntur: dicerem etiam, ni verer, ne assentatoris nomine tibi repente suspectus fierem, (scis enim me minimè blandum esse) maiorem partem ciuium, atq; adeo vniuersam ciuitatem, te vna cum optimis tuis sodalibus in oculis ferre, quod cum tanto tempore hic vixeritis, assidueq; illa studia & facta vestra attenderit, nihil vnquam fieri à vobis viderit, quod affine alicui culpæ aut errato esset: vel potius quod non magnopere probari & summis laudibus in cælum ferri posset. Vale, ac me, quamuis nunc remotum longinquo spacio terrarum, ama. Florentia IIII. K.

Apr. M. D. LXXIII.

## PETRVS VICTORIVS

S. D. Joanni Caselio


**C**unctos, qui ad me cum tuis litteris venient, videbo libenter, & quacunque re potero ipsos ornabo. Quanto plures autem venerint, tanto magis mihi gratum feceris, maioreq; me perfuderis voluptate. Non est igitur quod te purges, & quasi tibi ignosci à me postules. Neque enim culpæ quippiam, aut vitii in isto facto est, sed contra laudis plurimum & dignitatis, præsertim cum illi, quos amas, commendasq;, qui ab omnibus probis & honestis viris amentur, cari q; habeantur, digni sint. Neque enim fieri potest, ut aliquis diligat, nisi parem sibi, & æqualem. Te autem bonum virum, & multis, magnisq; animi dotibus instructum semper iudicaui, & quotidie magis in hac sententia confirmor. Perges igitur, institutumque istud tuum rectum seruabis. Ioan. Schofferus Aemilianus, qui heri me salutavit, & epistolam tuam mihi reddidit, visus est mihi ex longo & accurato sermone, quæ mecum habuit, homo eruditus & satis ingeniosus, dignusq; demum tua commendatione. Eiege quæ potui officia præstiti, in  
 mul-

multis occupationibus, nec satis commoda  
 valetudine. Cum autem perspexissem ipsum  
 esse φιλοθέωρον, curavi, ut spectaret omnia,  
 propter quæ ciuitas hæc nostra hodie à ve-  
 stris hominibus visitur: quæ multa sanè sunt,  
 ut scis, & præclara: quæq; non sine causa  
 capiunt animos politorum hominum, inui-  
 tantq; ad se diligenter videnda. Existimo  
 autem me à te non paruum beneficium acce-  
 pisse, qui occasionem mihi dederis, talem  
 uirum cognoscendi, similitudinemq; ami-  
 citiæ quandam cum eo iungendi. Nullum  
 enim ego puto quæstum maiorem, quàm  
 conciliare mihi beneuolentiam doctorum  
 & proborum virorum. Quare, ut jam supra  
 dictum est, maneto in isto proposito: & cum  
 aliqui vestri generis, honelli prorsus ac mul-  
 tis magnisq; artibus clari, hac iter facient,  
 hortare, ut ad me adeant. Polliceor autem  
 tibi, me nullis ipsorum commodis, deside-  
 riisq; vnquam defuturum. Tu verò vale-  
 bis, ac me, ut sane facis, amabis. Floren-

tia VIII. Id. April. Anno

M. D. LXV.

PETRI VICTORII  
*PETRVS VICTORIVS*  
*S. D. Ioachimo Friderico Mar-*  
*chioni Brandeburgensi.*

 Eruenit tandem Caselius Florentiam, cum Bononiæ prius longo, & periculoso morbo cōflictatus esset. Eius aduentus multis de causis fuit mihi gratissimus. Nam diligo valde hominem, & non sine causa diligo. Præter enim suauissimos mores, summam probitatem, singularem doctrinam, quibus omnibus ingenii dotibus præclarè instructus est, intellexi illum & multis signis plane cognoui, magnum amatorem mei esse, & quasi præconem quendam meæ laudis, & nominis. Quare cogor illum amare, & toto animo complecti, quod equidem iam pridem feci, & summa semper cum voluptate feci: nunc autem ardentius id faciam, postquam video ipsum tantopere tibi, adolescens optime, & princeps præstantissime, carum esse, cui debeo quacunq; te possum seruire, & totum me ad arbitrium, studiumq; tuum fingere. Cum vero quod ad hoc pertinet, te merito antea suspicero, & admirari cœpissem, secutus testimo-  
nia

nia multorum, qui de indole tua, & satis certis eximiæ virtutis notis, multa mihi prædicarant; ex hac die acrius in eam curam incubam, quia ex epistola tua, plenissima amoris, & incredibilis cuiusdam humanitatis, id verum esse, ac prorsus ita se rem habere, perspexi. Amaui enim in ipsa elegantiam verborum, acumenque sententiarum. Sed multo magis amaui egregium animum tuum erga bonas artes, reque molestias, quæ initio ipsarum perdiscendarum necessario sustinentur, contempsisse, & quasi totum illud fastidium, quod multos sæpe fortunatos homines, ut verè scribis, non satis rectè inde reuocauit, deuorasse lætatus sum. Erunt autem fradices ipsarum amaræ fuerunt, quod usu venire à sapientissimis viris memoriæ proditum est, fructus postea dulces, & mira quadam suauitate aspersi. Quare hortor te, & si, ut video, admonitore non eges, stimulusque omnis, qui ad te impellendum adhibetur, superuacaneus & importunus est; ut in ista ratione perman eas. Semper autem mihi sententia illa doctissimi, & grauiissimi viri vera visa est, qui cum scriberet ad opulentissimū regem Alexandrum Macedonem, ipsique diligenter suaderet, ut toto animo incumbere ad orationem expellendam, putauit,

prin-



principes viros, quemadmodum vestimentorum elegantia, ac cetero omni ornatu corporis vincunt privatos homines; ita etiam debere eosdem eloquentia, & facultate dicendi anteire: quia multo pulchrius est, ac vero rege dignius, animum habere sapientia ornatum, quam corpus concinnitate illa decoratum: neque enim probari posse illos; culpæq; magnæ sine dubio affines esse, qui cum re ipsa, factisq; primum locum inter mortales obtineant, videri merito possint quibuslibet hominibus in studio linguæ facundiaeq; posteriores. Sed hæc & alia multa sapientes viri excogitauere, ad id munus obeundum apta, quæ nunc ego relinquam, ne iustum modum epistola migret: præsertim cum domi habeas, qui, si opus sit, & hæc, & huiusmodi alia quotidie tibi decantare possit. Mouit præterea me, vt jam finem præcipiendi facerem, quia habeo in animo ad te aliàs scribere, ad quod faciendum humaniter à te, beneuoleq; inuitatus sum. Semper autem in meis litteris aliquid attingam, quod oleat doctrinam, & quippiam memoria dignum in se contineat. In nulla enim re libentius versor, nec aliquid vnquam gero, vnde tantam voluptatem capiam, quam cū dissero de studiis bonarum artium, de pro-

mōque

mòque inde aliquid, quod valeat ad iuuentutem erudiendam. Quanto maiore igitur lætitia afficiar, si sentiam vigiliolas meas fructum aliquem ferre fortunatissimis adolescentibus, & summo loco natis? qualis tu imprimis es, quid, quod audierunt acceptum à veteribus illis optimis ingeniis, possunt conuertere in magnos vsus, commodàque gentium, quas regunt, ac fortissimorum populorum. Restat nunc, vt tuæ benignitati plurimas gratias agam, ob eximium istud ac præclarum donum, quo me ornasti, quod mihi fuit carissimum, semperq; à me in sinu gestabitur, vt singulis horis recorder humanitatem tuam, ac splendorem, gloriamq; vestræ honestissimæ, ac maxime illustris domus. Vale optime adolescens, ac multis naturæ fortunæq; bonis florentissime. Florentia Prid. Kal.

Ian. A N N O

M. D. L X V.

PETRVS VICTORIVS  
S.D. *Thoma Hubnero.*

**B**onum profecto, plenumq; amoris ac fidei consilium illud illius fuit, qui primum mihi suavit, vt ad principem tuum, optimum & maximæ spei adolescentem scriberem, ipsumq; sua sponte ardentem, magis adhuc ad studia bonarum artium virtutemq; inflammarem. Tuli enim ex illo tenui labore meo, operaque non sane ardua, sed tamen ab animo fideli & sincero profecta, fructus amplissimos. Quæ enim maior utilitas ex vlllo officio capi potest, quam conciliare sibi bonis artibus, honestoq; aliquo studio gratiam probi iuuenis, ac summo loco nati? eodemq; tempore, atq; eadem omnino cura fundamenta iacere, veræ & sinceræ amicitiae, cum honesto ac docto homine, qualis tu profecto es? Nam, quin non parua laus sit, habeâtque in se plurimum dignitatis, principibus viris placuisse, dubitandum non est. Hoc enim quoque, præterquam quòd sua vi satis planum apertumq; est, vt præclaret nosti, verus Latinus poëta prædicauit: sibiq;

EPIST. AD GERMAN. LIB. I. 47

sibiq; quia id eximium bonum in vita consecutus esset, plurimum tribuit. Amore autem erga me, egregiâque voluntate eruditorum hominum, nihil ego existimo antiquius, anteponoq; hoc ingens atq; immortale lucrum, ceteris omnibus, qui in me vndiq; redundare possent, maximis quæstibus. Quare, ut dixi, rectum illud consilium fuit, iustamq; causam habeo laudandi eum hominem, atque celebrandi. Epistola verò tua, sensus animi tui, atq; summæ benevolentiae certum indicium, fuit mihi valde grata & accepta. Vellein tamen aliud argumentum scribendi ad me sumpsisses, & non totas tuas illas litteras in vitæ meæ partibus commendandis consumpsisses, sed tamen probo animum tuum, studiumq; ornandi mei amplexor, quod magno artificio fecisti, egregièque quod studuisti consecutus es. Rogo autem te, ut in eo quod cœpisti permanear, scribasq; ad me sæpe aliquid de communibus studiis: quo nihil mihi gratius efficere potes. Cum autem te merito, ob singularem istum amorem tuum erga me, & eruditionem exquisitam amem, & in oculis ferâ, amo etiam magis, quia Ioannis Caselii, probi & docti viri amicus es: quem ego hominē valde diligo, ob multas magnasq; ipsius animi

dotes

dotes: in primis autem ob fidem egregiam erga me, ac bonitatem animi singularem in omnes probos. Multos sanè ego vestros homines dilexi, & arcta etiam beneuolentia complexus sum, eodemq; pacto inueni non paucos, qui me colerent, & omni honore afficerent. Nullum tamen vnquam nactus sum, cuius tanta extant in me merita, qui ob tenuia quædam in ipsum officia, & quæ non sine scelere omitti poterant, tantopere me probauit, nomenq; meum, quod ego non sine causa magni ætlimo per vniuersam Germaniam disseminauit. Utinam ille saluus incolumisq; ad vos redeat. Nam valde ipsius vitæ timeo. Ex graui namque diurnoq; morbo nuper euasit, estq; adhuc valde tenui & infirma valetudine. Ego ipsi, ut debeo, dum apud nos manebit, nulla in re deero, & quodcumq; poterò, aptum ad ipsum reficiendum, ei præstabo. Sed nosti hominis imbecillitatem, cui cum addita fuerit sæua febris, omnes vires, si quæ reliquæ erant corporis ipsius, consumpsit, & pæne tabe hominem confecit. Sed Deus fortasse conseruator omnium nostrum, ipsi præsidio erit, vegetumq; eum vobis in Germania silet, quod utinam fiat. Tu vale, vix doctissime, atque exploratissime

ploratum habeas te mihi esse carissimum,  
Florentia Prid. Kal. Ian. Anno M. D.  
LXV.

PETRVS VICTORIVS  
S. D. Samueli Fabricio

**L**itteræ tuæ, quas mihi reddidit  
vir probus & ambobus nobis a-  
micus Ioannes Caselius, fuerunt  
mihi carissimæ, lætatusq; ma-  
gnopere sum tua mei memoria  
firma atq; stabili: quanquam de hoc nun-  
quam aliter existimaui. Videbar enim mihi  
cognosse animum tuum sincerum & gratū,  
& quem nullum temporis aut loci interval-  
lum vnquam immutaturum esset. Te autem  
vehementer me diligere, & pusilla quædam  
officia, quæ in te contuleram, cum hic fuisti,  
magni æstimare perspexeram. Gaudeo i-  
gitur, si quid vnquam feci, quod tibi gra-  
tum, acceptumq; fuerit, réque illud animad-  
uertisse, & non, quod non pauci faciunt, ne-  
glexisse, habeo gratiam; postquam tantum  
inde fructum capio. Quæ enim maior mer-  
ces alicuius laboris capi potest, quàm ex a-  
nimo amari ab honesto viro & cupido bona-  
rum artium? quod si longiore temporis spa-  
cio

cio apud nos mansisses, maiora prorsus officia mea aduersus te extitissent, & omnibus viribus atq; opibus conatus essem aliquid præstare, quod tibi merito placere posset. Neque tamen reprehendo consilium tuum, qui maiorem partem illius temporis Pisis cōsūperis, in vrbe liberalibus studiis, & bonis artibus tota consecrata, & vbi magna copia virorum doctorum, & in omni genere litterarum florentium est. Sed hoc nunc ego omitteram, rediboq; ad te, quod vere, iurèque optimo facere possum, commendandum, qui tam gratum te, memoremq; præbueris, quod me magna profecto voluptate affecit, reddiditq; multo alacriorem ad alios omnes vestri generis iuuenes adiuuandos: etsi numquam aliquid, quod ad hoc valeat, desiderari à me passus sum: vires modo corporis maneant, paresque huic oneri sustinendo sint: animus certe semper integer vegetusque erit. Velim autem cogites, quamuis magno loci interuallo diiuncti simus, si auxilio harum artium aliquid efficere valeam, quod in te gratum accidere possit. Libenter enim voluntati, studioq; tuo morem geram. Cū vero iam officio meo satisfecerim, cum de re iucunda, plenaque veræ voluptatis disseruerim; cogor nunc tristis rei, molestæq; mentionē facere, & nar-

& narrare tibi, Caselium diu grauiter ægro-  
 tasſe, morbumq; quo in itinere correptus eſt,  
 ita ſæuum, periculofumq; fuiſſe, vt medici  
 aliquâdo de vita ipſius deſperarint. Bononiæ  
 autem hoc contigit. Cum vero poſtea viſ  
 morbi aliquantum imminuta eſſet, ſed tamẽ  
 adhuc valdẽ infirmo corpore foret, ſe ad nos  
 contulit, non ſine multo labore, ac moleſtia,  
 vt arbitror: ſcis enim tu, quantus, & quã ma-  
 gnus labor ſit perumpere Apenninũ, & tra-  
 mites illos anguſtos, præcipitesque euadere,  
 præſertim hoc tempore anni: mediaq; hieme  
 ad nos peruenit, verum imbecilla admodum  
 tenuiq; vâletudine. Viuit autem cũ Bernardo,  
 & Ioachimõ, qui ipſũ domũ receperunt. Ego  
 ſæpe hominem viſo, atq; omnia ei boni ho-  
 minis, ac veri amici officia præſto: neq; vlla  
 deniq; re deſũ, & in hoc officio, munereq; dũ  
 hic erit, ſumma cũ fide, & amore permanebo.  
 Suaſi autem ipſi diligenter, ne ſe itineri tam  
 longo committeret, tã infirmo corpore, hoc  
 importuno anni tempore. Nam vix in vrbe,  
 domiq; frigus vitatur, nedum foris, & in via.  
 Quã autem ipſũ inimicũ, infeſtũq; eſſe ſoleat  
 tenui corpori, & diuturno morbo, quoridia-  
 nisq; curationib. exinanito, nemo eſt qui ne-  
 ſciat. Cũ ver redibit, ipſeq; adhibito ſtudio, ac-  
 cura ſtirmior factus erit, (quod proſus futurũ



spero, ac toto animo opto) tunc ad vos tuto redire poterit: quod utinam ipsi contingat. Nam sane vita, & longa ætate, propter tam multa, & tam magna animi, ac ingenii bona dignus est. Tu vale, ac me, vt facis, ama. Florentia XV. Kl. Febr. Anno M. D. LXVI.

PETRVS VICTORIUS  
S.D. Joachimo Haño.



Portet mihi ignoscas, Ioachime, quod sero respondeo tuis amantissimis litteris: quod si facies vt spero: cognoui enim facilitatem ingenii tui: recte facies, eritq; id mihi gratissimum. Nolui enim vlllo pacto hac culpa laborare, superbusq; quamuis falso haberi. Scis autem tu, me longè ab hoc vitio abesse. Quod si videre potuisses, quàm occupatus omni hoc tempore fuerim, & quam arduo, difficiliq; negotio implicatus, profecto quin ego liberandus omni crimine forem, non dubitares. Sed etiam mihi dies non paucos, vt tui amici norunt, eripuit morbus valde odiosus. Dolorem enim mihi magnum inurebat, à quo morbo vix adhuc vacu-

vacuus omnino sum. Sed finem nunc imponam huic meæ purgationi, præcipue fretus, ut jam dixi, tua humanitate. Munus quod mihi misisti, elegans vndiq; & splendidum mihi visum est, dignumq; prorsus tua benignitate. Gratias igitur ob id tibi ago immortales. Nollem tamen hoc tempore, quo domo abes, te sumptum in hanc rem fecisse, atq; in itinere longo te ista pecunia priuasse: neq; etiam necessarium erat nouum hoc indicium amoris tui erga me magni. Vidi enim semper & quasi oculis perspexi, quanto opere me diligeres, & toto etiam animo obserua- res: quæ semper ego putauì certa signa esse egregiæ tuæ in me voluntatis, animiq; valde grati & memoris beneficiorum, si ita vocanda sunt, & tam honesto nomine ornanda, officia mea aduersus te. Et certe te ego semper amaui, & omni re, qua potui, laudî honoriq; tuo inseruiui: qua in re vereor potius, ne sæpe tibi molestus cura, & assiduitate mea fuerim, quam passus sim vnquam te operam, studiumq; meum in natura tua informanda, optimisq; artibus instituenda desiderare. Sed hoc nunc tibi redigere in memoriam necesse non fuit; verum id ego tetigi, ob desiderium quo teneor, ut omnibus in rebus tibi purgatus sim. Illa enim mea nimia

fortasse  $\sigma\pi\alpha\delta\eta$  importuna tibi aliquando videri potuit: quin tamen animus meus optimus, cupiditasq; ingens tuæ laudis, cum qua etiam mea coniuncta erat, cognita tibi semper perspectaq; fuerit non dubito. Sed de his nunc hætenus. Tu valebis: salvusq; & incolumis in patriam reuerteris, & quod ego semper à te optavi, quodque mihi hac epistola tua pollicitus es, me perperuo amabis. Ego certè memoriam tui, longamque consuetudinem, qua coniuncti inter nos fuimus, numquam ex animo meo dimittam. Salutabis autem diligenter meo nomine sodales illos tuos veteres, auditorèsque meos suauissimos, & optimos, si vnquam videbis, quos ego, quamuis absentes, fero in oculis, & eorum sola memoria recreor. Vale

Florentia Non. Mart. Anno

M. D. LXVI.



PETRI

BIBLIOTHECA  
ROMANA  
VATICANA

PETRI VICTORII  
EPISTOLARVM AD  
GERMANOS MISSARVM.

LIBER SECVNDVS.

PETRVS VICTORIVS  
S.D. Othoni Hamio.




Umquam putavi fore,  
Otho suauissime, (libere enim tecum loquar.)  
vt tu postquam domum  
redisses, numquã ad me  
scriberes, præsertim cū  
ex itinere ad me litteras  
exarasses: quod ipsū mi-  
hi spem non parvam dederat, te in officio fu-  
turū, ac quod dixisses prorsus seruaturū. Ego  
autē iterū tertium uē ad te scripsi; ac multo sæ-  
pius etiam scripsissem, nisi, cum tanto silentio  
mecum uterere, veritus essem, ne tibi quoq;  
magis gratum meum silentium quàm sermo  
foret. Sed accuso sæpe mecum magnum  
interuallum locorum, quod, vt verum fa-  
tear, causam esse puto, ne nos litteris sæ-  
pe inter nos familiariter quasi loquamur.

Ne-

Neque enim ratio expedita, facilisq; est epistolas mittendi. Cum autem nunc istuc rediret Ioannes Caselius, quem ego valde diligo, & merito quidem amo, charumque habeo, existimaui oportere me per litteras te salutare. Nullum enim aliud scribendi argumentum habebam. Vt tamen tangam paucis aliquid de meis rebus: ego valeo, ac maiore quàm vñquam diligentia incumbo in optima studia, cuius meæ curæ, assiduitatisq; in honestis artibus, extabit, vt spero, aliquando opus aliquod: atq; id etiam fortasse non magno ab hoc tempore interuallo. Tu quoq; vale, ac virtutem, cuius te cum hic eras valde cupidum cognoui, diligenter cole. Florentia XII. K. Quintil. Anno M.D.LXVII.

PETRVS VICTORIVS  
S. D. Gotiflobo Rotermondio.

 Ape miratus sum, Rotermundi carissime, te nullas vñquam, postquam hinc discessisti, litteras ad me scripsisse, cum tamen olim pollicitus esses, te crebro hoc facturum, sed fortasse illæ non profuerunt. Neque enim possum credere, te no-  
Ari

stri oblitum esse. Audiui sanè atq; id magna cum mea voluptate, (delector enim plurimum commodis, atq; honoribus amicorum) te in honestis, & præclaris factis vehementer occupatum esse: verum tamen nullæ possunt esse tantæ occupationes, quin tempus restet exarandi epistolam ad amicum, atq; ipsum de suis rebus certiores faciendi. Ipse certe non semel ad te scripsi, scripsissemq; sæpius, si hoc tibi molestum non esse, aliquando mihi significasses. Cum vero nunc Ioannes Caselius, vir optimus & multis magnisq; ingenii dotibus præditus, ad vos redeat, non potui non ad te scribere, ac me valere, totòq; animo litteris incumbere tibi narrare. Ipse autem, qui mecum omni hoc tempore satis familiariter fuit, si quid præterea de me scire volueris, cuncta tibi diligenter exponet. Tu vale, ac me, ut semper fecisti ingenii illa tua bonitate, amantem tuum ac valde cupidum tuæ dignitatis, dilige. Florentia XII. Kal. Quintil. M. D.

L. X V II.

## PETRVS VICTORIVS

S. D. Bernhardo Bugenhagio.



Agna nos aliquando spes tenuit, Bernarde optime, appropinquare tuum aduentum: sed cū illud serius fieri animaduertemus, intelligentes constantiam promissorum tuorum, subtimere cœpimus, ne tibi aliquid incommodi in tam longo itinere euenisset, præsertim cum litteræ, quæ omni hoc tempore domo tua venerunt, nihil significarent de tuo in eam terram reditu. Utinam hoc unum falsum sit, inanisque; prorsus metus hic noster fuerit: reliqua æquo animo feremus. Cum autem nunc Caselius noster istuc reuerteretur, existimaui oportere me aliquid ad te scribere de nostra hac animi sollicitudine, ut sciam, quid te factum sit, & quæ te causa tam diu, aut in alienis sedibus oppressum, aut domi tuæ tacitum tenuerit. Tu vero nihil contra commoda tua, aut voluntatem tuorum, ut nobis præsto sis, faciasque; quod dixeris, geras. Quidquid enim statueris de tuis rebus, id rectū esse, teque; id potissimum facere debuisse putabo. Amo enim te, tibi que; omnia bona ex animo opto. Vale  
 Florentia IX. K. Quintil. Año M. D. LXVII.

PETRVS VICTORIVS  
S. D. Iulio Comerstadio.



Acepi ego hoc tempore, quo à nobis abfuisti, Iuli optime, duas tuas epistolàs, quæ mihi valde gratae fuerunt. Perspexi enim in illis amorem tuum erga me singularem, mirificumq; desiderium redeundi ad nos: quod tuum consilium, cum sperarem exitum habiturum, citòq; prorsus futurum, vt nos coràm videremus, non putavi necesse esse, me aliquid tuis humanissimis litteris respondere. Nunc autem cum id adhuc factum non sit, vt opinamur, propter bellum periculumque viæ, qua iter ad nos esses factururus; reuertatùrque Caselius noster domum: putavi me debere aliquid litterarum ad te scribere, vt scires, me valere; ac reditum tuum auido expectare, vt persequamur illa nostra honesta studia, quibus ego, dum tu à me abfuisti, toto animo incubui, vnà cum his tuis familiaribus, optimis viris & omni laude dignissimis. Si quid præterea de meis, tuisq; hic rebus scire volueris, Caselius tibi cuncta diligenter narrabit. Ego sanè sū breuior,

qui



quia confido me maturè hic te visurum.  
 Quod nisi Caselius hinc discessisset, hac ipsa  
 de caussa, nullas ad te nunc etiam litteras  
 scripssissem. Vale, ac veni cito. Venies enim  
 expectatus, & nostris hominibus omnibus  
 carissimus. Florentia. I X. K. Quinctil. An-  
 no M. D. LXVII.

PETRVS VICTORIVS  
 S. D. Thomæ Hubnero.

**E**vit mihi indicio epistola tua,  
 Thoma eruditissime, quanto pe-  
 re me diligeres. Nihil enim re-  
 cordor vnquam magis humane,  
 magisq; amâter ad me à quopiâ  
 scriptû fuisse. Sed Caselius quoq; tuus meusq;  
 mihi sæpe hoc significauit, te mirum in mo-  
 dū me diligere, ac libenter quamlibet occasi-  
 onem nactum, aliquid de meis laudibus præ-  
 dicare. Est igitur quod gaudeam, totòq; ani-  
 mo læter, me inuenisse hominem, & do-  
 ctum sanè probumque hominem, in tam  
 remota terra, qui me vnicè diligit, præfer-  
 tim cum in eum propter distantiam locorum  
 nulla vnquam officia contulerim, neq; etiam  
 reliquo tempore me videam facile id præ-  
 stare posse. Restat igitur, vt tibi gratias agam,  
 quod

quod faciam ex animo ac sincerè: teq; mutuo diligam, quod & ipsum non pariar in me desiderati. Sed vt ad communem amicum veniam, qui tibi has dabit; est mihi Caselius ita carus, vt nihil possit esse supra. Nam præter doctrinam, singularem profecto & variam, cognoui ipsum bonum virum, ac valdè cupidum amicorum, ornatumq; summis ingenii partibus. Dum certe hic fuit, valdè familiariter eo vsus sum, magnamq; ex ipsius consuetudine voluptatem cepi. Tu autem nunc ac ceteri, qui istic sunt, honesti viri, illo fruimini, ingentemq; ex eo, vt spero, suauissimisq; ipsius moribus lætitiā capietis. Subinuideo igitur vobis, ac facere propè me, quod nullus vnquam de se non vehementer negauit, fateor; & magis etiam inuiderem, nisi vos plurimum amarem. Habetis enim vobiscum hominem omni laude dignum, & qui si vixerit, non parum decoris, ac dignitatis vestro nomini allaturus sit. Leniam autem ego tantum desiderium ipsius crebris epistolis, quas ad eum scribam, cum quibus erunt aliquando aliquæ ad te. Cum vero nunc sciam, te quoq; vehementer Caselium amare, ac prope fraterno amore prosequi, ( ipse namq; hoc mihi sæpe narrauit ) erit mihi gratum, si magis adhuc ipsum  
mea

mea causa amaris, ac veteri tuo erga illum  
amori aliquid, quia hoc ipse à te diligenter  
peto, ac prorsus fieri volo, addideris. Vide  
quantum mihi de tua erga me beneuolentia  
pollicear. Vale, Florentia VI. Kal. Quintil.  
Anno M. D. LXVII.

PETRVS VICTORIUS  
S. D. Joanni Alberto, duci  
Megapolitanorum.



Idi ego sæpe dux illustrissime,  
& satis certis indiciis cognoui,  
te valde me diligere, ac de meis  
animi partibus, cuiusmodi illæ  
sunt, (utinam tales ipsæ forent,  
ut dignæ tuo amore essent) egregiè sentire.  
Est igitur quod maximè gaudeam, in meisq;  
secundis rebus hoc etiam, non vltimum po-  
nam; me à tam sapiente, fortunatòque viro  
tantopere amari, carumque haberi. Tribuo  
autem hoc moribus tuis, & eximiæ cuidam  
naturæ bonitati, quæ faueat omnibus illis, in  
quibus speciem aliquam, vmbrañq; virtutis  
aspexerit: nec non tuis quoq; hominibus,  
qui huc venerunt, ab ipsorumq; etiam bene-  
uolentia aliquam in partem id profectum  
puto, qui me apud te constituerunt. Illis ve-

ro semper ego sedulo inseruiui, ac quibuscunq; rebus potui, profui. Cognouerā enim te velle, & à me hoc etiam aliquando petisse diligenter, recordabar: præterquā quod probi viri fuere, digniq;, quibus omnes mortales facile indulgerent. Vnus autem eorum est, qui nunc ad te reuertitur Caselius, vir optimus, & insignibus animi dotibus ornatus. Eum ego valdè diligo, ac merito quidē facio: cum enim ille raris quibusdam ingenii bonis instructus sit; probitate, ac vera virtute non inferior est aliquo: cepique ego ex ipsius consuetudine, (vixit enim omni hoc tempore mecum satis familiariter.) voluptatem incredibilem. Cum vero ille mihi omnibus rebus, semper probatus fuerit, in primis amaui in eo fidem singularem, cupiditatemq; ingentē tuæ voluntati commodisq;, omnibus viribus opibusq; seruiendi. Quod autem ad ingenii ipsius magnitudinē, eruditionēq; artiū reconditarum facit, hoc est meum de illo iudiciū, vt cum hac nostra ætate Germania tulerit plures doctissimos viros, & qui ipsi magnum honorem laboribus suis pepererunt, sperem hunc, si vixerit, & persequi optima studia potuerit, parem ipsis laude, ac gloria futurum. Neque ego nunc hoc dico, laudoq; illū tibi, vt gratiæ aliquid honorisq; ipsi apud te conciliem. Recordor enim, me cum  
 pru-

prudentissimo principe, ac honestissimo lo-  
qui, apud quem nimis turpe foret mentiri;  
neque aliquid est, quod tam à moribus meis  
alienum sit, quàm vanitas: sed vt animo meo  
satisfaciam, ac quod intus habeo, libere pro-  
feram. Cum igitur scire cupias, qui publicè  
docere istic humaniores litteras, & ingenu-  
as omnes artes queat, non vidéo, qui melius  
quam Caselius sustinere hanc personam pos-  
sit. Cur autem, quod domi tuæ habes aliun-  
de petas? Nobilissimis enim quoq; adole-  
scentibus, & summo loco natis posse hunc  
tradere idoneam disciplinam, arbitror, vel  
potius cognitum & exploratum habeo. Nā  
& moribus est optimis, & libros etiam Ari-  
stotelis de vita, ac moribus; nec non quos  
idem scripsit de optima republica, accuratè  
legit: sententias autem ipsorum omnes eum  
cognitas ac valde tritas habere perspexi, ex  
crebro sermone, quem inter nos habuimus  
de his grauib; studiis, sed plures etiam par-  
tes eorum librorum mecum diligenter, pon-  
derauit. Hoc vero est opus, quod cuncti pro-  
bi viri, & qui semina aliqua virtutis à natu-  
ra habent, diligenter legere deberent ac sem-  
per manibus tenere: inprimis autem opu-  
lenti homines, quiq; imperium habent in  
aliquam honestam gentem, vt & seipsos per-  
ficiant,

ficiant, & vitæ etiam beatæ illorum, quos regunt, prouideant. Scripta etiam Isocratis regis pueris erudiendis, & ad colendam virtutem incendendis, mirificè accommodata putarem. Non tantum enim ille magister eximius dicendi fuit, atq; è domo ipsius summi oratores prodire, & principes totius Græciæ viri in illa arte, quæ tunc maiores honores, quàm nunc habet, habebat, sed etiam vitæ doctor extitit præstantissimus. Magnis enim semper, publicisq; rebus intentum animum habuit, & alios etiam inflammare ad decus, & præclara facta studuit, misitq; suasionem quasdam suas ad summos reges. Cyri præterea *παλδῆτα* quam Xenophon ille Socraticus, non solum nobilis philosophus, scriptorq; politissimus; verum etiam bonus imperator litteris mandauit, & in qua expressit imaginem iusti imperii, valde idonea sine vlla dubitatione foret institutioni regionum adolescentium. Hoc enim est opus illud, quod Scipio Africanus de manibus deponere non solebat, & quod M. Cicero quoq; vt ipsemet memoriæ prodidit, totum contriuerat legendo. Sed hæc omnia tibi erudito viro nota sunt, & Caselius noster, cum eiusdem sententiæ sit, si oporteret; idem tibi de his rebus prædicaret. Quare longior non

eto, ne tibi molestus sim, ac iustum epistolæ modum transcam: quamquam nulla nimis longa, quæ inanis non sit, existimari debet: & qui aliquid de hac re sapienter præceperunt, concedunt, vt regibus ac populis propter ipsorum dignitatem epistolæ scribantur ampliores. Te verò princeps optime rogabo, vt opera mea si qua in re tibi, tuisq; illa utilis esse potest, audacter vtare. Nullum enim tantum beneficium in me conferre posses, quod ego non multo minus, quam hoc vnum iudicem, Florentia V. Kal. Quintil. Anno M. D. LXVII.

*PETRVS VICTORIUS*  
*S. D. Thomæ Mathiasio.*



Reber quem mecum habuit sermo, Thoma honestissime, de tuis magnis virtutibus Ioannes Caselius, qui te plurimum amat, ac colit, fecit, vt ipse quoq; te diligere, & admirari inceperim: & sanè quid est, quod magis dignum sit, quod ametur, quam vera probitas & doctrina? Trahunt enim illæ nos ad se amandas è remotis etiam, & longinquis locis. Si namq; solum  
dili-

diligeremus, qui præsentes adsunt, atq; vnde fructum aliquem capere possemus; nos magis quàm illos diligere, & caros habere merito iudicaremur. Diligo igitur te, Mathias optime, & magnopere laudo, qui tantopere virtutem sequeris, ceterisq; istic consilio, ac prudentia præstas, ac tantum deniq; vales hoc eximio, & præstanti bono, vt gratus, acceptusq; sis maximo, atq; optimo principi, qui iudicio, & opera tua in consiliis capiendis de magnis rebus vtitur. Non est autem mediocris laus, apud fortunatos, eisdemq; sapientes viros plurimum gratiæ, & auctoritatis obtinere, atq; id honestis artibus, ac recta vitæ ratione. Viue igitur beatè, gaudeq; tuis istis egregiis animi bonis, ex quibus solis integra, sinceraq; voluptas capitur. Vtere etiam plurimū, cum tibi per occasiones licebit, Caselio nostro. Affirmo enim ex ipsius consuetudine te plurimū suauitatis hausturum. Ille certè omni hoc postremo tempore, quo hic vixit, fuit mihi iucundissimus. Cognoui enim eum probum virum, ac valde eruditum, quodq; in primis me delectat, per officiosum erga amicos, ac memorem beneficiorum. Augebit igitur hic vir non parum tuas puras voluptates, cumulumque magnum afferet isti tuæ beatæ vitæ.



Sed cum etiam me hic olim peramanter salutarit Ioannes Schosserus, vñsusq; mihi sit ex colloquio illo longo, & accurato de polioribus litteris, homo valde eruditus, & honestarum artium inprimis cupidus; rogo te, vt si quando vlla re potes ipsi commodare, quod sæpè facere solitus es, ac libenter semper benignèque facere, vt mea etiam caussa id cumulatius facias. Ornabis enim virum probum, quantum ego videre potui, & aliorum quoq; postea testimonio cognoui. Hoc autem etiam addere volui, vt videres, quantum ego mihi de tua bonitate, ac virtute pollicear, cum audeam etiam ignotus homo, tibi oneris aliquid imponere, & alium, mihi repente, non incertis tamen signis, probatum hominem, tibi commendare. Tū vero vale; mēque vt ego te feci, captus fama tuarum virtutum, si dignum iudicas, quem ames, beneuolentia itidem complectere.

Florentia V. Kal. Quintil. Anno M. D. LXXII.

PETRVS VICTORIVS

S. D. Danieli Schulenburgio.



Vantopere te diligam, & vt vi-  
uam tui memoriã in animo re-  
tineam, erit indicio epistola hæc  
Daniel iucundissime. Cum  
enim Ioannes Caselius domum  
nunc reuertatur, qui mansit hic nouissime  
interuallo vnus anni, ac dimidiati alterius,  
existimaui me oportere ad te scribere: & si  
cum alias etiam aliquid litterarum ad te de-  
dissem, mihi nunquam respondisti, quod sane  
miratus sum. Cognoueram enim te, cum hic  
esses perhumanum, & valde amantem mei.  
Sed fortasse illæ in tam longo itinere interi-  
ere: quod credere malo, quàm putare te mei  
oblitum esse. Hoc enim mihi præter mo-  
dum molestum foret. Non potuit autem  
tibi argumentum epistolæ vnquam deesse.  
De studiis enim nostris aliquid inter nos sæ-  
per loqui licebit, vt memini te sæpe, cum hic  
esses, facere solitum esse. Quærebas enim  
quotidie ex me aliquid, atque id mehercule  
acurè, & eruditè. Deniq; inanes potius quam  
nullas, tuas epistolas probabo. Habes quæ  
mea voluntas sit de hac re, & quid præterea

tui officii esse putem: sed tamen non vrgeo, & omnia in bonam partem accipiam, silentiumque hoc tuum, si videro ipsum tibi placere, quoquo modo potero, tolerabo. Vale iuuenis honestissime, atque animo meo carissime, meq; vt semper fecisti, ama. Florentia V. Kal. Quintil. Anno M. D. LXVII.

*PETRVS VICTORIVS  
S. D. Joachimo Friderico, Marchi-  
oni Brandenburgensi.*

**C**VM redeat ad vos Caselius, vir probus, & magnis ingenii dotibus ornatus, committendum mihi non putavi, iuuenis illustrissime, quin ad te scriberem. Et si enim memoria tui mihi numquam effluere potest ex animo: tamen hic profecto vir ille est, cum quo saepe ego de tuis maximis & animi & fortunæ bonis loqui solitus sum. Cum enim ipse magnopere te admiretur, ac colat, libenterq; tuas eximias virtutes celebret: inuenit me, qui nullam in partem aversus sum ab hoc honorifico de te sermone: vel potius cum ipso certem de prædicatione tuarum verarum laudum. Sed quis non diligat, & animo complectatur  
ado-

adolefcentem fummo loco natum, qui ardeat defiderio bonarum artium, totusque inflammatus fit amore fapientiae? Eft fanè hoc infrequens, & quod raro omni aetati contigerit, vt qui valde inftituti funt externis bonis; iidem animum ornare, & expolire magnopere ftudeant: quod ego non fine dol re dico. Faueo enim libenter, cum poffum, laudi ac gloriae clarorum & illuftrium adolefcentium. Sed ne ab aliquo, qui me penitus non nouerit, maleuolus exiftimer, citabo teftem locupletem, tibiq; etiam cognitum huius fententiae. Ifocrates enim in extremo illo libro, quo laudauit Euagoram, hoc filio ipfius Nicocli narrat, cum ipfum etiam commendaret, qui longe aliam viam, quam reliqui eius loci atq; ordinis fequeretur. Inquit enim, nec fe, nec ceteros fallere, ipfum, & folum & primum omnium qui principatum obtinerent, ac valde diuites forent; mollitèrque demum, ac delicate viuere poffint, fapientiae ftudia amaffe; nec labores eos, qui in ea percipienda neceffario fufinentur, reformidaffe. Quo magis ipfum celebrat, exemplòque aliis fortunatis hominibus ac regibus futurum affirmat, vt ipfi quoque reiectis illis rebus, quibus tunc dediti forent, ad honeftas

artes colendas se totos conferant. Idem igitur ego tibi dico in re valde simili. Cum enim te plurimum commendem propter istam egregiam tuam voluntatem erga ingenuas artes, spero etiam hoc boni te facturum, vt ceteti istic imitatione tui se litteris tradituri sint, & disciplinam tuam honestam expressuri. Sed non habebam in animo, cum calamum sumpsi, te hortari, vt faceres ea, quæ tua sponte facis: audio enim te non egere calcaribus: nescioq; quomodo huc delapsus sum. Quare reuertar eo, vnde discessi; tibiq; hunc optimum & doctissimum virum commendabo, in quo ipso etiam fortasse me arroganter geram, cum tibi eum audeam commendare, quem carum habes, & in numerum tuorum recepisti. Sed tamen mirificus amor, quo illum prosequor, me cogit hoc moliri, & parum omnino modestum esse. Sed quoniam semel, vt video, peccaui, ac fines verecundiæ transii; non verebor etiam tibi laudare Ioannem Schofferum, qui me hic olim amanter salutauit; rogareq; vt quibuscunq; rebus honeste possis: potes autem multis magnisq; velis ei gratificari. Visus enim tunc mihi est dignus propter egregiam notitiam bonarum artium, singularemq; facultatem condendi elegantissimum carmen,  
qui

qui à nobilissimis iuuenibus, qualis tu inprimis es, coleretur, atq; omni honore afficeretur. Sed de laude quoque huius minus multa, quàm vellem, ac verè facere possem, ne diutius in eodem arrogantis animi crimine verfer. Ut autem in mihi valdè iucundo Caselii nomine epistolam terminem: cum antea quòq; ipsum valde diligerem, eximiasq; ipsius animi dotes bene cognitas haberem; in hac tamen nova nostra consuetudine, (fuit enim ille fere omni hoc tempore mecum.) melius eas perspexi, atq; omni ex parte probavi. Tu vero adolescens optime vale, & me cupidissimo tuæ laudis, & fideli cliente tuæ florentissimæ domus, omnibus tuis in rebus vtere. Florentia IV. Kal. Quintil. Anno M. D. LXVII.

PETRVS VICTORIVS  
S. D. Joanni Cratoni, archiatro  
Casareo.

**A**cit beneuolè Caselius, & ve expectari poterat à singulari probitate ipsius, qui de me ubique est, cum doctis, & præclaris viris honestè, ac magnificè loquitur, studetq; mihi semper quacumque

que ratione potest, nouos amicos parare: quod ego maximum beneficium duco, & antepono multis alijs, quæ à quolibet accipere hoc tempore possem, commodis. Quantum enim hoc ipsius, & quàm splendidum munus est, quod opera ac studio suo te mihi amicum reddidit, ac totum me in animum tuum insinuauit, quæ ex re ego mirifica lætitia, vt debeo, sum affectus. Cur enim non magnopere gaudeam, cum videam me diligî, & carum haberi à viro inprimis honesto florentiq; omni honore, ac gratia apud optimum, ac sapientissimum principem? Nam quod significat, antea etiam ex scriptis me cognosse, & beneuolentia non parua persecutum fuisse, hoc optimum est tuæ virtutis, atq; incredibilis cuiusdam bonitatis. Quotus enim quisque est hac ætate, qui non conetur potius alienos labores, & ingenii monimenta vellicare, quàm inducat in animum, ipsa probare, & honore saltem verborum tantas hominum vigilias, molestiasq; compensare? Neque tamen ita ego illa admiror, nec tam stultus sum amator rerum mearum vt putem oportere ipsa ab omnibus celebrari. Sed non loquar nunc de me ipso sed de vitio, quod flagrat in animis multorum, libenter extenuantium scripta aliorum, suaq; tantum

in cœlum summis laudibus ferentium: quæ certa causa est, vt ceteri pigriores sint ad labores subeundos. Quàm magni autem illi sint ac superent opinionem eorum omnium, qui numquam hoc experti sunt, tu optime scis, qui in hac palæstra summa cum dignitate, ac gloria versatus es, ac multum deniq; in ea desudasti. Quanta autem tenuiora sunt, opera ingeniî mei, tantò te maiore amore complecti debeo, qui ipsa non despicias, & æqui cuncta boniq; facis. Sed vt ego, vnde decesseram, reuertar, ago maximas gratias apud te Caselio, qui hoc pio munere functus est, tibiq; vir optime, non minores, quod facile ipsi credidisti, mihiq; te totum tua admirabili comitate impulsus tradidisti. Quod autem mihi etiam, omnia officia polliceris, quæ magna sanè à te proficisci, expectariq; possent, cum isto loco sis, tantùmque valeas gratia, & auctoritate apud Cæsarem, sum tibi eo nomine valdè obligatus, ac si res ferret, audacter etiam tua ista eximia benignitate vtar. Ego cum tanta tibi de me spondere non valeam, quidquid tamen potero libenter semper tua causa, cumulateq; geram. Vale, ac perge me amare. Florentia VIII. Kalend. Ian. Anno M. D. LXVII.



## PETRVS VICTORIVS

*S. D. Ioachimo Bassenitio.*

**L**itteræ tuæ K. sept. datæ, fuerunt mihi iucundissimæ. Quis enim non gaudeat, cum videat se tan-  
 opere diligi à moderatissimo  
 uene, atq; omnium honesta-  
 rum artium cupidissimo? Amaui profecto  
 ego te, vt dicis, ac quibuscunq; rebus potui  
 expoliui, qua in re, nedum magnopere la-  
 borauerim, nouiq; aliquid effecerim, vix a-  
 nimo meo, egregiæq; voluntati erga te satis-  
 feci. Statim enim vt aliquem, honesto loco  
 natum adolescentem, video ardere desiderio  
 bonarum artium, complector ipsum animo,  
 putoq; me oportere illi prodesse; ac pecca-  
 turum etiam esse magnopere, nisi ipsius vti-  
 litatibus præsto semper fuerim. Te autem  
 cognoui præter ceteros studiolum humana-  
 rum litterarum, disciplinæq; omnis, quæ  
 conueniant ingenuo viro, & qui aliquando  
 viuere debeat in luce hominum. Quod si ra-  
 tiones tuæ te inde aliquantulum auocarunt,  
 coëgeruntq; ipsa spatio aliquo temporis in-  
 termittere, non reprehendo hoc quoq; præ-  
 fertim cum, vt affirmas, non omnino ipsa  
 di-

dimiseris: neq; penitus ex animo abieceris, tempusq; etiam futurum putes, cum ad ipsa redibis, & toto animo deuorabis mirificas suauitates, quæ inde hauriuntur. Ius autem ciuile, in quod nunc incumbis, præsidii multum tibi adferet, ad fortunas tuas non solum tuendas, verum etiam honestè augendas. Parit enim ipsum hominibus, his institutis ac moribus, quibus hodie viuimus, fructus amplissimos, honorisq; ac dignitatis plurimum adportat. Quod enim antiquitus honoris, ac præmii cultoribus ipsius eloquentia tribuebat; id mihi nunc videtur scientia legum mortalibus dilargiri; facileq; auxilio huius doctrinæ homines se insinuant in auios principum virorum, qui ipsorum prudentia consilioq; egent, nec possunt sine ipsa recte rempublicam administrare, & personam suam tueri. Hæc igitur opinio mea est de hac re, itaq; ego iam diu de ipsa existimaui. Quod tibi narrare volui, vt intelligeres, me consilium tuum probare, & quemadmodum alia tua facta, ita etiam hoc ipsum ex animo laudare. Recordare tamen, me hoc probare, vt initio dixi, hoc pacto, si non omnino repudiaris hæc politiora studia, neq; nuntium philosophiæ remiseris. Si namq; longe à te ipsa, exemplo multorum, fugares, quemadmodum

modum alia tua facta, ita etiam hoc ipsum ex animo laudare. Recordare tamen, me hoc probare, ut initio dixi, hoc pacto, si non omnino repudiaris hæc politiora studia, neq; nuntium philosophiæ remiseris. Si namq; longe à te ipsa, exemplo multorum, fugares, quemadmodum cogerer, quia video hoc alios facere, id aliquo modo in amico homine non accusare; ita non possem vlllo pacto laudare. Nam multis puris voluptatibus in vita careres, & esses omnibus in rebus agendis durior & inuenustior: hæ vero elegantiores littææ condiunt aliquo modo, & non parua suauitate afficiunt tristitiam & amaritudinem legum. Sed minime opus est hortari te ad Musarum commercium, & hõrum elegantium studiorum amœnitatem, cum potes, perfruendam, quam tu non gustasti solũ, verum etiam plenò ore aliquando hausisti. Quare finem faciam. Neque enim necesse esse arbitror me nunc de amore, quo te prosequor, desiderioq; tuæ dignitatis pluribus agere. Existimo namque totum hoc tibi plane cognitum ac perspectũ esse, tẽque re ipsa cognosse, quantopere tibi cupiam. Superuacanea igitur esset omnis oratio. Victorem vero gentilem tuum, quem mihi commendas, quacunq; re potero adiuuabo, cunctisq;  
in

in rebus eius vtilitatibus consulā. Nam præterquam quod, vt tibi morem geram, in hoc opus sedulo incumbam, faciam quoq; id libenter, quia ob multa morū ingeniiq; bona, dignus ille mihi videtur, quem omnes diligant, & in oculis ferant. Vale Ioachime optime, mihiq; carissime. E Decimano meo XII. K. Octob. Anno M. D. LXVII.

PETRVS VICTORIVS  
S. D. Joanni Caselio.



Ccepi, mi Caseli, litteras tuas, Viennæ XII. Kal. IXb. datas, quæ mihi fuerunt vehementer gratæ, & sanè cunctæ, quas ad me ex itinere scripsisti; exceptis iis, quas te narras Oeniponte dedisse, in manus meas peruenerunt. Primæ autem sunt hæ postremæ, quibus ego responderim: quod sane negligentia commissum non est, neq; sine causâ à me factum. Non enim mecum statuere poteram, cum crebro locum mutares, ac fere discedens alicunde, scriberes, quonam potissimum iplas darem. Nunc vero, cum putem te domum iam peruenisse, habeo quo ipsas mittam, non sine spe aliqua, fore, vt aliquando tibi illæ reddantur.

dantur. Quare non patiar amplius vllas tuas mihi adferri, quibus ego non statim respondeam. Gaudeo autem te saluum & incolumem, si non omnino domum, in ea tamen loca pervenisse, quæ non longe inde absunt: in quibusq; tu amicos plurimos inuenisti. Is enim mihi profecto domi iam esse, & omnibus vitæ commodis abundare videtur, qui vna cum amicis viuit. Ago vero ego tibi gratias immortales, quod ubicunq; es, studes mihi laudem & honorem comparare, summaq; diligentia in eo adhibita, concilias mihi illic beneuolentiam clarorum & doctorum virorum: vt quod proxime fecisti de Ioanne Cratone, summo medico, & honore gratiæque apud summum imperatorem abundante, cuius Cæsar opera fideli & vtili vtitur in tuenda valetudine. Quantum enim hoc lucrum est? & quam grata mihi acceptaque beneuolentia esse debet tam honesti & probi viri? addo etiam mei amantis; quod ex epistola ipsius, humanissimè ad me scripta, perspicitur. Habeant igitur sibi alii diuicias, habeant populares honores, expleantur corporis voluptatibus: nobis autem relinquunt amorē proborū, ac vera laude & gloria florentium virorum. Perge igitur, Caseli optime & animo meo optatissime, viam istam tene-

tenere, & si mihi placere vis, ( cui rei semper toto animo studuisti ) da operam, vt mihi concilies animos eruditorum & bonorum virorum. Nihil enim mihi tam gratum facere potes: in quo tamen modum velim te seruare. Vereor enim, ne tu, amore impulsus, plura mihi sæpe tribuas, quàm ego postea sustinere possim. Cum enim necesse sit aliquando vires ingenii mei omnibus aperiri, quæ modicæ sunt, vel tenues potius, si nimis ipsas auxisses, nullum mihi verum, solidumq; honorem peperisses, & tibi ipsi tua culpa propter falsum præconium laudum mearum, maculæ plurimum infamiæq; inussisses: quod nollem etiam tua cāssa. Cupio enim te omni honore, quemadmodum dignus es, florere, & nulli culpæ, quamuis pusillæ, affinem inueniri. Saluta istic amicos meo nomine, quos ego ob suauissimos ipsorum mores, amoremq; erga me singularem, in oculis fero. Oricellarius & Ricardius, adolescentes optimi & tui amantissimi, valent: cum quibus ego sæpe de doctrinæ & ingenii tui magnitudine, vt decet, id est præclare loquor. Mandarunt autem mihi nunc illi diligenter, vt tibi salutem plurimam dicerem. Idem etiam tota mea domus facit, quæ te admodum diligit, & honestum esse

cupit. Ioannis Cratonis epistolæ statim respondi, vt debui, neq; committam vnquam, vt huiusmodi aliquod officium, probi viri proprium, à me desideretur. Vale. Florentia VI. Kal. Ian. Anno M. D. LXVII.

*PETRVS VICTORIVS*  
*S. D. Georgio Fabricio.*



Letteræ tuæ Idib. Octobr. datæ, fuerunt mihi valde gratae, vt docti viri & mei amantis. Laudo autem te, quod veterem nostram animorum coniunctionem post longum interuallum temporis, renouare voluisti: & est sane hoc signum satis certum ingenui hominis ac probi. Quod si tanto spatio locorum disiuncti essemus, facilius amicitiam olim institutam, colere & quotidie augere possemus. Recte præterea fecisti, & in hoc etiam non parua mihi voluptatem attulisti, Vuolfgangi Vuerteri communis amici in epistola tua mentionem fecisti, quem ego, cum me olim & ipse domi meæ salutasset, statim amare cæpi. Perspexi namq; in illo ingenium & eruditionem non mediocrem: inprimis autem humanitatem &

& benignitatem singularem. Quare memoriam illius postea semper stabilem, in animo retinui, optauiq; non semel facultatem mihi aliquam aliquando dari ostendendi, quanto-  
 pere hominem diligam, & quam cupiam ipsi in omni re commodare. Gratum igitur mihi facies, si voluntatem huius rei meam magnam & iustam ipsi significaueris, meque magnopere eidem commendaris. Sed ad ea, quæ propria tua sunt, reuertar. Habe-  
 bam profecto ego in animo quondam, vt scri-  
 bis, diligentia ac studio meo tollere menda,  
 quæ in politissimis scriptis Celsi visuntur,  
 & in eo vti auxilio atq; auctoritate verustis-  
 simi illius libri, quem vidisti in Medicea bi-  
 bliotheca. Sed non multo post audiui Sighi-  
 sellium quendam Bononiensem, doctum &  
 accuratum virum in eo plurimum elaboras-  
 se, & cum ipse etiam Romæ cum eo colloca-  
 tus essem, idem ab illo accepi. Affirmavit  
 etiam mihi, se breui vigilas illas suas editu-  
 rum: quod tamē adhuc factū non est. Ne igitur  
 apud ipsum offenderem, viderique possē  
 laudi atq; honori ipsius inuidere, abieci om-  
 nem illam meam cogitationem, sperans,  
 quod mihi dixerat, exitum habiturum:  
 quinetiam ipsi quidquid potui operis ad eam  
 rem conficiendam præbui. Nam cum domū



reuertissie, misi ad eum duo exemplaria eius auctoris calamo exarata. Quod vero mihi narraſti, te in poëtis Terentio atq; Horatio castigationes quasdam confecisse: quod ad comicum pertinet, vellem antè quam aliquid ederes, legisses Gabrielis Faërne in eum poëtam annotationes. Ille namq; magnam diligentiam adhibuit in maculis illius purissimi corporis delendis, secutus fidem plurium antiquissimorum & optimorum librorum: sed idem etiam multum iudicio valuit. Quod si adhuc editio illa Terentiana istuc non peruenit, quod ego vix puto, statim ipsam ad te mittam, vt mihi significaris. Carmen tuum, quo celebrasti nuptias Iulii nostri, legi libenter, laudoq; magnopere ingenium & facultatem pangendi versus ita lepidos ac suauēs: voluntatem autem amplector, quod bonis ominibus prosecutus es coniugium illud, ac felix faustumq; esse voluisti: quod vtinam Deus opt. max. faciat. Hoc enim dignum est & virtute & probitate huius honesti viri. Vale Florentia

Id. Ian. Anno M. D.

L X I I X.

EPIST. AD GERMAN. LIB. II. 12  
PETRVS VICTORIVS  
S. D. Ioachimo Camerario.

**M**Andaui Caselio, viro probo, & maximis ingenii dotibus prædito, vt te istac transiens, meo nomine diligenter saluaret; quod puto ipsum fecisse, vt est vtriusque nostrum amator ardentissimus, & huiuscemodi officiorum, quæ propria sunt ingenuorum hominum, obseruantissimus. Nunc autem cum V. Basseuitins, & ipse domum redeat, qui vixit hic spatio plurimorum mensium, meq; omni hoc tempore coluit, & obseruauit diligenter, iuuenis elegantis ingenii, nec abhorrens à studiis bonarum artium; volui ipsi ad te aliquid litterarum dare: quem semper amaui propter scientiam optimarum rerum, & præclara ingenii tui monimenta. Postea vero, quàm tu semel ad me beneuolè, & humaniter scripsisti, in numero amicorum & carissimarum mihi personarum te habui: quem animum, erga te semper, ac tuos omnes seruabo. Cum autem contigisset, vt filios tuos hic viderem, præsertim alterum illorum, δμῶνμον τῷ, cum quo ego spatio aliquot dierum familiarius

vixi; cuius humanitatem & prudentiam toto animo probavi: te mihi videre, & ante oculos positum habere visus fui. Has igitur iustas causas habens te amandi, memoriam tui firmam in animo meo tueor, & semper donec viam retinebo; & quia aliter propter distantiam locorum, frui tuo amore non valeo, conabor hac una ratione, qua mihi licet, viam amicitiam hanc nostram conservare, cumq; occasionem aliquam nactus ero, non cessabo te litteris meis salutare. Non enim dicam interpellare, quia perspecta est mihi bonitas naturæ, & humanitas tua. Ut autem nunc tibi aliquid, pertinens ad nostra studia, narrem; puto me intra paucos dies auspiciaturum esse editionem novorum quorundorum meorum librorum eiusdem tituli, cuius ego confeci olim XXV. illos, quos tu mihi eo tempore amore impulsus, non parum laudasti. Mittam vero ad te illos statim, si aliquam eius rei facultatem habuero; atq; id allectus spe non parvæ mercedis huius mei munusculi. Quod enim maius præmii, honestiusq; huiusmodi laborum, obtineri potest, quam laus, & testimonium clarorum & doctorum virorum? in quorum ego numero non te tantum pono, sed primas tibi totius huius eximii præstantisq;

gregis deferro. Sed quia recordari videor, me tibi olim pollicitum esse, missurum Hipparchum, quem diuulgare in animo habebam, fidem meam nunc libero, doq; illum ad te ferendum eidem, cui epistolam hanc; si tamen onus hoc ipsi propter itineris longitudinem, non molestum videbitur, quod non puto: quia illum te valde amare, & doctrinam virtutemq; tuam suspicere scio. Cum præterea nihil aliud habeam, quod tibi, si audias, gratum futurum putem: finem faciam scribendi: tu vero me amare perges, ac si quid vnquam me tua causa efficere posse putabis, mihi id omne audacter imperato. Vale. Florētia VIII. Kalend. Febr. Anno M. D. LXIIX.

PETRVS VICTORIVS  
S. D. Joanni Caselio.



Admiratus magnopere fuissen  
omni hoc tempore, Caseli op-  
time, diligentiam tuam, & amo-  
rem erga me singularem, nisi iam  
pridem vtrumque horum in te  
plane cognitum & perspectum habuissem:  
qui, postquam à nobis discessisti, nullā occasi-  
onē scribendi ad me, & de tuis rebus aliquid

significandi, amifisti. Laudo igitur ingenium, moresq; tuos: nec ipsos vnquam amare, & aliis omnibus prædicare definam. Si ego scissem, quo litteras dare debuissem, non passus essem officium meum à te desiderari, singulisq; tuis statim, vt debebam, accurate respondissem. Verum cum in itinere esses, nec vno eodemq; loco diutius maneres; intelligens, vix illas ad te aliquando peruenire posse, supersedi hoc munere, statuiq; expectandum esse tempus, cum tu, aut domi iam esses, aut tuis sedibus magis propinquus fores. Hæ autem secundæ litteræ sunt, quibus tuis respondi. Priores illas meas datas VI. Kalend. Ian. V. Bassœuigio tradidi, qui curaret ipsas, qua certiore ratione posset, ad te mittendas. Has vero nunc eidem dabo, cum paucis diebus se hinc discessurum, mihi affirmarit. Rescribo autem ad illas tuas, quas narraſti mihi te scripsisse, cum Iulium nostrum domi conuenisses, Lipsiãque cum eo proficisci cogitares. Cepi autem voluptatē magnam ex illis rebus, quas mihi in illa tua epistola diligenter narraſti. Ego vero quid noui ad te scribam non habeo: tantum tibi significabo, me cum omnibus valere; & in iisdem studiis maiore, quam vnquam fecerim, diligentia versari. Resistō enim quan-

tum

tum possum ætati, valde iam graui, & viriis propriis senectutis medeor, quacunq; ratione possum. Spero autem me cito ad editionem illam meam variarum lectionum accessurum, quem librum statim vt erit excusus, ad te mittam. Sed postquam incidi in mentionem horum meorum laborum, quos tu cum degustasses, magis, vt opinor, amanter, quam vere probasti: cum forte Romam ad amplissimū virum misissem, animaduersiones illas meas, de duobus à me notatis locis Lucretianis extitere subito plures, qui poetam eum minime in illis rebus lapsum esse ostendere vellent, è quibus vnus, cum omnis hæc quæstio illic multū agitata esset, ad me scripsit, & opinionem meā conuellere conatus est. Respondi autem illi diligenter. Quid autem mihi tunc in mentem venerit, ad iudiciū meum confirmandum aptū, videbis. Epistolam enim illam ad te cum his literis mittam, vt intelligas, quam facile ego obrectatores inueniam, & æmulos mearum sententiarum. Ricardus noster, & Maphæus adolescentes optimi, & tui amantiissimi, tibi salutem dicunt. Vale Florentia VIII,

Kal. Februar. M. D.

LXIIIX.

PE-

## PETRVS VICTORIUS

S. D. Joanni Cratoni archiatro

Cæsaris.

**S**ingularis tua humanitas Crato, mihi ex tuis litteris perspecta ac cognita, & inuitatio liberalis, qua vsus in ipsis es, vt vterer & gratia & auctoritate ista, qua flores apud optimum, & sapientissimum principem in omnibus meis rebus, fecit, vt auderem tibi aliquid oneris imponere. Cū enim ingenio talis sim, vt non facile abutar benignitate amicorum; nec leui quaq; de causa adduci possim, vt ipsis molestus sim: idem cum maior aliqua necessitas vrget, quæ honesta sit, non vereor confugere ad illos, & petere, vt auxilio sint; vt sane mihi vsu venit hoc tempore, non in priuata mea re, sed publica. Totū autem tibi paucis narrabo. Est controuersia non parua de summo gradu honoris inter nostrum ducem, & ducem Ferrariensem: alterum socerum; alterum virum sororum Maximiliani imp. cuius quæstionis iudicem se professus est iustissimus iste princeps, studiosissimusq; sedanda-  
rum

rum discordiarum inter suos, sperans se causa audita huic altercationi finem imponere posse. Mittitur autem istuc à nostro duce, ut ipsius causam defendat, orator, ciuis noster, magnæ nobilitatis; nec minoris ingenii, ac virtutis Ludouicus Antenorius, qui tibi epistolam hanc reddet, amicus summus meus, & dignus propter egregias animi sui doctes, qui ab omnibus probis & honestis viris ametur. Rogo igitur te, ut eum tua beneuolentia complectare, ac quibuscumq; rebus possis, iuues. Hoc mihi gratius facere nihil potes. Cupio enim ipsum in ista amplissima, splendidissimaq; aula gratiosum esse. Non parum etiam sollicitus sum de exitu huius magnæ litis. Pertinet namque illa valde, ut præclare te intelligere arbitror, ad publicam nostram dignitatem. Quare ego quoq; adductus sum, ipsam studio, ac vigiliis meis adiuuare, collegiq; scripto quodam meo, argumenta plurima, quibus doceo, hunc veterem nostrum honorem reip. nostræ, ductoriq; ipsius optimo atq; ornatissimo, eripi iure ac legibus non posse. Quod tu etiam si uolueris, leges. Vale Florentia V. Non.

Mai. Anno M. D.

LXIIIX.

P E.



vera prorsus esse iudicabis. Vale, & mihi audacter aliquid impera, in quo tibi aliquo modo prodesse possim; cuius rei, vt debeo, ac nisi fallor, quotidie magis debeo, mirificè cupidus sum. Vale Florentia V. Non. Mai. M. D. LXIX.

PETRUS VICTORIVS  
S. D. Ioanni Caselio.

**V**enit Florentiam Ioachimus Baſſenſis noster cum è longo & periculoso morbo conualuisset. Ipsum ego vidi libenter. Sollicitus enim valde de vita & salute ipsius fueram. Paucos post dies ego accepi duas epistolas tuas, quæ mihi fuerunt pergratæ. In ipsarum altera erat accurata narratio eorum, quæ tibi in tam longo itinere contigissent: quæ fuerunt omnia prospera ac veri honoris dignitatisq; plena. Lator igitur, ac vehementer quidem lator, probitatem tuam ac doctrinam ab honestis multis & claris viris perspectam esse & ornatam: in primis autem à Cæsare optimo & sapientissimo imperatore omni honore & munere cumulatum, idq; in dies ubicunq; eris, plenius

nus vberiusq; factum iri confido. Hoc enim postulat tua virtus, quæ non potest vlllo pacto in obscuro esse. Vt autem gauisus sum ob honores plaususq; qui tibi dati sunt, dum in via esses, ita contra dolui te, cum domum peruenisses, non omnia illic læta, & vt volebas, inuenisse, quia incideris in funus fratris, probi & recta via ad laudem properantis pueri. Non conabor autem ego te nunc consolari, quippe cum sciam te sapientem esse, ac scire humanos casus oportere æquo animo tolerare. Ipse quoq; postquam tu à nobis discessisti, huiuscemodi domesticum vulnus accepi, quo vehementer conflictatus sum. Amisi enim vxorem, cum qua intervallo quinquaginta annorum vixeram, & vnde maximas vtilitates commodaq; in vita semper acceperam: amisi autem eo tempore, quo imprimis utilis mihi vel necessaria potius opera ipsius & beneuolentia erat: sed, vt dixi, hæc mala, quæ vitare non possumus, sunt patienter ferenda. Vt autem aliquid ad te scribam de meis studiis, aperiamaq; quibus in rebus toto animo nunc occupatus sim, quod semper faciam diligenter: volo enim vt tibi omnia mea nota sint, vt amico fideli & quem ego vnicè diligo: illi libri, quos ego addidi superioribus meis eiusdem nominis,

excu-

excudi tandem coepti sunt. Erunt autem absoluti, nisi aliquid incommodi natum fuerit, octobri mense. Statim ut in lucem prodierint, volumen vnum alterumue tibi eorum mittam. Tu vero hoc tempore valebis, & in litteris tuis te oblectabis, mihi que nunc ignoscas, quod nimis brevis negligensque sum in responso dando tuis longissimis & accuratissimis epistolis. Molestia enim magna & labores, quos capere cogor, dum corrigo errata impressorum, & quantum per me fieri potest, resisto incuriae & inscitiae ipsorum, id quod ut indignum est ac stomachandum, ita in hac vrbe necessarium, non relinquunt mihi aliquid temporis, ut possim officia erga amicos tueri. Florentiae .X. Kalend. Sextil. Anno M. D. LXVIII.

PETRVS VICTORIVS  
S. D. V. Bassenitio.

**A**ppropinquat iam tempus, V. suauissime, quo tu, si fidem fallere non vis, quae nobis in discessu tuo dedisti, de reditu ad nos tuo cogitare debes. Redibis igitur  
cum

cum tibi commodum erit, & cum parentes tuos aspectu tuo iucundo satiaueris: & illo quidem animo ac consilio redibis, vt te totum tradas his humanioribus, & polito omni nobiliq; viro, qualis tu es, dignis litteris. Quod si facere volueris, vt ego te horror: & quia sum tuæ laudis & honoris cupidus, vehementer rogo: & in hoc præclaro decore consequendo neruos omnes tuos contenderis: operam tibi meam ac diligentiam in eo polliceor, ac re etiam præstabo, cuius mei animi & præstantis benignitatis erga omnes vestros adolescentes, qui se ad me aliquando contulerunt, tu periculum fecisti, & fructū etiam inde non paruum, vt opinor, cepisti. Neque tamen hoc dico, quia pūtem vobis deesse, qui erudire iuuentutem & eximiè instituire possint. Quis enim nescit abundare vestras sedes omnibus rebus, quæ ad virtutem capessendam faciunt? quod si nemo alius istic foret, qui plures profecto sunt docti viri, & Græcis Latinisq; litteris eruditi, nisi Caselius quē tu scis quantopere ego admirer, & quantum ingenio ipsius doctrinæq; tribuam: ille vnus egregie hoc munus obire, & omni virtute honestaque arte te ornare facile posset. Non igitur ea causa dico, neque tantū mihi arrogor: sed vt egregiam meam volun-

luntatem tibi aperiam. Cum enim te impellam ad honesta studia, auctorq; tibi sim, ut Musas has humaniores colas: quomodo possum non tibi, si quid in eo possum, polliceri? Ut tamen hoc nunc præteream, teq; in hoc consilium tuum sequi sinam; nolim vlllo pacto te hanc viam summæ laudis deferere, & studiis his elegantioribus nuntium remittere. Non posset enim hoc sine infamia aliqua tua contingere. Neq; enim tibi desunt ea, quæ impediunt sæpe aliquos, qui ipsi carent, ne institutum iter perficiant, & ad dignitatem aliquam in hac certa via honoris perueniant. Suppetit tibi ingenium: res familiaris superest: valetudo firma & integra est: voluntas, ut audio patris parata tibi ac prompta est: qui mirum in modum cupit te laudem hanc & gloriam adipisci: nec vlli sumpui parceret, contra ingenium multorum parentum, qui stultè ac improbè malunt filios diuites quàm egregiè institutos relinquere, & iis deniq; artibus præditos, quæ docent, qui verus sit fructus pecuniarum. Sed finem iam faciam, neq; aliū præterea stimulum tibi admouebo. Tu vero putato, quæ à me dicta sunt, ut profecto illa sūt à beneuolomgo animo in te profecta esse, & mirificè

studioſo tuæ dignitatis. Vale, mequē ama.  
Florentia. X. K. Sext. Anno M. D. LXIIX.

*PETRVS VICTORIVS*  
*S. D. Joanni Cratoni.*



**F**ecisti tu quidem Crato, quod  
ego maxime volebam, ac liben-  
ter quidem cumulateq; fecisti.  
Nunc enim denuo respondeo  
tuis litteris, quas XVI. Kalend.  
Quinctilis dedisti. Quare ago tibi gratias  
immortales, ac semper dum viuam istius  
tuæ humanitatis memor ero: vtinam compē-  
sare aliquo factō ipsam possem, rationemq;  
inire, qua animo meo latisfacerem, cupido  
vehementer se tibi probandi, ac par pro pa-  
ri, quod requirit officium boni viri, reddend-  
di: certe si facultatem aliquam eius rei ali-  
quando nactus ero, non dimittam, ac toto a-  
nimo voluntati atq; honori tuo seruiam. Sed  
vt hæc relinquam, audiui cum magna mea  
voluptate iudicium tibi meum probari, testi-  
moniumq; quod dedi apud te duobus no-  
stris hominibus, qui missi sunt istuc à duce  
nostræ reipublicæ, de non vulgaribus ipso-  
rum virtutibus, verum à te existimari. Tu  
ergo perges, quacunq; ratione honestè facere  
po-

poteris, eos iuare, & amore beneuolenti-  
 àque tua singulari prosequi. Erit id mihi  
 mirum in modum gratum. Verum tibi Case-  
 lius narrauit, me in manibus habere nouos  
 quosdam meos libros variarum lectionum,  
 quos edere cuperem. Sed negotium hoc  
 valde lentum fuit, nec tamen citò quam o-  
 ptabam, culpa impressorum, hæc res initium  
 habuit: sed tamen aliquando excudi cæpti  
 sunt; & opus iam ad dimidiam partem per-  
 ductum. Statim igitur vt absolutum erit,  
 volumen eius ad te mittam, postquam tu  
 quoq; non despicias omnino genus hoc scri-  
 ptionum, vel vt veriore nomine ipsas ap-  
 pellem, has meas ineptias. Thomam Redi-  
 gerium, ciuem tuum, quem mihi commen-  
 das; cum hoc veniet, videbo libenter, &  
 quibuscumq; potero officiis prosequar. Cum  
 enim huius animi sim erga omnes vestros  
 homines, cuius meæ præclaræ voluntatis  
 in ipsos multos testes habeo, quanto magis  
 esse debeo in illum, quem tibi tam carum  
 acceptumq; esse vïdeo. Vale Florentia.

XIX. Kal. Septembris Anno

M. D. LXIIX.

## PETRVS VICTORIVS

S. D. Ioachimo Camerario.



Litteræ tuæ Viennæ datæ D. XXI. Septembr. fuerunt mihi periu-  
cundæ, vt cetera omnia tua sem-  
per aduersum me grata & ac-  
cepta fuerunt. Amo igitur Cra-  
tonem, qui quemadmodum multis alijs re-  
bus me ornat, studetq; quantum potest, mi-  
hi placere, ita etiam huius voluptatis, quam  
cepi ex tua epistola, fons mihi & origo fuit.  
Vere autem ille tibi dixit, rationem istam  
mittendi ad nos litteras certam & explora-  
tam esse, dum præsertim istic est orator du-  
cis nostræ reipub. Crebro enim contingit  
publicas litteras huc perferri, cum quibus  
meæ semper fideliter celeriterq; venient.  
Missus est autem fasciculus vester ad me qua-  
tuor ab hinc diebus. Sum autem nunc ruri,  
in quo me oblecto his rebus, quæ sunt pro-  
priæ huius loci & ætatis meæ, id est, sero ar-  
bores, & in studio hoc agri colendi occupa-  
tus sum: nec tamen onitto studia doctrinæ,  
sed horas semper aliquas diei ac iam noctis  
quoq; consumo in scribendo aut legendo:  
post paucos dies reuertar in urbem, atq; ibi  
vehe-



## EPIST. AD GERMAN. LIB. II 106

vehementius litteras & Musas colam. Te  
 istuc nunc versari in re publica, vocatumq;  
 esse à Cæsarea maiestate, vt intersis consiliis  
 paucis, libenter audiui. Hæc vero est cura  
 propria doctrinæ & probitatis tuæ. Vtinam  
 egregiam aliquam operam in eo nauare pos-  
 sis, vt remedium tandem inueniatur præsen-  
 tibus malis, quæ graua admodum sunt, &  
 pulcrum firmissimumque corpus reip. cor-  
 rumpunt ac dissipant. Sed hoc potius optari,  
 meo iudicio, quam sperari potest. Ego mit-  
 tam ad te cito illos, de quibus antea ad te  
 scripsi, nouos meos libros variarum lectionū,  
 Nondum enim absoluti sunt, pauca tamen  
 excudenda restant. Vale, & saluta meo no-  
 mine humanissimos & doctissimos iuvenes,  
 filios tuos, quos ego, vt imaginem paternæ  
 virtutis, valde amo & in oculis fero. Ex

agro meo Cassianensi XVII. Kal.

Nouemb Anno M. D.

LXIX.

## PETRVS VICTORIVS

*S. D. Joanni Cratoni.*

**F**asciculus ille epistolarum, quem ad me miserat, delatus est ad me IV. id. Octob. cum ruri essem, illo ipso die, quo Thomas tuus Redigerius ad me salutatum venerat. Est enim villa mea viæ Romanæ propinqua. Cum ipso autem totum pæne diem consumpsi, ostendens illi ordines olearum: totumq; agrum meum satis eleganter constitutum: delector enim mirificè rebus rusticis: sed etiam stirpes nonnullas peregrinas, quas animi causa in illo seui, vt platanum, pistacium, cythisum, rhu obsoniorum: interimq; multa philologa: & quæ pertinerent ad studia bonarum artium: tendimus etiam retia turdis, quorum magna vis ipsis diebus, vt natura eius auis est, in hæc nostra loca trans mare aduolarat, cepimusq; non paucos. Libenter autem ille mihi visus est illi aucupio interesse. Omni igitur genere sermonis, & quibuscumq; præterea potui muneribus, atq; ipse passus est, studui ipsi placere. Filius vero meus, qui in vrbe erat, cum Redigerius venit, & ipse antè operam illi dederat, & monstrarat præclara quædam, quæ cuncti adueci-

aduenæ, politi homines, qui huc veniunt, visere solent. Cum autem ille in sermone mihi indicasset, se Neapolin etiam accessurum, ne illuc plane hospes veniret, scripsi ad amicum summum meum, qui illic viuit, honestum & eruditum virum, mandauiq; vt Redigerium comiter acciperet, quod ipsū omnino facturum confido. Nam Romæ duos habeo nostros ciues, doctos itidem & nobiles homines, qui rogatu meo eidem, comitibusq; quos secum plures habet, omnia officia præstabunt. Si igitur, vt voluntati tuæ; officioq; probi viri satisfacerem, non omnia, quæ debui, certè cuncta, quæ potui, feci. Perge autem, cum occasio tibi datur facultatem mihi præbere, parandi huiusmodi aliquos amicos. Magnum namque ego semper id beneficium putaui. Vale, & me, vt facis, ama Ex agro meo Cassianensi.

XVII. Kal. Nouemb. Anno

M. D. LXIIX.

PETRI VICTORII  
EPISTOLARVM AD  
GERMANOS MISSARVM.

LIBER TERTIVS.

PETRVS VICTORIVS  
S. D. Ioanni Caselio.



Letteræ tuæ IIX Ka.  
IIXbr. datæ, fuerunt  
mihi valde caræ, vt ce-  
teræ omnes, quæ omni  
tempore à te profectæ  
sunt: multo tamen hæ  
cariores, quia longo  
interuallo sine eis fue-  
rã: quod mihi sane non  
parum molestum erat. Nosti enim, quàm sit  
amor omnis sollicitus. Præter enim quam  
quod carebam fructu ac suauitate illarum,  
verebar etiam, ne tibi aliquid incommodi  
accidisset, cum sciam, quàm diligens sis in  
scribendo. Non enim arbitror facile ali-  
quem inueniri posse, qui te in hoc officio  
vin-

vincat. Cognoui autem indicio postremarum harum te alias ad me scripsisse, respondisseq; illis meis, cum quibus ad te misi libros, à me huper editos: quæ tamen in itinere perierunt: certe ad manus meas adhuc non peruenerunt. Impleuere igitur hæc me lætitia magna, quia video te valere, ac posse optimis artibus operam dare. Recordor enim superioris tui grauissimi morbi, sententiæq; medicorum, qui pæne tibi omni genere studiorum interdixerant: vnde nascerentur incommoda non parua. Nam & sperato fructu laborum tuorum gloriaq; caruisses, & qui magnas vtilitates ex tua doctrina capere possunt, & quotidie capiunt, repente illis spoliati fuissent: sed ego quoq; qui celebror, ferorq; in cælum monumentis ingenii tui, non mediocre inde damnum fecissem. Bene igitur factum est, quod periculum nullum nobis instat tam grauis mali: tu tamen valetudinem tuam tuere: diligentiaq; plurimum adhibe, vt te tibi nobisq; qui te valde diligimus, conserues. Ego certe valeo, ac firmioribus etiam corporis viribus sum, quam, cū tu hic aderas, eram: quod tamen mihi non contingit, quia remiserim aliquid de laboribus, assiduissq; meis ingenii exercitationibus: quin potius in ipsis maiore

diligentia curaq; versor, quàm vmquam fecerim. Cum enim tu mihi & alii plures amici suaseritis, vt adgrediar ad opus illud multarum vigiliarum, conerq; explicare libros Aristotelis de optimo statu ciuitatis: scito nunc me nihil aliud moliri, incuinberèque in eam curam toto animo. Quod igitur à tenuibus ingenii mei viribus, mediocriq; eruditione expectari potest, non patiar amplius à me desiderari. Nullum enim sino diem præterire, quo non aliquid notè, quod eo faciat, eruàmque aliquid è tam magno cumulo difficultatum. Vt autem scias, me non oblitum esse studium illud, quo vidisti me magnopere teneri, & quod etiam vna diligenter cognouimus, narrabo tibi, me scripsisse libellum de cultura olearum, fructibusq; magnis & multis, qui capiuntur ex hac nobili stirpe, & quasi confecisse *ἐγκώμιον* ipsius: atq; illum, vt communior sit, patrio nostro sermone. Est autem ille in manibus omnium, qui re rustica delectantur, & non parum probatur, peragrauitq; vniuersam Italiam. Si igitur facultatem aliquam ad te ipsum mittèdi habuero, vtar ipsa, etsi regio vestra hanc arborem respuit, vt scilicet regustes aliquando nostrum sermonem, quo valde delectabarè, & quem etiam ita didiceras, vt in media

Etru-

Etruria natus & altus viderere. Putabis enim cum leges, te mecum loqui. Oricellarius & Ricardius delectati magnopere sunt salute, quā voluisti me ipsis tuo nomine dicere, teque vehementer amant, quod tam firmam eorum memoriam retineas, ipsosq; abfentes tanto spatio terrarum ita ames, vt, cum præsentes aderant, amabas. Hoc enim proprium esse intelligunt probi viri. Vale Florentia V. d. Xbr. Anno M. D. LXIX.

PETRVS VICTORIVS  
S. D. Ioanni Caselio.



Vltas ego tuas, & eas quidem omnes suaves ac plenas summi amoris accepi epistolas ex eo tempore, quo à nobis discessisti: pluribus autem illarum statim respondi, nec tamen omnibus: expectabam enim, vt liber ille meus, quem nosti, excusus foret. Vnà enim cum litteris ipsum mittere volebam: negotium vero hoc magis lentum fuit propter varia crebraq; librorum impedita. Ipsum igitur tu nunc leges: etsi multo ante legisti. Sed tamen quædam, vt videbis, addidi, nonnulla etiam mutauì. Cum autem mihi nunc è manibus exierit hic liber, qui me requiescere non patiebatur.

( est enim multo maior labor, quam quisquam putaret, huiuscemodi scripta conficere ) nec sinebat conuvertere animum ad alia maiora studia: incumbam toto pectore in curam illam, quam scis, ac dabo operam, ut ad finem perducam opus illud, quod mihi multo ante proposui. Expecto autem iudicium vestrum de hoc meo volumine: Veltrum autem consideratè dico, non tuum. Tu namque quid existimares de ipso, iam pridem mihi significasti: præterea non multum in hoc tibi tribuo. Amor enim, quo me persequeris, non te sinit verè de meis rebus existimare, & tamen posses, cum id adgrederis, te ipso spoliare: aut si non posses, cum hæream tibi in medullis, saltem deberes. Puta igitur auctorem esse huius operis non Victorium tuum, sed alienum hominem, Quod si hoc præstare volueris, magis tunc ego iudicio tuo, quam alius vllius assentiar. Sed his relictis, ( puto enim te non minus hæc de me audire cupere ) ego valeo, ac magis etiam, quam vñquam antea fecerim, litteris inuoluor: nec tamen ex animo dimisi oblationes illas meas, quas scis. Menses enim eos, quos soleo, ruri consumo: & agris meis conferendis operam do. Studium enim hoc me quotidie magis tenet. Postquam autem  
hinc



hinc discessisti, non parum eos instruxi & his ipsis etiam diebus opus incepti, quod valde fructus, ut spero, & splendorem ipsorum augebit. Nec tamen omnia mihi hoc tempore secunda contigerunt. Amisi enim uxorem, cum qua iucunde spacio L. annorum vixeram: ex cuius interitu incredibilem dolorem sensi. Puto enim ad aures tuas aliquando peruenisse, cum hic esses, quam grauis illa prudensq; femina foret. Incommodum autem, quod inde accepi, quotidie me magis premit: nec possum vlllo pacto ipsum obliuisci. Pauci igitur mortales inveniuntur, qui non crebro conflictantur aliquo malo. Tu quoq; mihi significasti, cum in itinere adhuc esses, in huiusmodi acerbum casum te incidisse, fratremq; tuum, puerum optimum, fato functum tunc fuisse; qui nuncius mihi valde molestus fuit. Perspexi enim ex tua epistola, quantopere tu illum dilexeris. Sed etiam cum tua, quam accepi his diebus, epistola, erat ea, quam ad Bassenitium scripsisti, de obitu matris ipsius: quam odiosam plagam, ut audiui, ille à te primo cognouit: et si litteræ sero venerant. Oportet igitur cogitare nos homines esse, & hac conditione in hanc vitam venisse, ut hæc incommoda penitus vitari non possimus.

Ego

Ego certe conor animum meum confirmare, & resisto dolori, quantum valeo, qui tamen crebro me refricat, ac pungit: sed finem faciam mœrendi, ne *εὐμενέστατον* tuam euocem. Scio enim te valde rebus meis aduersis sollicitari. Vnum autem tuum non accepi fasciculum litterarum: in quo erat epistola Ioachimi Friderici. Quare, cum scribes ad ipsum; quod illi epistolæ non respondi, me ipse excusabis sedulo, neque enim potui. Mitto autem ad eum vnum ex his meis libris, qui erit vnâ cum reliquis. Tuæ nunc partes erunt curare, vt ad eum perferatur, & exile hoc meum munusculum verbis tuis politissimis ornare. Fecissem vero ego libenter, quod mihi suaseras, pertinens ad hanc rem, sed veritus sum ne viderer aliquibus officio meo deesse, qui relictis nostris, maximè illustribus, alienos, licet omni honore dignissimos viros celebrarem, simulq; apud ipsos offenderem, quorum mihi beneuolentiam, quacunq; re honesta facere possum, conciliare debeo. Vale, & à me nunc, postquam solutus illa molestia sum, crebriores litteras exspecta. Florentia

XI. Kalen. Febr. Anno

M. D. LXIX.

PE

EPIST. AD GERMAN. LIB. III in  
PETRVS VICTORIVS  
S. D. Joachimo Bassenitio.

MAGnum vero accepi dolorem, Basseniti, cum ex litteris Caselii nostri cognoui, matrem tuam prudentissimam & optimam feminam mortuam esse. Prius enim tristis hic nuncius aures meas attingit, quam tuas perculit. Quod si quemadmodum in mea manu positum erat facere, ne illa ad te eo tempore plaga aduenteret, ita ipsam penitus delere & a te amoliri potuissem, libenter id fecissem. Cupio enim te ab omni molestia vacuum esse, semperq; cum poterò hoc fideliter geram, ac toto animo in eam curam incumbam. Minister igitur aliquo modo fui tui luctus, quod noluissem. Præter autem ægritudinem, quæ te merito tali casu inuasit, vel potius, ut ego ex tuis & aliorum litteris perspexi, totum oppressit, præclare intelligo, rationes omnes tuas conturbatas esse, nec commode nunc posse, quietoque animo cursum tuorum studiorum conficere, & tanto temporis spatio, quantum illa requirunt, domo abesse. Non possum autem te, ut vellem, in hac re consilio iuare. Neque enim res

res tuæ domesticæ ita mihi notæ sunt, vt valeam iudicium meum in illis interponere. Tu igitur hoc videbis, & quæ prudentia tua est, intelliges; quid officium existimatioq; tua postulet. Vnum tantum ego tibi suadeo, vt si villo pacto id obtineri potest efficiq;, ne absentia tua res tuæ priuatæ incommodi aliquid maioris accipiant, non patiaris studia ista tua honesta, & quæ tibi fructum magnū honoremq; aliquando necessario parient, in medio cursu frangi ac dissipari. Sed hoc nunc relicto, reuertar ad originem horum consiliorum, quod profecto malum tibi commune est cum multis, à naturaq; ipsa, cuius rationi aduersari non possumus, neq; etiam debemus, inuectum est. Quare æquiore animo id ferre oportet, & hoc sane officium videtur esse hominis, qui aliquam partem sanitatis in se habeat. Quod si ab aliquibus hoc non sine causa postulatur; iure optimo flagitatur ab illis, qui animum optimis artibus excoluerunt. Cur enim illi tantum studii in doctrina percipienda posuerint, si auxilium inde petere non possunt; ad huiuscemodi casus tolerandos? nec vti optimis illis præceptis in ægritudine propria suâque lenienda? Si sermo mihi esset cum aliquo, alieno à Musis, & qui nullam vniquam cogitationem  
susce-

suscepisset de animo expoliendo, & contra hæc fortunæ vulnera armando, accederem ad doctorum hominum scripta, depromeremq; inde præcepta multa, quæ sedulo ab illis collecta, sint huic tempori accommodata: sed quia hæc omnia præclarè cogita habes, potesq; si putas te medicina hac egere, ipsa, cum tibi commodū est, vti, super sedeo ego omni hoc inutili labore, remediūque tibi promptum ac paratum, in tuo arbitrio & potestate positum esse sinam. Eo potius me conferam, cupidus magnopere te iuvandi, quo nisi valde te amarem, aspirare non auderem, ne viderer arrogans esse, & me, mea; cuncta nimis stultè amare, quod vitium semper declinaui, &, quantum potui, ex animo meo eieci. Illó inquā, me conferam; rogaboq; vt me, cui tu semper plurimum ob tuam singularem probitatem tribuisti, imitere, qui cum superiore anno huiusce-modi incommodum accepissem, vxoremq; mihi carissimam amissem: tamen, quamuis imbecillus & senex, dolori restiti, nec me confici luctu ac mœrore passus sum: nec tamen infitior valde molestum mihi casum illum fuisse, & primo statim tempore ipsum me magnopere perturbasse. Quomodo enim aliter fieri potuit? perdidisti, quod me pluri-

num in vita delectabat, atq: vnicum solati-  
um grauis huius meæ ætatis erat, illamque  
demum, cum qua statim, pueritia egressus,  
mirifico quodā amore coniunctus fui. Nosti  
autem, quæ vis sit consuetudinis, & quem-  
admodum ipsa nos sæpe cogat res aliquas sua  
sponte duras & asperas amare, atque in illis  
tractandis iucundè versari. Quanto igitur  
magis ego illam diligere debui, cum qua,  
præterquàm quod omnem pæne ætatem  
consumpseram, certe vixeram cum ipsa spa-  
tio quinquaginta annorum: suauissimis illi-  
us moribus numquam expleri potui, quoti-  
dieq; magis eam erga me beneuolam exper-  
tus sum. Quid enim ego nunc multa loquor  
de prudentia ipsius, rationeq; magna ac stu-  
dio, quod ponebat in tuenda re familiari?  
qua in re me multis magnisq; sollicitudinibus  
omni tempore liberarat. Sed nolo am-  
plius, commemoratione illius virtutum, ve-  
tus meum vulnus reficere, quod iam aliqua  
ex parte obduruit: ac fortasse voluptas, quā  
capio ex recordatione ipsius, ( ita enim mihi  
ante oculos ipsam habere videor ) me impu-  
lit, vt longius quàm oportebat hunc de ipsa  
sermonem produxerim. Idem igitur, vt iam  
reuertar, quò debeo, tibi suadeo vt facias,  
modumq; constituas ægritudini. Potes enim  
iam

iam sentire: lacrymas nihil prodesse, nec copia & effusione illarum mortuos in vitam reuocari. Cur igitur nos sine fructu vlllo maceremus? Præterea semper lugere licebit. Eueniunt enim crebro hominibus huiuscemodi aliqui casus, contingitq; ipsos interitu necessariorum suorum, aut sodalium confictari. Quare si totos nos luctui tunc tradere vellemus, perpetuo in lacrymis & angoribus iaceremus. Alius autem finis hominibus propositus est, neq; nos in hanc vitam venimus, vt ipsam in perpetua tristitia traduceremus: sed potius, vt semper aliquid viro dignum, mente versaremus, & quantum etiam vires nostræ pati possunt, præstaremus. Hæc sunt, quæ mihi in mentē venire, apta non parum, vt arbitror, ad te consolandū. Functus vero esse multo prius pio hoc munere, si tēpus illud huic rei agendæ opportunū esse iudicassem. Volui enim locū dare dolori, & humano huic naturaliq; officio tuo lugendi tuos non statim aduersari. Vt enim tunc nimis violentū atq; acerbū remediū hoc fuisset, cum vulnus scilicet recens adhuc erat, ita nunc postquam assatim satisfacisti materno amorī, nisi valde fallor, idoneum ipsum & accommodatum existimari debet. In me autem ego id verum esse expertus sum. Primo

enim medicinam omnem doloris respuif-  
 fem: deinde cum putavi me officio & natu-  
 ræ obtemperasse, non solum non spreui, sed  
 sedulo etiam ipsam requisivi. Quod si nul-  
 lum horum argumentorum quidquam ad  
 dolorem tuum mitigandum valebit, debebit  
 saltem te mouere voluntas & auctoritas  
 mea, quam tu in omni alia re sine vlla dubi-  
 ratione secutus es. Rogo enim te, ac vehe-  
 menter quidem, vt hoc facias, affirmoque  
 ex hoc consilio meo emolumentum ingens  
 laudèmq; prorsus adepturum, ac tuis om-  
 nibus, & illi etiam mortuæ gratissimum  
 facturum. Vale Florentia, X. Kalend. Mart.  
 Anno M. D. LXIX.

*PETRVS VICTORIUS*  
*S.D. Ioanni Cratoni.*

**L**itteræ tuæ XIIIX. Kal. Febr. da-  
 tæ, fuerunt mihi multis modis  
 iucundæ: vnum tantum in ex-  
 tremis illis molestum fuit, ac ve-  
 hementer animū meū perturba-  
 uit, quod mihi narraſti de graui morbo Ca-  
 ſelii, qui diu ipſum oppreſſū tenuit. Cæpi e-  
 nim ſubito non ſine cauſſa valde metuere de  
 vita



vita ipsius, recordatus superioris eius infirmæ admodum valetudinis, qua diu & periculose apud nos conflictatus est. Deus opt. max. præsidio ipsi sit, & tam probum, & disertum virum omni malo liberet, diuq; nobis incolumem seruet. Sed reuertar ad epistolæ tuæ partes, lætas & summi amoris plenas, quæ me gaudio perfuderunt: in primis autem me delectauit, quod vidi te librū meum laudare, atque hoc quidem, quia te posse de his rebus præclare existimare compertum habeo, & virum bonum, ab omniq; simulatione alienum arbitror. Lætor igitur labores, quos sustinui magnos in his rebus colligendis, non omnino irritos fuisse, nec frustra à me susceptos. Exitere quoque alij, variis temporibus, honesti & eruditi viri, qui mihi idem, quod tu, consilium dederunt, vt conficerem scilicet volumen Latinarum mearum epistolarum, atque ederem. Quare statui parere vestræ voluntati. Hac igitur æstate in eam curam incumbam. Quod mihi narraſti Sambucum lectione mei libri se oblectare, audiui libenter, exemplar quod ad eum miseram, non perisse in itinere, de quo non parum sollicitus eram. Neque enim certo homini, & qui ipsum visurus esset, perferendum dederam,

nisi forte tu illi tuum commodasti. Volo ut mihi significes aliquid diligenter de Caselii inualetudine. Torqueor enim magnopere hoc casu ipsius. Pauci namque sunt, quos æquè, atque illum diligam. Nihil aliud habeo, quod ad te nunc scribam, tantum præterea rogabo Crato humanissime, ut me ames, & istam eximiam voluntatem erga honorem meum, in quam sponte tua ingressus es, retineas, Vale Florentia XIV. Kal. April. Anno M. D. LXIX.

PETRVS VICTORIVS  
S.D. Joachimo Bassenitio.

**L**itteræ tuæ, XIIII. K. datæ, fuerunt mihi periucundæ: iucundiores tamè multo fuissent, nisi mihi quod nesciebam, quodque mihi audire molestum fuit, nunciaissent te diu ægrotasse, neq; adhuc omnino corpore confirmatum esse. Cupio enim te valere, & omnibus commodis vitæ, ut dignum tua probitate virtutèque est, abundare. Nam quod te vehementer me amare dicis, recordationeq; nostri valde delectari, nihil mihi nouum, neq; inusitatum narras.

narras. Cognoui enim te semper fidelem  
 verumq; amicū esse, ac prorsus φιλόφιλον quæ  
 certe non mediocris laus est, cū magna pars  
 hominum studeant potius amici videri, quā  
 esse, vnde non parua incommoda nascun-  
 tur. Hi namque sunt, qui si ficti simulatiq; sūt,  
 possunt profecto valde nocere, ac sæpe etiam  
 non parum, neque in paruis rebus obsunt,  
 cum ipsis omnia nostra credamus. A Case-  
 lio paucis antè diebus litteras accepi, amoris  
 quidem illas ac fidei plenas. Ipsi autem sta-  
 tim vt debebā respondi, quod semper dili-  
 genter faciam, cum potero, id est cum ipsi-  
 us epistolæ saluæ in manus meas peruene-  
 rint. Nam cognoui ex illis plures cum ad me  
 scripsisse, quæ in tā longo itinere perierunt.  
 Valde ego, vt scis, amo hominem atque hoc  
 ipsius officio delector: eruditionem autem  
 admiror, bonitatemq; singularem. Cum do-  
 mum reuerteris, accurate ad eum scriptas  
 dabo, ac si quid noui tum habebo, tibi potis-  
 simum id onus ferendi ad ipsum iniungam.  
 Cum Botuitus ad me scribet, libenter eius e-  
 pistolam legam, ac si quid mihi mandabis,  
 sedulo faciam. Tu vero serui valetudini, vt  
 plane firmum vegetūque itineri te com-  
 mittas, & incolumis ad nos redeas, mihiq;  
 si aliquid tua causa efficere possum, audacter

impera. Vale Florentia. Prid. Kalend. Ian.  
M. D. LXIX.

PETRVS VICTORIVS  
S. D. Thomæ Rhedigerio.

**E**rspexi ego statim, te vt vidi,  
egregiam tuam indolem adole-  
scens optime, incensusq; sum  
desiderio magno tibi placendi:  
cui voluntati meæ viam anrea  
munierat suis litteris Crato, qui te mihi di-  
ligenter commendarat, & vt quacunq; re  
possem, honori tuo commodisq; præsto es-  
sem, rogauerat. Cratonem autem ego diligo  
vehementer, vt probum & doctum virum,  
valdeq; dignitatis meæ studiosum. Omni  
igitur re, qua cognouero me posse illi satisfacere,  
toto animo semper in ipsam incumbam.  
Feci autem quod potui, accommodatùm-  
que esse existimaui ad honorem tuum atque  
animi voluptatem, conatusque sum etiam  
nonnulla, quæ nescis, eodem pertinentia:  
etsi illa exitum non habuerunt: voluissem  
multo plura præstare me posse, quæ digna e-  
rant persona & probitate tua: illa tamen cū  
superent meas vires, confido me apud te ex-  
cusa-

cusatum fore. Nemo enim cogi potest id moliri, quod efficere non valet: atque hoc semper iudicium fuit sapientium virorum: quod Hesiodus etiam, cum sedulo hortaretur ad gratiam referendam, tetigit. Huius autem animi erga te & laudem tuam, donec viuam, semper ero. Videbis ergo tu omni tempore, si qua in re vtilitatibus tuis inseruire possim, me certe habebis promptum paratūque tuis commodis persequendis. Neque tamen te nunc oportebat ob tam tenue munus, exileq; præsertim cum liber communis pervulgatusq; iam factus sit, tanto opere me laudare, præterquam quod ampliore dono ipsum compensasti. Nesciebam autem te venatorem esse: aut si forte studio illo delectarere, quod proprium est ætatis & nobilitatis tuæ, istic saltem ipsi operam dare. Sed puta me in hoc tecum iocatum esse. Quod vero ad te pertinet, commendo ego valde liberalitatē tuam, atq; id quod supra etiam ab animo sincero profectum tibi narraui, iterò, asseueròque, me sēper quacunq; re poterò laudi tuæ fauturum. Vale Florentia

IIII. Kal. Febr. Anno

M. D. LXIX.


PETRVS VICTORIVS

S. D. Joanni Caselio.

**L**itteræ tuæ, V. Id. Mart. datæ, fuerunt mihi gratæ mirum in modum; expectatio quoq; illarū, quas polliceris te ad me scripturum sub Kal. Aprilis multo vberiores accidit mihi iucundissima. Epistolam tuam ad Ioachimū Basseuitium misi statim, ut iusseras: ipsum autem videram non multis ante diebus bene valentem. Missus enim fuerat ad principem nostræ reip. communi nomine vestrorum iuuenum, Senis honestarum artium perdiscendarum causa degentium, ut commoda quædam ab ipso impetrarent: quod negotium facile & ex sententia confecit. Ego vrgeo opus illud magnum, tibi notum: quod vereor, ne me pondere suo opprimat. Quotidie enim magis intelligo, non esse illud onus meorum humerorum: conabor tamen studio, & diligentia supplere, quod ingenium & doctrinā præstare uix potest. Tu me amato, exploratūque habeto, paucos esse mihi, ita uti tu es, caros: quod facio merito & amore tuo magno erga me officiisq; impulsus: dicerem coactus, nisi pronus valde essem erga

EPIST AD GERMAN. LIB. III. 12;  
honorem, & existimationem tuam, nec  
stimulo vlllo in hoc egerem. Vale Florén-  
tia. XV. Kalend. Iun. Anno M. D. LXX.

PETRUS VICTORIVS  
S. D. Joanni Caselio.

 Vm paucis antea diebus ad te  
litteras exarasse longiores,  
quibus tuis respondi, accepi ex  
epistola Basseuitii nostri, qui  
Venetiis nunc degit, ipsum ex  
Italia discedere, domumq; redire nunc vel-  
le. Quare committere non potui, quin rur-  
sus ad te scriberem: quod tamen sine tanta  
etiam occasione libenter facerem. Aspicere  
enim mihi te videor, quem valde amo, ac  
tecum familiariter loqui, cum ad te scribo.  
Certa autem de caussa factum est, ne ille in  
discessu hoc suo me salutarit, quam ab eo ac-  
cipies. Ipse quoque iusto hoc eius impedimē-  
to magna lætitia priuatus sum, quā cepisse  
ex aspectu ipsius. Scis enim quantopere ho-  
minem diligam, & quantopere ipsum di-  
gnum putem, quem omnes politi & docti vi-  
ri amplexetur. Tu igitur pro me diu istic fru-  
ere moribus & comitate ipsius. Nisi autē sci-  
rē te eum valde amare, auderē etiam tibi illū  
cōmendare, atq; id quidē de meliore nota: cō-  
gnosce-

gnoscerè autem hinc potes quantus sit amor meus erga illum. Nam quin auctoritas tua in istis locis plurimum ei prodesse possit, non dubito: utinam mea tanta apud vestros opulentos homines ac principes viros foret, gradus nullus honoris ei deeret: sed testimonio tuo, & gratia, qua flores apud illos, quod ego efficere non possum, facile præstabis: ipsius etiam industria doctrinaq; varia facile per se intelligetur, ac viam tibi aperiet ad honores, & non paruos gradus dignitatis. Quare de hoc non laborabo, neq; tibi aliquid oneris imponam, ut illum magis, quam facis ex vetere nostra consuetudine pristinoq; iudicio tuo erga illum, foveas & in manibus habeas. Vale Florentia Prid. Non. Nouemb. Anno M. D. LXX.

*PETRVS VICTORIVS*  
*S. D. Joanni Cratoni.*



Crispi ad te, vir optime meiq; amantissime, paucis antea diebus: cum tamen Ioachimus Bassenitius, cum quo mihi magna consuetudo fuit (vixit enim Florentiæ plures annos, dans operam  
 poli-



politioribus litteris) istac iter facturum sit, volui ipsi quoq; ad te litteras dare. Is autem te, si scire volueris, de omni statu meo certiorrem faciet. Sed etiam, cum idem Senis nostris diu manserit, iuris ciuilis perdiscendi studio inflammatus (putauit enim oportere se quoq; domum redire ornatum scientia hac utili magnopere vitæ ac rebus gerendis accommodata) de Nericio tuo multa narrare poterit. Fuit enim illic valde ipsi familiaris. Quod autem præter hæc multum valet, imprimisq; me impulit, vt tibi illum traderem, omnibus de rebus dignus est amicitia tua, cum sit probus iuuenis, suauissimisq; moribus præditus, & omni eleganti doctrina decoratus. Amabis igitur hominem, &, si qua re poteris, ipsum iuuabis: spero te ex congressu colloquioq; ipsius, voluptatis non parum capturum. Vale Florentia Prid. Non. Nouembr. M. D. LXX.

PETRVS VICTORIVS  
S. D. Ioanni Caselio.

Litteræ tuæ, IIX. Kalend. Septemb. Suerino datæ, fuerunt mihi valde iucundæ, vt ceteræ omnes tuæ. Expressisti  
namq;

namq; in illis animum tuum prouum erga me honoremq; meum mirum in modum: quod tamen non nunc primum fecisti: sed statim vt à nobis discesseris, vehementer in hanc curam incubuisti, totòq; pectore conatus es, quocunq; veneris, seruire laudi ac gloriæ meæ, & beneuolos aliquos mihi oratione tua prædicationeq; mearum laudum conciliare, in quo tamen vereor, ne valde peccaris, qui illa, si qua sunt in me laude digna, nimis extuleris, & modum nullum in me celebrando seruaris. Sed hoc totum proprium est tuæ probitatis & virtutis singularis. Magis enim φιλόφιλον, quàm te, cognoui adhuc neminem, nec facile arbitror inueniri posse, qui ad hanc laudem propius accedat. Laudem enim ipsam iudico, & eam quidem non paruam. Uerum de hoc nunc verbum amplius non addam. Sæpe namq; vt video, mihi occasionem præbebis tibi de hac tua incredibili humanitate, naturæq; bonitate gratias agendi, & noua quædam prædicandi. Audire quoq; de rebus tuis bonis crebro aliquid, amorèq;, quo te prosequitur princeps tuus, fuit mihi valde gratum, non minusq; lætor, commodis istis tuis, quàm si mihi illa ipsa obtigissent. Cum autem de virtute & liberalitate ducis Megap. à multis multa iam

ta iam pridem cognouerim; hoc quoq; mihi  
 non paruum signum est sapientiæ ipsius ac  
 iudicii singularis, quod operam dat, vt liberi  
 erudiantur, & honestis artibus diligenter  
 incumbant, tèque huic curæ præfecit, qui  
 egregiè, quod in hoc munere obeundo requi-  
 ritur, præstare potes: Quis enim nescit in  
 pueris instituendis teneraq; illa ætate expo-  
 lienda in primis necessariam esse doctoris  
 probitatem, deinde fidelem elegantemq; e-  
 ruditionē? quæ profecto in te non mediocria  
 sunt. Sed pollicitus sum supra me de tua lau-  
 de filere nunc velle. Quare ne tam cito ob-  
 litus id videar, reuertar ad principem tuum,  
 qui dum hoc curat, eodem tempore honori  
 filiorum prospicit, & vtilitati populorum,  
 quos regit. Cum enim ipse eos recte ordinēq;  
 gubernarit, cuius rei gerendæ, maximæ o-  
 mnium rerū, facultatem consecutus sit, non  
 parua ex parte, à doctrina scientia bonarum  
 artium, quæ ornatus est: videtur prudenter  
 benigneq; facere, atque iisdem consulere,  
 cum prouider, vt etiam postquam ipse lege  
 naturæ liberatus hoc onere fuerit, à suis,  
 præditis iisdē dotibus animi, custodiantur,  
 & quantū effici per ipsos poterit, beati red-  
 dantur. Cum igitur hæ tuæ partes nunc sint.  
 Suscepisti enim personā Phœnicis, qui à Pelco  
 patre

patre Achilli informando delectus est, ut redderet illum studio suo, *μὴ τῶν ῥηκτῆρα πρὸς τῆς ἑαυτοῦ ἔργων*. Cum, inquam, hæ tuæ partes sint, debes in hoc præclaro honestoque munere toto animo versari, & omnes cogitationes tuas consumere. Ego autem, etsi comper-  
tum habeo, te omnibus rebus abundare, quæ tanquam instrumenta sunt huius ædificii, magnificiq; operis, nec vllam in partē mea ope egere: tamen, si qua re potero tibi prodesse, ut semper cæteris in rebus sedulo feci, ita in hac quoq; tibi non deero, atq; id desiderio, quo flagro te ornandi. Tu igitur videbis, qua potissimum in re tibi utilis esse possim, laboremq; tuum minuere: atque omnem interim diligentiam adhibebis, nervosq; ingenii contēdes, ut onus, quod suscepisti, ad finem summa cum laude perducas. Vale Florentia V. Kalend.

IXbr. Anno M.

D. LXX.

PE.

EPIST. AD GERMAN. LIB. III. 129  
PETRVS VICTORIVS  
S. D. Ioanni Caselio.

**H**eri accepi epistolam tuam Caseli optime, mihiq; carissime, datam V. K. Sept. quæ me referre lætitia singulari. Amo enim te, & merito quidem amo, memoriaq; tui vehementer delector, quæ sine tuis etiam litteris numquam ex animo meo discedit. Cur enim non diligam. ( omitto virum doctum & scientia multarum rerum instructum ) tam probum virum tamq; meum amantem? amo igitur te tibiq; omnia bona opto, postquam tanto spacio terrarum seiunctus nihil efficere possum, quo te iuuem; & in hac re animo meo satisfaciam. Quæ certe à me proficisci possunt ad dotes animi tui celebrandas, multas & magnas, etsi præconio meo non eges, parata tibi semper erunt; nec vllam vnquam occasionem huius rei amittam. Te valere ac firmiore corpore esse, quam solebas, gaudeo: hortorq; vt summo studio valetudini seruias, quod facere nunc debes, non tantum salutis tuæ tuendæ causa, verum etiam lætitiae, quam inde capiet virgo, quam tibi delegisti sociam omnium  
I regum,

rerum, quæ in vita homini contingere possunt. Illa namq; ex imbecillitate tua, ne dicam grauius malum, quod inde necessario nasceretur, nisi curares valetudinem, plurimam acciperet molestiam. Debes autem contra, honesta omni ratione, qua potes gaudium ipsius ac voluptatem augere. Laudo vero iudicium tuum, qui post tot labores susceptos in perdiscendis ingenuis artibus, & tam multas longinquasq; terras peragratas, contuleris te in istum portum ac requierem. Ipse enim de matrimonio sic existimo, arbitrorq; hoc esse verum ac certum solatium vitæ, nisi aliquis in hac re infelix admodum fuerit. Nam qui sapit, ratione facile potest mederi incommodis nonnullis, quæ secum trahit hæc copula, comitanturq; plerunq; ingenio muliebri. Ego certe nullam umquam maiorem voluptatem sensi, quam ex officiis fidelibus vxoris, cum qua cum vixissem interuallo L. annorum, ereptam mihi morte ægre admodum tuli. Consilium nostri illius amici, quem non nominas in litteris tuis, significas tamen ita, vt me fallere non possit, quod sit ignoro, qui se conterat in tot regionibus contra commoda valetudinis suæ perlustrandis. Hoc enim facere possunt, qui non valens solum, sed vegetum etiam corpus

pus habent, quamuis omnis peregrinatio ex-  
posita sit multis & variis periculis, quod ego  
quoq, aliquando, cum meis magnis damnis,  
expertus sum. Sed de hoc homine scribet ad  
te quædam filius meus. Ego valeo & vrgeo  
opus illud, quod nosti, & iam pœne ad ex-  
itum ipsûm perduxî; qui assiduus meus la-  
bor causa est, vt infrequentius scribam ad  
amicos. Omne enim tempus, quod con-  
sumo in aliis litteris, videor mihi eripere  
huic institutæ scriptioni. Vale. Floren-  
tia IX. Kalend. decembris Anno M. D.  
LXXI.

PETRVS VICTORIVS  
S. D. Joanni Caselio.

**N**E valeam, mi Caseli, si quen-  
quâ diligo plus, quàm te. Quod  
autem rarius scribo, quàm sole-  
bam, noli putare fieri, quia me-  
us animus erga te vllam in par-  
tem immutatus sit. Neq; enim verum id est,  
nec effici vlllo pacto potest. Postquam enim  
te semel amare cœpi, quod feci iustis de-

causis: impulsus inquam beneuolentia non parua tua in me, & commendatione eruditionis, & ingenii tui, dum viuam in eadem voluntate permanebo: etsi magnis interuallis locorum seiuncti sumus. Sed hoc etiam tantam vim non habet, vt penitus frangat amicitias: praesertim, quæ solidas, ac firmas radices habent. Veniet autem, vt spero, tempus, cum hac quoq; in re tibi satisfaciam, & crebras ad te litteras mittam. Semper enim secum aliquid afferent, quod ad honesta studia, reconditamq; doctrinam pertineat. Cur autem hoc tempore id non faciam, arbitror tibi notum esse. Urgeo enim opus illud magnum, quod suscepi, fortasse non satis prudenter, totoq; animo in eo occupatus sum. Aetas autem grauis me admonet, vt properem. Quare omnis hora, quæ mihi eripitur, existimatur à me tardare illam curam. Quibus præterea premar quotidianis occupationibus non te fallit. Malo enim ita ipsas appellare, quàm labores. Hæc igitur cuncta verè, fideliterq; prolata, me tibi purgabunt, eiicientq; è pectore tuo suspicionem omnem, si qua forte eò irrepsit, ne minus id ego negligentia, aut imminutione aliqua amoris præstiterim. Te autem valere, & erudiendis maxime




me illustribus, atq; optimis pueris operam  
 nauare, libenter audiui: quos spero studio,  
 & diligentia tua expolitos, tales euasuros,  
 vt plane respondeant honestæ tuæ, elegan-  
 tiq; disciplinæ, & origini claræ, sanguiniq;  
 prudentissimi patris. Vale. Florentia.  
 Prid. Non. Mart. Anno M. D. LXXIV.

PETRVS VICTORIVS  
*S. D. Ioanni Caselio.*

**N**actus occasionem satis bonam  
 mittendi orationem, quam su-  
 perioribus diebus habui in fu-  
 nere magni nostri ducis, amit-  
 tere eam nolui. Leges igitur  
 ipsam, cum tibi commodum erit, atq; eo-  
 dem animo leges, quo cetëra mea scripta  
 semper legisti, id est beneuolo, & non val-  
 de exquisito, neq; acri iudicio. Nosti enim  
 ætatem meam, & multas, variasq; occupa-  
 tiones, quibus quotidie distineor, & publi-  
 cis, & priuatis: breuitas etiam temporis im-  
 pedimento mihi fuit, ne possem tam gran-  
 de argumentum pro dignitate tractare. Se-  
 ro enim huic tristi muneri obeundo delectu-  
 sum.

ſū ſed hæc leuia, & indigna amicitia noſtra. Illud ſcio gaudebis, me valere, & toto animo incumbere in noſtra ſtudia litterarum. Neq; enim adhuc ſenectus, etſi grauis, ita mihi moleſta eſt, vt cogar penitus Muſis nuncium remittere. Tu quoq; valebis, & me diliges. Hæc ſubito ſcripſi, quia, cui daturus epistolam eram, properabat. Florentia Idib. Quinctil. M. D. LXXIII.

PETRVS VICTORIVS.  
S. D. Thomæ Hubnero

 T oratione & litteris honeſtorum virorum iam pridem cognouite probum virum eſſe, & ſtudioſum amicorum. Quare te diligere cæpi, ac merito quidē. Hi namq; mortales præcipuè mihi digni videntur, quos omnes caros habeant, qui moribus his præditi ſunt: & quia paruus ſemper numerus horum fuit, & quia natura hæc ſua ſponte digna eſt, quæ ametur. Acceſſit his tuis animi dotibus eruditio elegans & recondita, quæ mihi in omni homine placeat; inprimis autem delectat, cum honeſta  
vita

vita juncta. Hæc igitur primum fuerunt initia amoris mei magni erga te. Deinde non defuerunt officia quædam, quæ valde me ceperunt, vt quod proxime fecisti. Miffa enim eft ad me à Ioanne Cratone imago mea profecta à te, illa quidem eximie facta, & à bono opifice expreffa: qui tamen in meliore argumento fummum ingenium fuum exercere debuit: fed nolo hoc reprehendere, cum à uobis nimis magnis mei amatoribus, exortum fit: in quo etiam partes aliquas fuiſſe puto, Ioachimi Friderici, regis tui, optimi & doctiffimi adoleſcentis, quem tu omni liberali arte perpoliſti, reddidiſtiq; , ceu Phœnix ille Achillem, teſtimonio ſummi poëtæ fertur, oratorem verborum & actorem rerum. Quod facilius credo, quia vetera ipſius in me egregiæ voluntatis monimenta apud me ſunt. Illa enim ſeruo, vt decet, diligenter, cum omni domui meæ futura ſint indicia non parua alicuius meæ virtutis, poſtquam in amicitiam & fidem receptus ſum illuſtriſſimæ familiæ, & quæ ſemper viros, aliqua laude commendatos, fouit & humaniter amplexa eſt. Sed hæc ego cogito clariore præconio aliquando peruulgare. Neq; enim exigua hæc pagina capit am-

amplissimæ & clarissimæ domus splendorem ac gloriam, atq; hoc fortasse non longe ab hoc tempore à me fiet. Tu vero me te amare, & in oculis ferre compertum habebis. Vale. Florentia. Prid. Id.  
Xb. M. D. LXXV.

*Finis Epistolarum Petri  
Victorij.*



*Sequi-*



# SEQUITVR ELO- GIUM

## PETRI VICTORII

**P**ETRVS VICTORIVS, Flo-  
rentie, oppido Hetruriae primo & no-  
bilissimo, nobili loco natus fuit: cuius  
maiores à multis saculis primos etiam  
honores in patria republica gesserunt:  
patrimonium habuit, suisq; reliquit mediocre, inq; eo  
prædium suburbanum, & aliquot præterea in agro San-  
cassianensi X. M. P. ab vrbe, via Romana. Pater ipsum  
IACOBVS à puero erudiri bonis litteris iusserat,  
vt adolescens vtramq; linguam, & omnium ingenua-  
rum disciplinarum prima rudimenta, & domi & in pa-  
tria academia feliciter didicerit: sed jis fundamentis  
iactis potissimum Pisas profectus, se ad studium Physicum  
contulit, vt hoc viatico instructus nobilissima arti medi-  
ca se dederet. Sic enim patri, sic amicis placuerat, qui-  
bus statim reluctari nefas esse ducebat. Verum ille iu-  
uenis studio sapientiae & arte militari magis delectaba-  
tur. Itaq; nec suis repugnantibus, iter longè gentium  
suscepit, militiae, an peregrinationis gratia? nec ia-

men ita multos annos abfuit, rebus domesticis ipsius praesentiam desiderantibus. Reuersus nihil habuit antiquius, quam ut aliquantulum intermissa studia optimarum artium recoleret, & animum ab omni parte excoleret. In quo cum totus esset, omnes ille bonos scriptores & Græcos & Latinos, poëtas, oratores, historicos, philosophos sic manibus tractare & animo considerare cepit, & in eo perstitit, quoad vixit, ut non legisse vnumquëq; eorum, sed perdidicisse videretur. Cum vero maturè uxorem duxisset, quicum ad annos quinquaginta vixit coniunctissimè; non ille ita rei familiari studuit, ut non potius bonis litteris studeret, & illam hisce posthabere à multis, quod & res erat, crederetur. In ijs cum sic esset, ut non iam scientia se augetet, quàm virtutibus, ad docendum arcessitus fuit, qui optimè optimis doctrinis animos iuuentutis imbueret, cum auditoribus exemplo esset, ac veluti dux ad virtutem optimus praeiret. Nec vero tanti ciuis institutione contenta patria fuit, sed eiusdem quoque consilio se egere intelligens, quamquam occupatissimum otio litterario, allegit in senatum. Itaque omnibus honoribus, etiam primis, ad quos ciui aditus pateret, summa cum laude perfunctus fuit: & viroque tempore se ita gessit, praesertim hoc posteriore, ut non rerum nouarum, aut libertatis periculose siue noxae, sed salutis publicae appareret sitientissimus: quae non prorsus videretur in discrimen adducta, cum legum idem esset valor, qui antè, etiamsi rerum summa ad vnum peruenisset. Itaque & ciuibus &

COSMO FRANCISCOq; Magnis Hetruria  
duci.

ducibus, fuit carissimus. Atq; verè magna animo molitus, non arbitrabatur se muneri suo satisfacere, nisi & in longinquas terras sue doctrinae torrentes ex ingenij vberissimis fontibus derivassei: sibi certe aliter non satisfacerebat. Hoc igitur ipsum præstitit, primum utriusq; linguæ optimorum scriptorum emendatione, ut plurimum è libris manuscriptis, quorū copia ipsi erat & potestas facta ex bibliotheca Medicæ, raro ex ingenio, nisi vestigia pene certa, vel rationes firmissimæ essent. Hæc occasione conscripsit libros variarum lectionum plures, quorum lectio non solum ad linguas cognoscendas, sed etiam ad formandum iudicium, & ad animum moribus consiliisq; erudiendum, plurimum mihi videtur facere: præterquàm quod hæ sunt animi non fastidiendæ diliciæ. Atq; ita, patrum & nostra ætate, VICTORII potissimum, etsi non prorsus nouo, exemplo, similes libros confecerunt alij, qui ferè hoc ipsum solum profiterentur, cum ille hanc operam & ἡγεῖν τοῦτ' habuisset. Si quem taxaret, id fecit citra cuiusquā contumeliam, nec acerbè. Ubi intellexit aliorum aculeatas in se reprehensiones; aut dissimulauit, aut rationibus respondit: ut virum grauem, eundemq; nobilem, & philosophum decebat. Alium est, quod lucè addidit passim illis, quos edidit, tum Aristoteli maxime: ad quem intelligendum facem prætulisse etiam visus fuit censoribus minus æquis. Iustis enim commentarijs illustrauit & Demetrii libellum aureum de elocutione, & Aristotelis primum libros III. de arte dicendi, & vnum eiusdem de arte poetarum, & longo intervallo post IIX. libros de republica: eiusdem deniq; X.

de vita & moribus. Sed neq, VICTORIVS passus fuit suam operam desiderari à iurisperitis, neq, à theologis, neque à mathematicis. Namq, Lelio Torello eximio I. C. præstò fuit in editione Pandectarum: & ipse magnis laboribus edidit Clementem Alexandrinum: neq, nullos exhausit in editione Hipparchi. Ita meritis de litteris, siue de genere mortalium, omnium admirationem & prædicationem sibi facile comparauit: Colebaturq, iam non solum ab Italis, sed etiam à Transalpinis gentibus. Tanta erat hominis fama ubiq, terrarum, & auctoritas, ut multi, qui Florentiam videre ob elegantiam & magnificentiam viarum, & tum priuatorum, tum publicorum adificiorum cuperent, magis ipsum cuperent videre Victorium, tamquam patriæ clarissimum sidus. Inprimis eum Germani suspiciebant, quem intelligerent videlicet docere litteras, non ad utilitatem suam aut gloriam, sed ad amplissimos vsus humane vite: nec eorum pauci plures etiam menses, vel aliquot annos, vnius solius Victorij cognoscendi & audiendi gratia in loco constiterunt. Ipse contrà amabat familiares suos, à quibus sic obseruabatur, & quibus rebus poterat, ornabat: neq, tantum popularibus studebat: sed in vniuersum Germanos magni faciebat, ut fortes, veraces, constantes, & ipsius virtutis cultores in ceteris gentibus maximos. Ac talis omnino ipse erat, qui, quod de Amphiarao Græcus poëta scripsit, à spectatoribus de Aristide intellectum, & Latini homines de Catone vsurpabant, NON VIDERI, SED ES-



SE BONVS VELLE. Corpore erat autem natura quidem ille firmo: sed tamen & ipse rationem habebat valetudinis, eamq<sub>3</sub> facile tutatus fuit perpetua temperantia, & exercitijs mediocribus quotidianis: atq<sub>3</sub> id ad senectam vsq<sub>3</sub>. Namq<sub>3</sub> cum anno suo quarto & sexagesimo, ischiatica laboraret, primum arcessiuit medicum, ut ipse mihi tum narrauit. Ac licet grauitur ab illo morbo tentaretur, atq<sub>3</sub> ut fit, incuruaretur, tamen docendi officium non intermittebat: cumq<sub>3</sub> se paucis diebus collegisset, ad ambulationes redijt: in quibus cum vno alteroue familiarium, aut etiam pluribus, Socraticum in modum, de rebus ad mores & cultum ingenij pertinentibus sermonem habebat, non Etrusci, neq<sub>3</sub> Attici expertem salis. Sæpe etiam hospitibus operam dabat, ijs præsertim, qui procul aduenientes ab amicis litteras attulissent. Sic vitam ille perpetuò agebat, etiam in postremum vitæ suæ annum, siue diem. Neq<sub>3</sub> enim multis antè mensibus, & meditabatur, & docebat, & legebat, & scribebat, eaq<sub>3</sub> parabat, quæ in publicam vtilitatem ederet: atq<sub>3</sub> ita in medio cursu, non violentia morborum, nec grauitate laborum, sed annis exhaustus cum maximo luctu suorum ciuium & omnium eruditorum bonorumq<sub>3</sub> virorum, quotquot sunt, decessit: VI. id. superioris decembris, cum vixisset annos octuaginta sex, menses quinq<sub>3</sub>, dies sex. Reliquit filium vnum IACOBVM, & vnum è filio nepotem FRANCISCVM, viros doctissimos, illum senatorem, hunc iurisconsultum.

Corpus

Corpus autem tanti viri delatum fuit per pontem novum, Cosmi appellatum, à duce Cosmo, in adem Sancti spiritus, ibiq; in monumenta maiorum conditum. Ibi in nobilissimus fortissimusq; eques PETRVM VICTORIVM laudavit oratione Etrusca, Latina Franciscus Bocchini, cum admiratione summaq; approbatione civium.




ΕΠΙΣΤΟΛÆ  
 IO ANNIS CA  
 SELII.

Ad Principes, Nobiles, & Amicos scriptæ.

EBERHARDO EPISCO-  
 po Lubecensi S. D.

IOANNES CASELIVS.

 Emper ego te plu-  
 rimi feci, Eberharde  
 præsulquod princeps sū  
 mis honoribus perfun-  
 gens, & humanissimè  
 te geris, erga cuiusvis  
 loci bonos viros, &  
 passim multos benefi-  
 cijs auges, in quibus nota virtutis aliqua,  
 aut nonnihil litterarum elucescat. Hæc  
 tamen minus in te miratus sum: quem à na-  
 tura ad omnia summa factum, ipsæ Musæ ab  
 ultima infantia omni liberali doctrina ele-  
 gantissimè expolierunt, & perfecerunt sapi-  
 entia, tam illa recondita, quàm altera valde  
 K accom-

rerum, quæ in vita homini contingere possunt. Illa namq; ex imbecillitate tua, ne dicam grauius malum, quod inde necessario nasceretur, nisi curares valetudinem, plurimam acciperet molestiam. Debes autem contra, honesta omni ratione, qua potes gaudium ipsius ac voluptatem augere. Laudo vero iudicium tuum, qui post tot labores susceptos in perdiscendis ingenuis artibus, & tam multas longinquasq; terras peragratas, contuleris te in istum portum ac requiem. Ipse enim de matrimonio sic existimo, arbitrorq; hoc esse verum ac certum solatium vitæ, nisi aliquis in hac re infelix admodum fuerit. Nam qui sapit, ratione facile potest mederi incommodis nonnullis, quæ secum trahit hæc copula, comitanturq; plerunq; ingenio muliebri. Ego certe nullam umquam maiorem voluptatem sensi, quam ex officiis fidelibus vxoris, cum qua cum vixissem interuallo L. annorum, ereptam mihi morte ægre admodum tuli. Consilium nostri illius amici, quem non nominas in litteris tuis, significas tamen ita, vt me fallere non possit, quod sit ignoro, qui se conterat in tot regionibus contra commoda valetudinis suæ perlustrandis. Hoc enim facere possunt, qui non valens solum, sed vegetum etiam corpus

pus habent, quamuis omnis peregrinatio ex-  
posita sit multis & variis periculis, quod ego  
quoq, aliquando, cum meis magnis damnis,  
expertus sum. Sed de hoc homine scriber ad  
te quædam filius meus. Ego valeo & vrgeo  
opus illud, quod nosti, & iam pœne ad ex-  
itum ipsum perduxî; qui assiduus meus la-  
bor causa est, vt infrequentius scribam ad  
amicos. Omne enim tempus, quod con-  
sumo in aliis litteris, videor mihi eripere  
huic institutæ scriptioni. Vale. Floren-  
tia IX. Kalend. decembris Anno M. D.  
LXXI.

PETRVS VICTORIVS  
S. D. Joanni Caselio.



E valeam, mi Caseli, si quen-  
quâ diligo plus, quàm te. Quod  
autem rarius scribo, quàm sole-  
bam, noli putare fieri, quia me-  
us animus erga te vllam in par-  
tem immutatus sit. Neq; enim verum id est,  
nec effici vlllo pacto poteit. Postquam enim  
te semel amare cæpi, quod feci iustis de-

causis: impulsus inquam beneuolentia non parua tua in me, & commendatione eruditionis, & ingenii tui, dum viuam in eadem voluntate permanebo: etsi magnis interuallis locorum seiuncti sumus. Sed hoc etiam tantam vim non habet, vt penitus frangat amicitias: præsertim, quæ solidas, ac firmas radices habent. Veniet autem, vt spero, tempus, cum hac quoq; in re tibi satisfaciam, & crebras ad te litteras mittam. Semper enim secum aliquid afferent, quod ad honesta studia, reconditamq; doctrinam pertineat. Cur autem hoc tempore id non faciam, arbitror tibi notum esse. Urgeo enim opus illud magnum, quod suscepi, fortasse non satis prudenter, totoq; animo in eo occupatus sum. Ætas autem grauis me admonet, vt properem. Quare omnis hora, quæ mihi eripitur, existimatur à me tardare illam curam. Quibus præterea premar quotidianis occupationibus non te fallit. Malo enim ita ipsas appellare, quàm labores. Hæc igitur cuncta verè, fideliterq; prolata, me tibi purgabunt, eicientq; è pectore tuo suspicionem omnem, si qua forte eò irrepsit, ne minus id ego negligentia, aut imminutione aliqua amoris præstiterim. Te autem valere, & erudiendis maxi-

me


me illustribus, atq; optimis pueris operam  
 nauare, libenter audiui: quos spero studio,  
 & diligentia tua expolitos, tales euasuros,  
 vt plane respondeant honestæ tuæ, elegan-  
 tiq; disciplinæ, & origini claræ, sanguiniq;  
 prudentissimi patris. Vale. Florentia.  
 Prid. Non. Mart. Anno M. D. LXXIV.

PETRVS VICTORIVS  
*S. D. Ioanni Caselio.*

**N**actus occasionem satis bonam  
 mittendi orationem, quam su-  
 perioribus diebus habui in fu-  
 nere magni nostri ducis, amit-  
 tere eam nolui. Leges igitur  
 ipsam, cum tibi commodum erit, atq; eo-  
 dem animo leges, quo cetëra mea scripta  
 semper legisti, id est beneuolo, & non val-  
 de exquisito, neq; acri iudicio. Nosti enim  
 ætatem meam, & multas, variasq; occupa-  
 tiones, quibus quotidie distineor, & publi-  
 cis, & priuatis: breuitas etiam temporis im-  
 pedimento mihi fuit, ne possem tam gran-  
 de argumentum pro dignitate tractare. Se-  
 ro enim huic tristi muneri obeundo delectur-  
 sum.

ſū ſed hæc leuia, & indigna amicitia noſtra. Illud ſcio gaudebis, me valere, & toto animo incumbere in noſtra ſtudia litterarum. Neq; enim adhuc ſenectus, etſi grauis, ita mihi moleſta eſt, vt cogar penitus Muſis nuncium remittere. Tu quoq; valebis, & me diliges. Hæc ſubito ſcripſi, quia, cui daturus epiſtolam eram, properabat. Florentia Idib. Quinctil. M. D. LXXIII.

PETRVS VICTORIVS.  
S. D. Thomæ Hubnero

 T oratione & litteris honeſtorum virorum iam pridem cognoui te probum virum eſſe, & ſtudioſum amicorum. Quare te diligere cæpi, ac merito quidẽ. Hi namq; mortales præcipuè mihi digni videntur, quos omnes caros habeant, qui moribus his præditi ſunt: & quia paruus ſemper numerus horum fuit, & quia natura hæc ſua ſponte digna eſt, quæ ametur. Accessit his tuis animi dotibus eruditio elegans & recondita, quæ mihi in omni homine placet; inprimis autem delectat, cum honeſta  
vita



vita juncta. Hæc igitur primum fuerunt initia amoris mei magni erga te. Deinde non defuerunt officia quædam, quæ valde me ceperunt, vt quod proxime fecisti. Missa enim est ad me à Ioanne Cratone imago mea profecta à te, illa quidem eximie facta, & à bono opifice expressa: qui tamen in meliore argumento summum ingenium suum exercere debuit: sed nolo hoc reprehendere, cum à uobis nimis magnis mei amatoribus, exortum sit: in quo etiam partes aliquas fuisse puto, Ioachimi Friderici, regis tui, optimi & doctissimi adolescentis, quem tu omni liberali arte perpolisti, reddidistiq; , ceu Phoenix ille Achillem, testimonio summi poetæ fertur, oratorem verborum & actorem rerum. Quod facilius credo, quia vetera ipsius in me egregiæ voluntatis monimenta apud me sunt. Illa enim seruo, vt decet, diligenter, cum omni domui meæ futura sint indicia non parua alicuius meæ virtutis, postquam in amicitiam & fidem receptus sum illustrissimæ familiæ, & quæ semper viros, aliqua laude commendatos, fouit & humaniter amplexa est. Sed hæc ego cogito clariore præconio aliquando peruulgare. Neq; enim exigua hæc pagina capit am-

amplissimæ & clarissimæ domus splendorem ac gloriam, atq; hoc fortasse non longe ab hoc tempore à me fiet. Tu vero me te amare, & in oculis ferre compertum habebis. Vale. Florentia. Prid. Id. Xb. M. D. LXXV.

*Finis Epistolarum Petri  
Victorij.*



*Sequi-*



SEQUITUR ELOGIUM

PETRI VICTORII

**P**ETRVS VICTORIVS, Florentie, oppido Heurruria primo & nobilissimo, nobili loco natus fuit: cuius maiores à multis sæculis primos etiam honores in patria republica gesserunt: patrimonium habuit, suisq; reliquit mediocre, inq; eo prædium suburbanum, & aliquot præterea in agro Sanctassianensi X. M. P. ab vrbe, via Romana. Pater ipsum IACOBVS à puero erudiri bonis litteris iusserat, vt adolescens vtramq; linguam, & omnium ingenuearum disciplinarum prima rudimenta, & domi & in patria academia feliciter didicerit: sed jis fundamentis iactis potissimum Pisas profectus, se ad studium Physicum contulit, vt hoc viatico instructus nobilissima arti medica se dederet. Sic enim patri, sic amicis placuerat, quibus statim reluctari nefas esse ducebat. Verum ille iuuenis studio sapientiæ & arte militari magis delectabatur. Itaq; nec suis repugnantibus, iter longè gentium suscepit, militiæne, an peregrinationis gratia? nec ia-

men ita multos annos absuit, rebus domesticis ipsius praesentiam desiderantibus. Reuersus nihil habuit antiquius, quam ut aliquantulum intermissa studia optimarum artium recoleret, & animum ab omni parte expoliret. In quo cum totus esset, omnes ille bonos scriptores & Græcos & Latinos, poëtas, oratores, historicos, philosophos sic manibus tractare & animo considerare cepit, & in eo perstinit, quoad vixit, ut non legisse vnumquëq; eorum, sed perdidicisse videretur. Cum vero maturè uxorem duxisset, quicum ad annos quinquaginta vixit coniunctissimè; non ille ita rei familiari studuit, ut non potius bonis litteris studeret, & illam hisce posthabere à multis, quod & res erat, crederetur. In ijs cum sic esset, ut non tam scientia se augetet, quàm virtutibus, ad docendum arcessitus fuit, qui optimè optimis doctrinis animos iuuentutis imbueret, cum auditoribus exemplo esset, ac veluti dux ad virtutem optimus praeiret. Nec vero tanti ciuis institutione contenta patria fuit, sed eiusdem quoq; consilio se egere intelligens, quamquàm occupatissimum otio litterario, allegit in senatum. Itaq; omnibus honoribus, etiam primis, ad quos ciui aditus pateret, summa cū laude perfunctus fuit: & viroq; tempore se ita gessit, praesertim hoc posteriore, ut non rerum nouarum, aut libertatis periculose siue noxae, sed salutis publicae appareret suuentissimus: quae non prorsus videretur in discrimē adducta, cum legum idem esset valor, qui antè, etiamsi rerum summa ad vnum peruenisset. Itaq; & ciuibus &

COSMO FRANCISCOq; Magnis Hetruria  
duci.

ducibus, fuit carissimus. Atq; verè magna animo molitus, non arbitrabatur se muneri suo satisfacere, nisi & in longinquas terras sue doctrinae torrentes ex ingenij vberissimis fontibus deriuasset: sibi certe aliter non satisfaciebat. Hoc igitur ipsum prastitit, primum vtriusq; linguæ optimorum scriptorum emendatione, ut plurimum è libris manuscriptis, quorū copia ipsi erat & potestas facta ex bibliotheca Medicæ, raro ex ingenio, nisi vestigia pene certa, vel rationes firmissimæ essent. Hæc occasione conscripsit libros variarum lectionum plures, quorum lectio non solum ad linguas cognoscendas, sed etiam ad formandum iudicium, & ad animum moribus consiliisq; erudiendum, plurimum mihi videtur facere: præterquā quod hæ sunt animi non fastidiendæ diliciæ. Atq; ita, patrum & nostra ætate, VICTORII potissimum, etsi non prorsus nouo, exemplo, similes libros confecerunt alij, qui serè hoc ipsum solum profiterentur, cum ille hanc operam & πῶς γοῦν habuisset. Si quem taxaret, id fecit citra cuiusquā contumeliam, nec acerbè. Ubi intellexit aliorum aculeatas in se reprehensiones; aut dissimulauit, aut rationibus respondit: ut virum grauem, eundemq; nobilem, & philosophum decebat. Alterum est, quod lucē addidit passim illis, quos edidit, tum Aristoteli maxime: ad quem intelligendum faciem prætulisse etiam visus fuit censoribus minus æquis. Iustis enim commentarijs illustrauit & Demetrii libellum aureum de elocutione, & Aristotelis primum libros III. de arte dicendi, & vnum eiusdem de arte poetarum, & longo interuallo post IIX. libros de republica: eiusdem deniq; X.

de vita & moribus. Sed neq, VICTORIVS passus fuit suam operam desiderari à iurisconsultis, neq, à theologis, neque à mathematicis. Namq, Lelio Torello eximio I. C. præstò fuit in editione Pandectarum: & ipse magnis laboribus edidit Clementem Alexandrinum: neq, nullos exhaustit in editione Hipparchi. Ita meritis de litteris, siue de genere mortalium, omnium admirationem & predicationem sibi facile comparauit: Colebaturq, iam non solum ab Italis, sed etiam à Transalpinis gentibus. Tanta erat hominis fama vbiq, terrarum, & auctoritas, vt multi, qui Florentiam videre ob elegantiam & magnificentiam viarum, & tum priuatorum, tum publicorum edificiorum cuperent, magis ipsum cuperent videre Victorium, tamquam patriæ clarissimum sidus. Inprimis eum Germani suspiciebant, quem intelligerent videlicet docere litteras, non ad utilitatem suam aut gloriam, sed ad amplissimos vsus humanæ vitæ: nec eorum pauci plures etiam menses, vel aliquot annos, vnius solius Victorij cognoscendi & audiendi gratia in loco constiterunt. Ipse contrà amabat familiares suos, à quibus sic obseruabatur, & quibus rebus poterat, ornabat: neq, tantum popularibus studebat: sed in vniuersum Germanos magni faciebat, vt fortes, veraces, constantes, & ipsius virtutis cultores in ceteris gentibus maximos. Ac talis omnino ipse erat, qui, quod de Amphiarao Græcus poëta scripsit, à spectatoribus de Aristide intellectum, & Latini homines de Catone vsurpabant, NON VIDERI, SED ES-

**SE BONVS VELLE**T. Corpore erat autem natura quidem ille firmo: sed tamen & ipse rationem habebat valetudinis, eamq<sub>3</sub> facile iutatus fuit perpetua temperantia, & exercitijs mediocribus quotidianis: atq<sub>3</sub> id ad senectam vsq<sub>3</sub>. Namq<sub>3</sub> cum anno suo quarto & sexagesimo, ischiatica laboraret, primum arcessiuit medicum, ut ipse mihi tum narrauit. Ac licet grauitur ab illo morbo tentaretur, atq<sub>3</sub> ut sit, incuruaretur, tamen docendi officium non intermittebat: cumq<sub>3</sub> se paucis diebus collegisset, ad ambulationes redijt: in quibus cum vno alteroue familiarium, aut etiam pluribus, Socraticum in modum, de rebus ad mores & cultum ingenij pertinentibus sermonem habebat, non Etrusci, neq<sub>3</sub> Attici expertem salis. Sæpe etiam hospitibus operam dabat, ijs præsertim, qui procul aduenientes ab amicis litteras attulissent. Sic vitam ille perpetuò agebat, etiam in postremum vite sue annum, siue diem. Neq<sub>3</sub> enim multis antè mensibus, & meditabatur, & docebat, & legebat, & scribebat, eaq<sub>3</sub> parabat, quæ in publicam vtilitatem ederet: atq<sub>3</sub> ita in medio cursu, non violentia morborum, nec grauitate laborum, sed annis exhaustus cum maximo luctu suorum ciuium & omnium eruditorum bonorumq<sub>3</sub> virorum, quotquot sunt, decessit: VI. id. superioris decembris, cum vixisset annos octuaginta sex, menses quinq<sub>3</sub>, dies sex. Reliquit filium vnum IACOBVM, & vnum è filio nepotem FRANCISCVM, viros doctissimos, illum senatorem, hunc iurisconsultum.


Corpus

ΕΠΙΣΤΟΛÆ  
IO ANNIS CA-  
SELII.

Ad Principes, Nobiles, & Amicos scriptæ.

EBERHARDO EPISCO-  
po Lubecensi S. D.

IOANNES CASELIVS.

 Emper ego te plu-  
rimi feci, Eberharde  
præsulquod princeps sū-  
mis honoribus perfun-  
gens, & humanissimè  
te geris, erga cuiusvis  
loci bonos viros, &  
passim multos benefi-  
cijs auges, in quibus nota virtutis aliqua,  
aut nonnihil litterarum elucescat. Hæc  
tamen minus in te miratus sum: quem à na-  
tura ad omnia summa factum, ipsæ Musæ ab  
ultima infantia omni liberali doctrina ele-  
gantissimè expolierunt, & perfecerunt sapi-  
entia, tam illa recondita, quàm altera valdè  
K accom-



accommodata & necessaria ad vitam hanc mortalem priuatim & publicè rectè colendam, maximisq; virtutibus. Hæc enim profecto vis est bonarum litterarum, ut sui cultores efficiant humanissimos: & quidem appellatione humanitatis significari & simul comprehendere arbitror, animi integritatē, cogitationes præclaras, morū suauitatem, facta illustria, officia, & studia, quæ natura debemus societati mortaliū, & in hac ciuili consuetudine nos proximè attingentibus, qui sunt non solū consanguinei, sed ipsæ addicti sapientiæ & virtutum studijs. Tantum autem principem, id est, ut comprehendam omnia, humanissimum, cum aliis intelligentissimis & optimis viris semper plurimi feci, & apud familiares meos, ubi sine adulatione hoc rectissimè fieret, & ipse prædicaui & ab illis audiui mirifice prædicari. Nunc verò postquā munus ad me misisti, ex eo genere munerū, quæ solent esse singularis & propensissimæ voluntatis signa certissima; mearum esse partium putaui, ut per epistolā tibi gratias agerem. Volo enim, ut velle debeo, te intelligere, & sic de me statuere, munus tuū mihi esse gratissimū, meq; id habiturū in preciosissimis quæ græci homines *κεφάλαια* vocabāt; sed beneuolentiā, quam non solum illo ipso, mihi ostendere non dubitasti, sed etiam aliqua litterarum

terarum tuarum parte benignissime nunciari iussisti, multo gratiorem, & in cæteris, quæ hoc tempore mihi evenire poterunt, longè optatissimam. Gaudeo verò causas tibi fuisse mei amandi, quas ais, mea in Ioannē Fridericū, ducis Othonis filium, quæ ut ex ipsa video, habes in carissimis, siue merita, siue studia & bonorū de me predicationes. Has quoad viam tibi probabo, & perpetua in te observantia confirmabo. Quæ verò præstiterim illustri illi adolescenti, non ita multis mensibus, exigua sunt, fateor: ego vero, si eodem loco essem, non desisterem omni honesta ratione, & in primis liberali communicatione omnis ingenuæ doctrinæ cum arctissimè mihi devincire: sed cōperisse te iam puro, duci nostro aliter visum fuisse: cuius iudicio adversari meum non est, & profecto ipsi jam multo plus debeo, qui ab hac molestia incredibili benignè mihi reditū ad otiiū pristinū concedat, ubi si minus est opum siue splendoris, cum tamē illarū spes plerumq; huius species semper homines fallat; plurimum est certe quietis & tranquillitatis animi. Profecto autē quæ in nobismetipsis sunt bona, meliora & firmitiora ijs sūt, quæ extrinsecus adsciscuntur, & propterea magis expectēda: quod si aliis aliter, mihi tamē sis, & re-  
quæ opinor affectuētib. intelligētissimis videtur

Iam si à me quid in hoc vitæ genere, quod secutus à puero fueram, iterum constituto, proficisci possit, quod ad te ornandum, etsi in te ipso ornamenta sunt, faciat, aut mea tibi quacunq; opera, in hac fortunæ meæ tenuitate, tibi quam inferuire; & sponte mea faciam omnia, & nouo beneficio me à te cumulatum putabo, cum aliquid mihi mandabis: quod ut facias, te etiam atque etiam rogo. cupio enim me tibi probare quā gratissimū, & susceptam in me beneuolentiam summa religione conseruare. Vtrumq; me certè consecuturum puto, etiamsi neq; tu mihi quicquam imperes, aut ego tuæ amplissimæ dignitati singulariter nihil præstem. Nam qua re te maximè delectari intelligo, colam studia litterarum, & semper aliquid memoria dignum conficiam, & iuventutem litteris ad rectè sapiendum & viuendum, sedulo informabo, & perpoliam quantum in me erit, si modo sint, qui me sequi velint: idque faciam, non spectans præmia, quæ cum maximè debeantur, persoluntur minimè, quod & hoc negligatur publicè, & qui liberos suos ad nos mittunt, vix ipsos alant, nedum nobis aliquid persoluant gratiæ, sed faciam quod dixi, ipsa publicæ utilitatis cupiditate & recti conscientia inci-

ratus, confirmatus vero etiam tua tuiq; simili approbatione. Vale. præsul amplissime, & quem sponte tua adsciuiſti in numerum tuorum ante nec opinantem, me hoc jam nunc planè sperantem in tuis benigne conserua. Suerino Prid. Kalend. Octob. Anno M. D. LXXIV.


EBERHARDO EPISCO-  
po Lubecensi. S. D. Joannes  
Caselius.




Um tute prior Eberharde præsul, satis luculento signo mihi tuam in me beneuolentiam ostenderis; non dubitauit tibi literis gratias agere, meamq; in te obseruantiam testatam facere. Quam audaciam meam, nisi fortè huic facto honestius nomen deberi existimandum est, tibi non improbari arbitror: immo sic mihi de tua humanitate persuadeo, si opus sit, facilè te mihi veniam daturum. Eam ut mihi des iterum te interpellanti rogandus modo es. Scripsi autem nunc eo, ut ad te mitterem orationem, in funere ducis Iohannis Alberti à me habitam, quam & à te requiri putauit. Scio enim

quanta fuerit inter vos necessitudo, & animorum perpetua coniunctio: id quod minus miror, cum multis rebus fueritis simillimi. De te non dicam ad te, cuius litteras, humanitatem & beneficentiam celebrabunt alii, vel etiam, suo loco, ne si id hic aggrediar, in suspicionem adulationis me coniciam: ducis Ioannis Alberti studium erga litteras & litteris præditos, bonitas, & munifica benignitas nullius oratione satis prædicabitur: ego certe ipsius animi dotes & virtutes regias tenui stylo meo exsculpere non potui. Quare neq; à te, neq; ab aliis expecto, ut eloquentia mea laudetur, quam nullam esse non infitior, sed ut conatus mei probentur laudandi principis, ac de plurimis ac de me quoq; bene meriti, & omni laude dignissimi. Veniet quoq; vel me tacente tibi in mentem, cum ea leges, quod egregie feceris, inter mortales numquam intermoriturum, Sic & rectissime viues, quod facis, & frueris non solum præsentibus bonis tam fortunæ quàm animi, quoniam non minus hisce, quàm illis abundas, sed etiam approbatione bonorum, & gloria apud posteros veluti præsentis. Sed hæc ad te scribere superuacaneum est & pœne impudentis, cuius domi etiam nascantur meliora. Vale

le Rostochio. Kalend. April. Anno M. D.  
LXXVI.



IOANNI FRIDERICO  
Duci Brunsvigen. & Lun-  
burgen. S. D. Joannes  
Caselius.

 Vm te adhuc domi esse intelli-  
gerem, nihil feci promptius,  
quàm vt aliquid ad te darem,  
vel occupatissimus, cum me-  
as à te flagitari videam: par-  
tim quia me amas, vt ego te profecto plu-  
rimum: semper enim iudicaui, te inge-  
nio & animo bono esse: partim ut cupi-  
dum & amicitiae colendae & exercendae  
scriptionis in hanc arenam prouocarem:  
in qua me arbitror non mediocriter exerci-  
tatum: imprimis, quod ad prius atti-  
net. Nam & praestantes homines obser-


obseruo indè usq; à puero plurimum, & à bonis me amari cum cupio, tum etiam gaudeo. De altero in quo ipse minus mihi tribuo quòd non id possim, quod velim exultamentum alij: quanquam ita rem esse arbitror, ut quam longè absum à rei perfectione tam longè à vulgo absum, non Latine prauè balburientium, in quibus & ipse fortè sim, sed magno studio quam corruptissimè loqui affectantium. Tu verò perge me in tuis numerare, quod tē etsi facere minime dubito, tamen tanto magis credam, quanto ardentius coles studia sapientiæ: à quibus etiam adolescentem nunquam abhorruisse credidi: nunc vbi magis adolesti, aliquo profectu & iudicio, iis inflammatum esse oportet. Expecto vicissim à te aliquid litterarum. Vale  
Rostochio III. Id. Iunii Anno M.D. LXLVI.

*JOANNI FRIDERICO  
Duci Brunsvic. & Lunaburg. S.  
D. Joannes Caselius,*

**G**ratissimæ sunt mihi tuæ litteræ, non quod à principe, sed multo magis, quod ab eo, qui litteras colat. & me amet exaratae sunt. Hoc sciebam, illud sperabam, jam vero  
etiam

etiam video ex epistola tua, benè equidem scripta. Cum enim eius sit pura oratio, tum ingenii succo minime caret. Perge igitur, & quoniam videris quoq; à me consilium petere, quotidie aliquid scribe & lege; in primis tamen hoc vide, ut quod legis, probe intelligas quod assequeris, si præter accuratam lectionem, consules, quem nactus es iuvenem, & doctissimum, & humanæ vitæ benè peritum. Crede mihi studium bonæ & elegantis doctrinæ, usus ætas, tempus te confirmabunt, ut eo tandem venias, quo & debes, & vult pater. Vale Rostochio, VII. Kal. Sextil. Anno LXXVI.

IOANNI FRIDERICO  
Duci B. & L. S. D. Joannes  
Caselius.

 Emper ego, præclarè sensi de ingenio tuo, de voluntate etiã bene speravi. Nunc gaudeo, confirmari quotidie magis magisq; meam de te expectatione: quã ne fallas, vel potius illustrissimũ Patrem tuũ, atq; te ipsum ne fallas, omni cura tibi videndum erit. Illius sollicitudinem tanquam



videre mihi videor: tu cogita non solum tam sollicito optimeq; tibi cupienti patri obtemperandum esse, sed etiam tua sponte omnibus viribus agendum, ut locum illustrem, quo natus es, virtutis & sapientiæ studio quàm diligentissimè tuearis, neque vnquam ex animo dimittas tuo, vbicunq; gentium eris, cur istos sumptus facias, ibique vitam degas. Sic futurum est, ut quotidie te ipso evadas præstantior, & maiorum tuorum claritatem tuis etiam factis illustres: Sed satis aut nimium est admonitionum: quod initio scriptum oportuit, gratissimæ tuæ mihi acciderunt litteræ. Erunt autem posthac mihi tantò gratiores, quantò crebriores: intelligam enim singulari cum voluptate, & me à te amari & te plurimum proficere. Vale Rostochio XI. Kal. Sept. Anno M. D. LXXVI.

*EBERHARDO EPISCO-  
po Lubecensi S. D. Ioannes  
Caselius.*

**S**Era gratiarum actio, quàm fortè tardam  
dixerimus, nisi ipsa gratia aut sera aut  
nud-

nulla sit, reprehendi fortassis haud magno-  
perè possit, multò verò minus reprehende-  
tur à summæ liberalitatis & excelsi animi vi-  
ro. Nam munifici hoc non præcipuè intu-  
entur, ut quos beneficiis afficiant, horum il-  
li memores sint, etsi hoc sibi pollicentur,  
quod scientes improbis nolint benefacere,  
cum ingratos mortalium improbissimos esse  
non iniuria existimemus: magnanimi verò  
commemorationem verborum penè nul-  
lam requirunt, cum ne quidem prædicatio-  
nem suarum laudum, nisi amplissimarum,  
et ab optimis, expectent. Itaque cum mis-  
so mihi à te munere, quo multum rei meæ  
familiari consulererur, non subito tibi gra-  
tias agerem, non fui sollicitus, ne mihi suc-  
censeret, aut sinistre de me suspicari. Nihil enim angustum amplissima omnia  
in te perspeximus, planeq; digna isto fasti-  
gio dignitatis, in quod te non fortuna, sed  
virtus tua, neque id sine adminiculo bona-  
rum litterarum, quibus præditus es, colloca-  
vit. Etsi igitur non opus est, ut hac de causâ  
me tibi purgē: tamen cunctationis meæ cau-  
sam reddam, quo scias, hoc debitum munus  
consilio me distulisse, non negligentia, aut  
peiore vitio prætermisisse. Expectabam

enim hoc tempus, quò aliquid è lucubrati-  
onibus meis una mitterem, quod genus tibi  
homini doctissimo haud ingratum esse, ex  
re ipsa animadvertissem. Mitto autem nunc  
cum hac Epistola exemplum meæ Xeno-  
phontis librorum de dictis memorabilibus  
Socratis interpretationis, quod vel huius  
auctoris optimarum doctrinarum, vel illius,  
scriptoris mellitissimi nomine tibi gratum  
esse posset: meo enim, ut sit, nullo plane jure  
postulem: etsi quantum potui operam naua-  
rim, vt harum rerum intelligentibus, in  
quibus tu principe loco es, placerem, cum  
& his qui acutissime ut possint iudicare &  
debeant, & mihi, qui tenuitatem meam non  
penitus ignorem, & ipsi rei, quæ per sese  
difficilior est, quam cui videatur, qui illius  
nullum periculum fecerit, nunquam satis-  
facturum videam. Tamen hoc mihi polli-  
ceor de censuris bonorum, (malorum enim  
existimationes nihil moror) facile eam mihi  
datuos veniam, quam sibi dari vellent: neq;  
non idem à te exspecto. Si quid nasceretur  
domi meæ, quod illustri tua persona dignum  
iudicem, id publice aliquando ad te mittam.  
Cupio enim gratissimus tibi videri, neq;  
minus esse studeo. Idem faciam & pro bonis  
litteris, quæ tibi plurimum debent, cum eas  
adiuues

adiuues, quibus potes modis, hoc est multis & singularibus, & doctos homines & adollescentes ingenuæ doctrinæ deditos. Faciam etiam, quod non mones, quod velle te scio, ut rationem habeam pueri heroicæ indolis Guilielmi. Scio enim te & cum ipsius patre Othone, optimo principe, haud vulgarem amicitiam colere, & eius filiis quos ille sapientissimus pater rectissime educari curat, inprimisq; huic adolescentulo benè velle. Faciâ igitur ultro, ne quid, quod à me requiri possit, desideretur, & hoc amplius, si queam: quod meum in ipsum studium cum tibi quoq; probatum iri scirem, eius meminisse his litteris non alienum putavi. Videres enim cum tibi nihil gratiæ queam referre in hac tenuitate fortunæ lociq; meæ, me benè mereri studere de aliis, quos amares, tuo etiam nomine, aut quia ante in eo totus essem, cumulum ad priorem curam addere. Hæc scripsi ut magis crederes, quod ante non dubitas, me principis virtutum non minus quam inferiorum, si hæ non pari gradu incedunt, esse studiosissimū. Nam inprimis præstantiæ tuæ cultoribus me esse, id ex meis litteris aliquantulum, & ex aliis plenius potuisti cognoscere. Vale Rostochio V. Id. No. Anno M. D. LXXVI.

E B E R H A R D O    E P I

scopo *Lubecensi. S. D.**Joannes Caselius.*

**N**eq; animo sic paratus, neq; arte instructus sum, ut ad principes vires sæpe scribam. Puto namq; hanc in me voluntatem culpa affinem non leui fore, & idcirco me iure reprehensum iri, si hac ratione me cum illis comparem, quibus nulla re earum, quæ vulgo plurimi sunt, haud parem me esse facile intelligam. Quod vero scribendi facultate parum valeam, scio mihiq; tutius credo, quàm iis, qui eam vel imbecillitate iudicii vel amore mihi libenter tribuunt. Itaq; etiam numquam do inanes litteras, cum valde insolentis, non tantum stulti, esse videatur, primos ordinis viros de re nihili interpellare. Ut commendem alios ab hoc quoq; quam possum longissime refugio non solum, quia meam existimationem in discrimen coniicio, sed etiam, quia vobis ipse carus esse, & ab aliis, qui apud vos auctoritate valent, commendari cupio: neq; tamen id fugere perpetuo possum, forte etiam aliquando audere debeo, ne officio meo  
iis

iis defuisse videar, quos amore & studio bonorum dignos esse censeam. Ad te vero minus vereor talem epistolam scribere, præsulem non solum ista dignitate, sed multis literis & summa humanitate præditum, præsertim de hoc nomine Daniele Crispino. Intelligo enim, neq; in sinistram suspicionem me hoc uomine incursum, neq; difficilem fore scriptu commendationem. Cum enim cliens tuus sit, tibiq; etiam quàm mihi notior, quid attinet me tibi eum laudare? te laudare & possum & debeo, qui munificus es erga litteras, & harum cultores quantum potes ornas, vti te maximè dignum est. Itaque quod ad iuuenem illum attinet, superuacanea ferè est hæc epistola, quam illi tamen denegare non potui, teq; rogo, vt pristinam erga ipsum beneuolentiam retineas, ad quam si litteris hisce meis aliquis cumulus accedet, & gaudebo & tibi gratias agam. In primis vero rogo, vt quod nunc in manibus habet negotium, probes, & liberalitate tua adiuues. Ipsum experieris gratum, & ego me plus tibi debere vltro profitebor. Vale  
præsul amplissime. Rostochio V. Kal.

Martii Anno M. D.

LXXVII.

GULIELMO DVCI

*Brunsvic. & Lunaburg. S. D.**Joannes Caselius.*

Odem tempore discessimus, tu domum, ego ad socerum; ad eum ut veni, multa tui mentio, ut solemus, si quem amamus aut cujusquam indolem exosculamur: die septimo huc redii: scripsissem ad te de via, aut post domo, sed commoditas mittendi nulla fuit: nunc etiam tardius, cum sit cui de, scribo: appropinquat namq; reditus tuus, ni fallor, tuq; hæc fortasse in itinere leges, neq; tamen quid ex hisce audies novi: in quibus esse consuevimus, sic sumus, uti solemus. Hoc est, toti in litteris, quantum nobis per curam rei familiaris & alias occupationes licet. Sed his non vincimur: illam, quando nos urget, non negligimus: te vero valde expectamus. Cum enim sis nobilissimæ nostræ Academiæ ornamento; nonnè te decus esse ædibus meis singulare existimem? pluris nobis es, quam quibus careo, sic ut non desiderem, aut ebur, aut aureum lacunar, aut trabes Hymettæ, aut Lybicæ columnæ. Liceat enim mihi tecum loqui etiā in epistola,

la, ex vate lyrico, quo valde te delectari animaduerti: neq; immerito, cum sit & elegantissimus, & doctissimus, qui semper admirabile aliquid & diuinum depromat, ex abditis musarum penetralibus, quo demulceat politissimi cuiusq; ingenii pectus. Sic de te, adolescens nobilissime, statuo, cum omnino iudicem domus splendorem potissimum & verum esse in viuis ornamentis. Etsi vero ad vnum omnes indolem in te regiam suauissimosq; mores, qui annos pueriles grauitate superant, suspiciunt: tamen ipse, apud quem viuis, sine dubitatione pluris te facio. Non solum testor recte de te opinari plurimos: sed penitus te noui, & interius perspexi animum tuum verè aureolum, vel potius heroicum. Quæ foris sunt, sæpè specie nos fallunt: sed tu domi idem es, qui foris: idem apud familiarissimos, qui apud hospites. An dicam te non eundem esse, cum dubitem, maiorenè sis modestia apud nos, quàm apud quosuis alios? certe ceteri vnum non vident, quantum impendas temporis bonis litteris, quarum gratia ad nos venisti: quantum in iis spacium, hoc est pueritiæ tuæ magnum, confeceris: quanto earum amore flagres: nisi quantum è fama accipiunt. Dicerem te inflammari voluntate patris,

L. tris,



tris, principis & opt. & doctissimi; etiam exemplo præcedentium fratrum: nisi viderem, sponte facere omnia & anteuertere nostra studia diligentia tua perpetua: etsi tibi non desumus, & te rectius ducimus, quam dicitur Ariade duxisse filo Theleum. Non est enim segnis in hoc, cui id creditum est, Ioannes Ducarus, iuuenis, ipse bonis artibus præclare expolitus: neq; tibi hætenus desum: reuersoq; semper præsto erimus, vt hætenus fecimus. Sumus enim & laudis & felicitatis tuæ, quarum fundamenta, nobis auctoribus, hic iacis, mirificè studiosi, & optamus, vt quam de te tam bene maturè expectationem commouisti, & posthac confirmes & deniq; impleas. Tu modo perseuera in eo, quod instituisti, & caue, ne pueritia adolescentiam, adolescentia sequentem ætatem superasse videatur: quin contra summo loco natis dignum est, quod neq; me indignum esse censeo, vt indies seipsum euadant meliores. Sed quoniam te expectamus ante idus, non ero prolixior: eiusmodi sæpe, & his meliora sermonibus vsurpabimus. Vale Rostochio. tertio

non. Quintil. Anno

LXXVII.

LAEVI-

LAEVINO BVLOVIO  
DVCIS BORVSSORVM  
consiliario S. D. Joannes  
Caselius.



X ijs sermonibus, quos tecum olim primos habui, vnum te memoria tenere existimo, vt studium tuum per adolescentis erga bonas litteras, quo te flagrare facile animaduvertebam, magnopere collaudauerim, iamq; diuinum illud ad sapientiam iter ingressi animum confirmare conatus fuerim, neq; paucis & bonis argumentis. Simultibi accidit, neq; ferè aliter fieri solet aut potest, vt tu me statim plurimi faceres, & ego te non minus amarem. Ipse enim videbam tuos ad summa quæq; præclaros impetus: tu meam in te beneuolentiam: hæc non potuit non te, illi me itidem permouere, si homines essemus: vel potius, quoniam eramus homines, permouerunt. Diu deinde nos non vidimus, etsi tu me tecum quasi abstuleras, ego te in animo seruabam meo. Sed vt redeuntem excepi iuuenem, tum  
L 2 disci-

disciplina iuris, tum facultate dicendi, quorum vtrum dicam esse maius, ita subito non queo apud me constituere, etsi illam hodie esse hac, olim vero hanc illa, maiore in precio fuisse, nos minimè fugit: ibi tum vter nostrum plus ex altero voluptatis cæperit, non facile dixerò, cum & ego lætarer, te eum esse, qui vt prædixeram, honori nobilissimæ tuæ genti, vsui esse reip. posses, & tu non minus lætarere, nos de tua virtute & doctrinæ præstantia præclarè sentire. Sic igitur cum profundiores egisset radices hæc nostrorum animorum coniunctio, vel amicitia, iam vt tibi de mea in te beneuolentia persuaseras, ita mihi esse minimè metuedum putabam, ne aliquando ex animo tuo elaberer, quemadmodum in vulgus fieri videmus, fieriq; prorsus necesse est inter eos, qui quouis potius mouentur, quàm virtutis aut sapientiæ specie. Non certè me fefellit, neq; initio augurium meum, neque deinceps iudicium. Tu enim non conquiesci, nisi & re & litteris declarasses tui in me animi sensus intimos. Perge vero me amare: sed tu hoc facere desines, cum, quem nunc tenes, cursum desereres: desereres autem nullo vñquam tempore: tum monitus exemplis gentis tuæ, ex qua antistites habuit Megapolitana

litana regio aliquot: tum eruditus iis litteris, quæ nos verum decus numquam obliuisci patiuntur. Mihi etiam visum fuit, denuo meum in te animum tibi testatum hoc loco facere, cum iterum ederem librum hunc de laudibus Alberti, ducis Borussorum. Videbis, forte iam ante videris, voluisse me, optimè de litteris merito principi, gratias agere publico nomine: vitæ ipsius historiam de industria persequendam reliqui aliis: cōpotissimum, quia id illius loci non erat: etsi hoc quoq; me mouebat, quòd cum hæc scriberem, quoniam multa me fugiebant, vt nunc quoq;, inquirere omnia ita subito non poteram, tangere autem, quæ persequi non possem, non libebat, neq; etiam debebam; ne lectorem earum rerum cognoscendi audum, fallerem, neue meæ existimationi minus consuluisse viderer. Fuit autem dux ille Borussorum, neq; litterarum rudis, vt & illa tempora ferebant, & plus quàm educatio principum, vt vulgo administratur, polliceri videbatur, & præclarè de iisdem mereri numquam dubitauit. Numquam ferè illæ patronos multos habent: sed hodie cum habeant paucissimos, immo à fortunatis, vt à reliquo vulgo superbè dispiciantur; puta, Laeuine Buloui, eas à te

præsidium expectare & petere, tamquam ἀντιπαραστήσαντες quam iure etiam flagitarent ab alumnis suis: sed non flagitant. Sciunt enim, quos ipsæ educauerint ingratos esse minimè: si secus sint, dicto non audientes fuisse autumant, & proinde eiusmodi in suis non habent. Eris igitur auctor principi tuo, ut hac in re exemplum patris imitetur, atq; etiam soceri ducis Cleuensium Gulielmi, qui cum esset à puero ab homine doctissimo præclare in litteris educatus, sapienter rexit, regitq; etiamnum suos populos, ut in mediis fluctibus extra periculum sint, fortunæ bonis abundant, in omnibus ius & æquum colant: confirmabis etiam collegas, ut tecum sentiant, vel quoniam à te non dissentiant, iunctis animis & studiis illud publicæ gubernationis munus feliciter gerite: in quo non est curarum vltima de educatione nascentis ætatis, neq; ab illa cura diuelli potest altera de studiis litterarum, siquidem verum est, quod sapientissimi asseuerare non dubitant, studiis sapientiæ priuatam vitam benè regi & publicam, & illis proculcatis iacere omnem spem beatæ vitæ, vel saltem commodæ & hominibus dignæ, contra omne genus calamitatum ingruere. Etsi autem ob improba potissimæ

mæ partis mortalium iudicia, & peruersas voluntates, vt de aliis casibus & ærumnis nihil dicam, quæ natura comitantur nostro generi, res mortalium tuto loco, velutiq; in portu constitui non possunt: tamen & quod est bonorum, quæ sunt quàm plurima, comparare & conseruare, quod maiorum, depellere conari debent sapientes, & vos hoc magis, quibus cura ciuitatum & populorum credita est, quanto est vestra maior dignitas, fulta opibus & potentia. In hac sententia cum fuerit, vt de vno dicam, quod poteram de plurimis, Eteocles Æschyli, qui, vt suæ ciuitatis saluti consuleret, perire etiam ipse maluit; tu profecto tuiq; collegæ, nobilissimi & clarissimi viri, non minus intelligitis, & omnia, vt viros animi magni decet, postponitis vtilitati publicæ. In iis esse intelligo, qui me ament: hos amabo, confirma, & ceteros mihi amicos redde. Vt enim bonos vnicè venerator, ita non nisi bonis esse carus cupio, & mori esse duco satius, quàm non diligi à bonis, quibus qui se non probet, merito putetur esse nihili. Vale Rostochio non.

Iun. Anno CIO. IO. XXC.

## EPISTOLA

IOANNIS CASELII

*De Illustrissimi principis, Domini  
ALBERTI FRIDERICI,  
Ducis Borussorum, Marchionis  
Brandenburgensium, erga bonas  
litteras meritis, ad eundem  
principem perscri-  
pta.*



Am pridem ad te dare litteras  
constitueram, Alberte Friderice  
princeps. Cum enim tu in stu-  
diis ingenuarum artium educa-  
reris, in quibus aliquid me vi-  
dere multi crederent; multis nominibus non  
licere tantum, verum etiam incumbere mi-  
hi, pæneq; mei muneris esse credidi: ut de  
ipsarum dignitate, suauitate atque fructibus  
aliquando tecum disputarem. Cum autem  
post multas meas peregrinationes, aliasque  
molestias, id iam iam agerem, cogitassem  
certè de omnibus sedulo quæ rectè à me scri-  
bi,

bi, à te vero ex epistola mea cognosci possent: incidit hoc tale tempus tuum, quocum accurratè inuenta è manibus mihi, aliquam partem, excuti, tum plus tamen ad scribendum argumentorum suppeditari videretur. Quorum ego quædam attingam: vnum fortasse hisce litteris plenius persequar. Vt enim ego vel ad te consolandum, vel ad erudiendum de suscepto imperio paterno erudiam: id quamquam non erat alienum: tamen nihil mihi horum sumam, sed consolationis atque consiliorum partes relinquam ijs potissimas, qui eas iam susceperunt. Postquam enim hæc rerum tuarum, fati arbitrio, XIII. Kal. April. nata conditio est: statim certe quicunque tibi bene vellent, non solum dolore tuo grauissimè perculsi fuerunt, quod humanitatis erat, sed etiam te consolari, & ad accipiendum sustinendumque patris imperium confirmare, quod beneuolentiæ atque prudentiæ, & cupidè in animum induxerunt, & quibus id rectè fieri viderent modis, etiam cæperunt. Neutrum enim dubium est, quin cum optimus potentissimusque Borussorum dux, Albertus, pater tuus, licet annis confectus, & velut excurso spacio decederet, ipsumque lectissima femina mater tua, ingrauescente

L 5

nondum



nondum ætate, paucarum horarum spatio, ac si quem viuum vnicum complexa fuisset, eum mortuum adeoq; nunc primum morientem, numquam pollet deferere, consequeretur: non dubium inquam est, quin gemino hoc luctu, hac præsertim prima tua adolescentia valde concideris, dolore pæne exanimatus. Neque iterum dubium est, quin, cum hæreditatem amplissimam adeas, paternumq; regnum, cui susceptus es, & tu metipse eius naucerus futurus, idque hodie, quando totus pæne orbis horrendis atque incredibilibus motibus, ab annis plurimis contremuit, & ij quoque istam tuam terram concutiunt vel petunt, gubernare incipias, multæ grauiissimæq; cogitationes & curæ, humano consilio vix explicabiles, te exerceant. Quod ad prius attinet: miserunt ad te haud dubiè consolationes verè & accuratè scriptas, pro eo amore, quo te complectuntur, & summa sapientia, qua præstant, primum gentiles tui, splendore generis & regni virtutibus summi principes, Marchiones Brandenburgici. Et nunc vero etiam ipsis par, Ioannes Albertus, dux noster Megapolensis, sororis tuæ maritus, nobilissimos hinc ad te viros ablegat: quorum  
tu vi-

tu virum certè eloquentem, & reconditis sapientiæ haud adumbratæ litteris singulariter excultum, Gorislobum Rotermodium coràm audies. Cum autem illi, quos dixi omnes incredibilem quoque dolorem & ex obitu parentis tui, & ex tuo, dolore cuius magnitudinem facile perspiciunt, capiant: tum princeps Ioannes Albertus, sororem tuam, suam coniugem, quæ in eodem tecum luctu est, mœstissimam profecto, bonis argumentis, quorum sibi copiam è studio utriusque philosophiæ, & humanæ & cælestis comparavit, vix satis consolatur & erigit. Ita in maximo hoc & recenti vestro dolore, & ipse vobiscum dolet: & vobis remedium simul adhibet: neque nihil proficiet spero: quando scilicet, ut animum in acerbissimum hunc casum, ita mentem in consolationum verissimas & quàmplurimas rationes infigeris. Consolabuntur vero etiam te coràm, quorum magna istic dignitas, & auctoritas apud te prima est: & cum primis, qui diuinis litteris probè eruditi & longo tempore in hoc vitæ spatio versari erunt, hoc accuratè beneq; facient. Quos tu audies, princeps optime, frangesq; dolorem tuum. Cum igitur & illi quantum possunt, quantumq; omnino fieri porest, consolando faciant, & tu ipso-

me-

medicinam minimè repudies, sed ea te curari paullatim magis magisq; patiaris: superuacaneum profecto erat, si consolationum commentarios ego quoq; ad te mittere, in animum inducerem: quamquam verum est, quæ litteris exprimuntur, lectaq; apud animum perpenduntur, diligentius, modo sint tamquam à veritate decerpti furculi, profundiores firmioresq; in animo radices agere, ipsumq; si non vehementius, magnopere tamen, quò institutum fuerat, commouere & in meliorem affectionem conuersum mirificè confirmare. Quod si existimandum est, vt ego, prorsus inficiari puto neminem: etsi hoc consolandi munere supersedendum mihi existimaui, eoq; sic supersedeo, vt ipso plenius fungi minimè, decreuerim: tamen hoc scriptionis genus ea quoq; habet, quæ animum tuum conturbatum, ad tranquillitatem & cogitationes pacatiores summeq; necessarias abductura videri possint. In altero quoq; neq; decuit me omnia conari, neq; nunc fortasse nihil dicere. Cum autem ipse ineunte primum adolescentia, onus & tam multas & ita amplas prouincias regendi subeas, idq; temporibus longè difficillimis: facies primum, quantum per ætatem potes neq; vero non, quos ante dixi

dixi, gentiles, propinqui, comitesq; regiae  
istae tuae, tuas partes rectissime explebunt:  
iis vsi consiliis, quae optima sint, & eam ad-  
hibentes opem, quam & possint, & debeant,  
& hic rerum status postulat. Ne vero quis  
miretur, qui te ego ipsum aliquid, vel po-  
tius multum facere iubeam, etiam nunc, cum  
nondum ex ephebis egressus es. Facio id e-  
quidem, primum ad eorum, qui ad res ma-  
gnas suscepti natiq; sunt, naturam respiciens:  
deinde ad eam educationem, quae tibi consi-  
lio sapientissimi parentis contingit. Si enim  
antiquitati credimus, à pueris etiam, qui  
postea heroës semideiū appellati sunt, ea  
gesta vel tentata legimus, quae non solū sin-  
gularia, verum etiam incredibilia videan-  
tur. Sed missis pluribus, nonne Alexan-  
der, Philippi F., etiamnum puer, tanto im-  
petu ad gloriam praecclarasq; res gerendas  
ferebatur, ut cum patrem laepius victorem  
nunciari intelligeret, sibi omnem paene lau-  
dis materiem praeripi quereretur? Neq; ta-  
men non ille postea vniuersū orbem trophae-  
is impleuit, ut facile vtrumq; constet: ipsum  
& pueriliter tum lacrymasse, & viriliter  
excellentiam inter mortales, adeoq; im-  
mortalitatem expetuisse. Sum autem  
ego etiam praesentis seculi ita amans,

vt eius sententiæ sim: etiam hodie heroës  
omnis generis & vivere & generari diuini-  
tus: cum ex iis vnde non speres: tum po-  
tissimum è vestro sanguine regio. Id enim  
cum ratione est, & frequentius accidit, vt  
è bonis boni, è magnanimis magnanimi  
procreentur: nec frustra omnibus seculis  
boni etiam viri de maiorum claritate glori-  
antur. Tu igitur cum VII virali, adeoq; re-  
gio loco natus sis: non debet quis aliter su-  
spicari, quàm te in a dolescentia, virili iam  
animo esse, neq; indolem solum in te eluce-  
re, sed ea quoq; te gerere, quæ viro singu-  
lari, quæ tanto deniq; duce digna sint. Ipse  
vero hoc multo magis credo, quod modo  
optimo, summa diligentia, hoc est regiè te  
educari ab incunabilis, litterasq; quibus &  
homo ad vitam & princeps ad imperandum  
rectissimè informaretur, doceri iusserit o-  
ptimus & sapientissimus princeps, pater tu-  
us. Educatio autem cum vel malè natam  
indolem emendet, mediocrem adiuuet; an  
non quam primum heroicam promoueat, &  
omnibus tandem numeris absoluat? Te ve-  
ro, ita vt dixi, & haud dubiè res est, natum,  
si nondum perfecit domestica disciplina,  
sic certè instruxit, vt iam cum per te præ-  
stiturus sis apud populos tuos singularia,  
tum

tum maximè cum senatum quem consulas, Borussis tuis, vt genere nobilibus, eruditione claris, ita & reliqua virtute, & moderatrice vniuersæ illius prudentia præstantibus stipatum habeas. Quare si & animum intendes ad rectè agendum, & mēte vteris ad bene sentiendum, & viris amplissimis, qui tibi à consiliis sunt, parebis: profecto feliciter beateq; & tibi & tuis cedet tua tuorū gubernatio: nec non, si qua humano ingenio explicari minimè poterūt, vt sæpe in rebus mortalium vsu venit, tū ipse tibi Deus, quem sanctè coles, quæ saluti vobis sint, largè supeditabit. Hic enim tibi multo certius præsto futurus est: quàm Minerva præsto fuit adolescenti Telemacho, ipsiq; in compellando Nestore, pleraq; quæ diceret, subministrauit: quod quidem futurum ipsa, Mentori adsimulata, ipsum ante docebat. Verius autem nos hoc tibi adfirmare possumus. Namque etiam arbitramur,

ὅς σε θεῶν ἀεὶ κατὰ γένεσθαι τε τραπεζεύοντε.

Quamquam vero vltro iis obtemperabis, qui tibi à consiliis sunt, tamen vt hoc facias, rogandus mihi es, & tantisper iis obtemperes, donec omnium consiliorum thesauros ipse solus penes te habeas. Id quod vtroque nomine à me dictum velim: primum.

num, quod iuuenum persuasio, quæ vana plerumq; est, & confidentia, quæ impetu vt plurimum magis fertur, quam ratione regitur, multa tam regna & plurimas resp. labefactauit, & funditus deleuit, deinde vt te doceam, quod à prudentissimis viris, multis ante seculis proditum fuit, eum demum principem, omnibus regiis animi bonis locupletatum, & summo denique imperio dignum esse, qui eam sibi & ex litteris & ex vsu rerum prudentiam compararit, vt vel solus suis consiliis, quocumque tempore, sustinere idipsum possit. Quod tamen sic intelliges, ne cum hoc, quod rari admodum adsequuntur, adsecutus fueris, prudentes viros abs te repellas, & amicorum tuorum monitus, rationesque repudies: sed ut in perpetuum eorum consilia non minus indages, audias, & sequaris: non solum, quia nullius mortalium mens vnquam vidit omnia: verum etiam, quod, etiamsi quis intellecturus esset omnia, nemo quisquam est, qui solus multitudinem istam negotiorum, quæ declinare bonus princeps non magis potest, quam liberorum curam abijcere pater, animo complexurus esse videatur. Neque Alexander adolescens solum habuit, quos audiuit;

diuit; verum etiam, postquam ipse per se omnia cæpit intelligere & gerere, amicorum, quos summos belli duces, & fortissimos viros fuisse accepimus, consilia haud quaquam spreuit: etiam, qui, cum hoc prior multo esset, ipsi Alexandro admirationi summæ singulariq; exemplo fuit Achilles, non solum se puerum, tum domi, tum apud Chironem educari passus fuit, sed etiam ad Troiam secum habuit Phœnicen, Patroclum, Nestorem, & alios, quos consuleret rebus dubiis, & sequeretur actionum veluti viæ duces. Neq; regum fere quisquam fuit, vel potius nemo fuit: quoniam & tyrannos & si qui pro libidine ad cupiditates suas omnia referunt, vt ab ordine vestro, sic à diuino isto nomine exterminamus: neq; hodie quisquam est, quin quotidie senatum cogat, & in omnibus exploret prudentium lententias. Et si autem tu quoq; hoc factururus es: tamen elaborandum tibi erit, vt cum fontem esse te istic omnium rectissimè factorum oporteat, principem etiam esse omnium rectissimorum consiliorum intelligamus & gaudeamus. Dixi paullo superius, adsecuturum te id tractatione negotiorum quotidiana, & perpetuo litterarum studio: idem nunc iterum dicam, quo te magis ad prudentiam



regiam inflammem: te id inclytum principem parentem tuum imitando adsecuturum citius. Scis enim, neq; poteris obliuisci: ipsum omnem ætatem maximis rebus gerendis fuisse occupatum: neq; vñquam discessisse à doctrinæ studiis. Cum autem parentis tui obitus potissimum huic epistolæ occasionem dederit: erat profecto hic primus & longè opportunissimus ipsius prædicandi locus. Facerem nihil sine ratione, nihil sine exemplo nobili. Facerem enim, quod Isocrates, qui Euagoram ad Nicoclem misit: cumq; Euagoræ vitam nudè exponeret, eadē opera Nicoclem viuendi regnandiq; viam admirabiliter docuit. Sequerer autem præstantissimum auctorem in præsentia, nisi & nimis longum esse, & ne quid dissimulem, supra modum difficile, iudicarem. Ab alto enim principio repetenda erant primū, quæ de illustrissima vestra gente ex multorum scriptis euisssem: deinde explicandæ res Borussorum: neq; non, quæ difficultates pristinos istius prouinciæ ordines excepissent, & omnium statuum mutationem peperisset, vberius itidem erat ostendendū: donec hæc recentia quoq; accederent. Ex hac enim demum omni historia, parentis tui vita, mores, prudentia, res gestæ, fortuna clucescerent.

Quam-

Quamquam vero alii quoq; doctissimi viri, laudes ipsius immortalibus litterarum monumentis consecrabit: quod potissimū eos facere æquissimū est, quos ipse præmiis haud vulgaribus ornauit, id quod illi minimè negligent: tamen & ipse quoq; quod rectè hic fieri dixi, nec fieri tamen ita celeriter posse, ostendi, rebus omnibus exploratis, otium nactus aliquando faciam, si hoc à me requiri intelligam. Tempori enim & veritati consilere, & historiam luculentius narrare potero. Ita tamen hoc promissum differo, vt nunc ipsum, quæ, quantaq; optimus princeps in adiuuandis litterarū studiis præstiterit, non sim præteriturus silentio: idq; vt primum de suis Borussis, postea de vniuerso genere mortalium bene mereretur. Sic enim sentiebat, & se bene sentire, minimè dubitabat: cultu doctrinæ, animos, vitam, mores, consilia, actiones, fortunam propemodum ipsam mortaliū, siquidem hæc, etsi rationem plerumq; superat, tamen à ratione sæpe ipsa quoq; superatur, emédari, regi, expoliri, atq; conseruari. Cum igitur primum ciues suos, bonos, prudentes, felices, beatos deniq; esse optaret, & facere perciperet; primus publicam scholam Regiomonte fundauit, vbi omnis generis honestæ liberalesq; discipli-

næ in perpetuum docerentur. Itaque magnis præmiis vndecunque optimarum artium professores accersuit : & ipsi & iis, qui vniquam successuri essent, honestissimorum laborum amplissimas mercedes decrevit, quæ omnibus deinceps seculis penderentur. Habendam enim etiam sibi posteritatis rationem putauit, quo profecto nihil est præclarius, & ad veram gloriam parandam aptius. Plurimum autem vidit in eo deligendo, cuius consilio & tamquam manu in fundamentis scholæ illius suæ iaciendis vteretur. Deligebat enim Georgium Sabinum, virum clarissimum, qui non solum integritate vitæ & omni eleganti doctrina excelleret, verum etiam propagandarum litterarum rationem, quæ non aspernanda prudentiæ pars est, probe, ut quisquam ex hominibus doctissimis alius, teneret. Sabinus enim, & in Germaniæ & in Italiæ celeberrimis gymnasiis vixerat & floruerat : & quid quo loco rectè, quid perperam fieret, animaduерterat, neque non de litteris, de quæ earum non ostentatione, atque vulgari opinione, sed usu certo & vero fine superioris ætatis amplissimorum & virtute litterisque clarissimorum passim, sententias audierat, cum-

cumque tantis viris sentiebat: quod de eo tanto libentius affirmo, quod & ego ipsum noram, & ipse me adolescentem singulariter amabat. Quare pater tuus cum hoc consilium vrgeret, ipso rectissime usus fuit: & istic eum apud se, ob hosce usus, ut par erat, in honore habuit, nec non tandem locupletiore domum remisit. Nam ipsum à gentili vestro Ioachimo II. VII. viro acceperat. Neque vero huius loci est, omnes eos, qui istic parentis tui auspicio & munificentia, litteras docuerunt, atque etiam nunc docent, nominatim recensere ordine, & quemque suis ornare laudibus. Per se enim ipsi clari sunt, nec vulgares eos viros esse oportet: de quo quis dubitet, nisi qui parentis tui erga omnis generis homines eruditos liberalitatem ignoret? Ibi namque bonas artes florere, ubi in honore sint, ipsarumque periti præmiis adficiantur, necesse est. Quis autem eius bonitatem, facilitatem, liberalitatem, munificentiam ignoret, nisi, qui quæ hodie in orbe gerantur, aut omnium litterarum ipse rudis sit, ignoret? de quarum virtutum opinione, vel potius vera gloria ita minimè à quoquam sibi detrahi volebat, ut cum nonnulli ipsius bonitate atque ma-

gnificentia abuterentur; id nonnumquam pateretur & dissimularer. Quam autem voluerit omnibus gentibus & posteritati benefacere atque innotescere, hoc ipso declarauit, quod & externos præcones virtutū coluit, beneficiisq; auxit, & munera quoque ad eos misit, qui publicæ vtilitati laborarent. Ipse mihi Ioannes Bocerus, ducis nostri, poeta, narrauit, se istic à parente tuo humaniter liberaliterq; fuisse exceptum: qui si viueret, gratū suum animum funebri carmine testaretur. Delectatum enim fuisse scio opt. parentem tuum, suis vestræq; gentis laudibus, hoc est, vestrarum virtutum commemoratione: quod in reprehensionem profecto nullam cadit, cum optimum quemque hoc genus acroama delectet maximè, quo nihil etiam omnium suauius esse, non auribus, sed animo, è sermonibus Prodicī retulit & probauit apud Xenophontem Socrates. Cum enim Ioannes Censorius Aemilianus, potentissimorum tuorum gentiliū Ioachimi II. VII viri, & Sigismundi, Ioachimi F. primatis Germaniæ, poeta, de Marchionibus Brandenburgicis præclarè quædam poemata exorsus fuisset: tum statim & iterum aliquanto post, ille ipsum & muneribus ad ea, quæ instituisset persequenda inuita-

inuiauit, & litteris, quas ipse quoq; legerim, monuit: quæ res vniuersa & curæ hactenus fuit Censorio, & curæ deinceps etiam futura est: neq; non in præsentia funebre aliquod panger, donec pleno ore immortales eius laudes, in opere, quod dixi, concinat. Et quidem hoc meritum est Alberti illustrissimi, vt non solum ab ijs, quos munificè tractauit, sed & à nobis, qui publicæ utilitati litteras ab ineunte ætate didicimus, summa diligentia colimus, & maximis laboribus, minimo nostro commodo, propagamus, celebretur: quoniam ille non solum sibi, suæ genti, suisq; civibus & populis, sed etiam vniuersæ mortalium societati, etiam ad posteritatem, litterarum earumq; artium, quæ non nisi regis impensis alerentur atq; exercerentur, conseruationem magnificè adiuuit. quod ipsum illustri exemplo docere possum. Nam quod Erasmus Rænoldius, opus insigne mathematicū, diuturnis vigiliis elaboratū in lucem edidit: id totū & nos debemus, & sera posteritas sapientiss. & optriduci Alberto debebit: neq; hoc beneficiū vmq̃a obscurari poterit, & ne obscuraretur, auctor nō minus prudēti, quàm grato animo tabulas illas suas Prutenicas inscripsit. Quāquam autem etiam hac in parte multo esse

vberior poteram: tamen, ne mihi pro ampla epistola liber nascatur, hic finem faciam: & vsitata clausula, te Alberte Friderice princeps, obtestor, vt ea studia, quibus pater te imbuendum dedit, ne deseras, & paternis vestigiis insistas, quod eo certius, facturum te perpetuo, mihi persuadeo, quod quoscunq; mihi Marchiones Brandenburgicus videre contigit, eos præter magnitudinem animi regiam, beneficentissimos atq; litterarum cum studiosissimos, cum patronos maximos esse, intellexi: de quibus vero ex monumentis litterarum cognoui, cognoui planè eadem: deniq; ipsorum vultus, quos artificum manu in tabella expressos intuitus sum diligentissimè, humanitatem & clementiam nativam, spirare dixeris. Sic sane mihi visum fuit, etsi non sum aliquis physiognomonum, quorum tamen coniecturæ non sunt de nihilo, si sapientibus credimus. Quod igitur tuo generi proprium est, id tibi quoq; proprium esse, minimè dubitabimus, poteruntq; te omnes tui maiores, & qui hodie florent, gentiles tui, ad summa quæq; excitare: inflammare vero certe exemplo suo te poterit adolescens clarissimus Ioachimus Fridericus, sapientissimi VIIviri Ioachimi II. nepos, Marchionis



nis fortissimi Ioannis Georgii filius, qui te non multis annis maior est. Ipsi enim cum educatio tuæ similis contigisset, puer litteras didicit, quibus se & ad bene viuendum & rectè imperandum præpararet. Sollicite namq; & quidem vltro sequebatur ducesum suum Thomam Hubnerum: cuius ego virtutine an doctrinæ, cum eo nihil sit probius, nihil doctius, nihil deniq; disertius, plus tribuam, apud me nondum constitui: me vero etiam, qui viro illi opt. atq; doctissimo, ambarum illarum studio essem coniunctissimus, sæpe coram, sæpissimè etiam per litteras, summa cum voluptate audiuit. Ità accidit, vt & per nos, & per hæc studia, quæ coleret, maturè omnibus bonis innotuerit, admirationemq; etiam suæ virtutis in longinquis terris, apud eos, qui virtutem & verum decus intelligunt & celebrant, singularem concitarit. Nam de aliis non dicam, qui plurimi sunt: colunt Ioach. Fridericum, nostri sæculi doctrinæ principes, Petrus Victorius & Carolus Sigonius, iamq; ad eum aliquoties *ἄλλοις* miserūt, doctissimè scriptas, & refertas salutaribus doctrinis, depromptas ex opulentissimis thesauris sapientiæ: neq; non amplissimis porro laudibus ornabunt, iidem etiam, vbi ipsū, quando nunc



legitimis suffragiis in Germania pro primatu est, & doctrinæ studia minimè abiciere, & ita, ut litteræ ipsum docuerunt, quotidieq; adhuc docent, populos suos iustissimo æquissimoq; imperio regere, nisi iam ea fama Alpes transit, intellexerint. Huius te amplissimis, verissimisq; laudibus favere, & earum æmulum esse, tuæ ætatis, tuarumq; partium est. Verum, quæ ego te omnia monui, quæque recensui, cuiusmodi te ad summam virtutem & sapientiam possent inflammare: eadem te monebunt quoq; alii, & recensēbunt hisce etiam multo plura, prout res ferre videbitur. Ego iam huic epistolæ finem imponam: quæq; ad te præterea vel de studiis litterarum, valde equidem instituto utriusq; nostrum accommodata, vel de diuinis parentis tui laudibus scribere poteram, in alium locum differam. Reliquum est, ut te rogem plurimum, ne hoc meum in te studium, atq; hanc scriptionem improbes: quamquam mihi persuadeo, te officio hoc meo, quæ tua est bonitas & prudentia, cum per se delectatum iri, tum maxime, quando intelliges, me tuorum meritis obnoxium, hoc ipso fungi non solum potuisse, sed potius debuisse. Primum  
namq;

namq; dux Ioannes Albertus mihi iam inde à puero , cum ipse, omni genere doctrinæ politissimus, de ingenio meo censuram egisset, nihil vnquam, quod ad me adiuuandum ornandumq; faceret, negauit: tum Germaniæ Proprimas Ioachimus Fridericus, singularibus etiam beneficiis sæpenumero iam me adficere non dubitauit. Cum igitur vtriusq; principis bonitate, me non solum ipsis, verum ambabus vestris familiis, Marchicæ & Megapolitanæ obligatum sentiam: tu profecto non solum hoc, quod facio, collaudabis, verum etiam tuorum cum sim, tuum quoq; me esse, & vltro voles, & benignè iubebis: id quod alterum erat, quod itidem te in hac clausula non minus, quàm superius plurimum rogarem. Vale, & ita præclare te in isto imperio gere, vt, cum tu, quæ ad beatè viuendum faciunt, repereris, cum tuis deinceps vitæ beatæ commodapaternè communices. Suerino XV.

Kalend. Maii. Anno Clō.

IO. LXIIX.

IOAN.

IOANNES CASELIVS  
SAMVELI FRATRI  
S. D.



Tinam valeas, mi frater: etsi vos valere omnes, cupide spero, cognoscere autem cupio maximè: metuo interdum, ne quid cuiquam nostrum, passim istic sæuiente pestilentia, vt audio. Amabo te, vide, siue in eadem naui vos quoque estis, siue nihil tale vobis timendum est, valetudinem tuam vt tuearis, quantum potes: quod consequeris, si & corpus exercebis, & tibi à studiis magis quàm soles, temperabis. Etsi enim neq; ego, neque quisquam, qui eas rectè degustauerit, litteris exsatiari potest: tamen nostræ naturæ, in qua aliquid mente hæret debilius, moderari nos rectè, æquum est: prorsusq; nobis præstandum, ne ignobiliorem nostri partem, tamquam minimè nostram, verum alienam, deseramus: sed potius, vt hoc animi nostri domicilium, veluti probi ædiles, huic à natura rerum præfecti, sartum rectumq; perpetuo tueamur. In hoc, etsi laboraui, quod tu non  
ignoras

ignoras, semper sedulo: tamen in quantum vitæ discrimen, quàm insperato incidi? de quò meo graui casu audieris ex Centorio, cui tamen nescio, quid abeunti litterarum dederam: scripsi & postea per Megapolitanum: tertiam hanc epistolâ do adolescenti, qui te itidem, si ad te ipse, ut puto, veniet, de nonnullis docebit. Ex morbo conualeſco, quo iam dies CII L. decumbo: breui spero, rotum me colligam. E comitibus vero etiam nostris Iochimum Molsanum: quanto robore iuuenem? amisimus. Hoc tamen ipsum robur paucissimorum dierum spatio nescio quo morbo infractum corruit. Non igitur frustra te hortor, vt tibi hac tua ætate, & hoc tempore, quæ ad te tuendum, nobisq; conseruandum faciant, diligentissimè videas. Hæc ut te monerem & roga-rem, mouit me atq; impulit, primum amor, plus etiam quàm fraternus, quo te prosequor: deinde publico hoc nomine facio, quod, si superstes nobis eris, bonis litteris & reip, hoc est, generi mortalium, tuo loco, adiumento & vsui te futurum esse video, cum eruditionis solidioris, & virtutis non simulatæ ea iam fundamenta adoleſcens feliciter ieceris. Sed quod putauim earum esse partium, vt te hoc monerem,

nerem, non ago nunc pluribus, cum quod te ante quoq; monui sollicitè, tum, quod, quàm libenter monitis meis pareas, scio. Quando visuri me sitis, quæris: affirmare nihil possum: tamen ante ver frustra me expectabitis. Tum autem adero, aut mei aduentus, quem tum vel appropinquare oportet, ex me nunciùm habebis. Aliquid librorum nobis cõemi, qui quàmprimum istuc curabuntur. Erasum Rudingerum, quem tibi non immerito singulariter colendum delegisti, virum & rectè doctissimum, & sincerè humanissimum ex me plurimum saluta. Vale. Bononia. Prid. Kal. Decemb. Anno CIO. IO. LXV.

JOANNES CASELIUS

*Casparo Flotouio*

S. D.

**V**T primum, Caspar Flotoui, ingenium in te perspicax, indolem singularem, & præclara ad veram solidamque eruditionem atque omnem virtutem principia deprehendi: (nam quibus

etiã

etiam abundas fortunæ bonis, ea me non mouerunt, neq; sapientis iudicio, generis splendorem aut opes cuiusquam vel regias per se suspicere) continuo te vehementer amare cæpi, tibiq; animum, amicitiamq; meam, à qua non abhorreret, vlt rø aperire non dubitavi: non mea quædam commodz secutus: sed eo feci, cum quia ex adolescente singularis expectationis non parum voluptatis capiebam, tum ut tecum aliqua, quibus adiuuarere, liberaliter communicarem. Nihil enim mihi prius, aut iucundius est, quàm & eruditis bonisq; atq; doctrinæ humanitatisq; cultoribus frui, & vel à maioribus de summis rebus doceri, vel inferioribus cura, laboribus & vigiliis meis, meo loco opitulari. Iam tu mihi testis es, quàm ego te à primordiis nostræ notitiæ, quoad simul viximus, fideliter & monuerim & hortatus sim, & si qua daretur occasio, etiam erudierim. His enim viis te facillimè in officio retineri videbam: neque vmquam ab hoc meo instituto, quo te volentem non leui beneficio mihi afficere viderer, vlla parte discessi: tibiq; meum in te animũ, & quãdo hoc itinere suscepto amici valedixi, & datis ex itinere ante morbũ gratissimũ litteris, confirmaui. Etsi autem non dubito

sed etiam simul sine reprehensione plurimum dulcedinis, atq; suauissimorum fructuum percipimus. Vides vero tamen, etiam me fateri multa nobis aduersa subeunda, multa difficilia superanda esse: sed hæc, & vitæ perfectio siue expolitio, qua nulli vnquam sano quidquam existit optabilius, & salus reipublicæ, cui natos esse nos existimare, sanctissimum est, & gloria, quæ numquam non huic excellentiæ comitatur, abundè compensat. De utroq; præclare te monebit Orpheus Cassij: cuius Orphei huc Roma missi proximè, fecit mihi copiam vir clarissimus: ex eo hos versus accipe & memineris.

*Non leuis adscensus, si quis petit ardua: sudor  
Plurimus hunc tollit: nocturno exsomnis oliuo  
Immoritur: delet quod mox laudauerat in se,  
Qui cupit æterna donari frondis honore.*

Et quidem hæc satis: ne si nimiam de te sollicitudinem præ me feram, de tuo animo nobilissimisq; studiis dubitare aut sinistrè suspicari videar. Vale. Florentia. VI. Id. Ian. Anno Clō.

IO. LXVI.

N

IOAN-

IOANNES CASELIUS

S.D. Victori Bassenitio.

**L**itteras primū tuas Dresæ  
certo homini ad tuos perfe-  
rendas tradidi, cum me tar-  
dius in Megapolin venturum  
viderem: reliqua ipsis coram ex-  
ponam & reddam: id erit non citius quàm  
Ianuario. Tu autem quod vales, quodq;  
operam litterarum studiis singularem na-  
uas (sic enim scribit gentilis tuus) valde  
gaudeo: teq; vt tibi constes, horro & rogo,  
quoniam tibi tuæq; genti ex animo volo.  
Quod si facies, certè futurum est, vt conse-  
quaris non solum, quod pleriq;, sed quæ  
ego tibi multo maiora prædicere solebam,  
vt te ad litterarum & humanitatis studia  
colenda inflammarem: quæ qui colant &  
persequantur; eorum profecto magna pe-  
nuria est; in summis præsertim & for-  
tunatis familiis, quæ apud vulgus præci-  
puè auctoritate valent. Cum enim eo-  
rum pauci ad litteras & singularem ve-  
ramq; virtutem animum adiungant: tum  
quàm ex iis multi ab ipsis, idq; multis per-  
niciosisq; modis abducuntur? quod qui-  
dem



dem tu non ignoras, & multos meministi. Neq; vero pauci in ipso curriculo cōcidunt & pereunt. Non numero eos, quos ego recordor, ne dolorem meum augeam: ac ne eos quidem omnes, qui dum domo absum, immatura morte sublati sunt, cum essent non iam in spe optima, sed etiam pleraq; illa bona fuissent adepti. Fratrem autem meum Samuelem Caselium præterire nullo modo possum, quem ego, ut tute scis, in alterum iam annum lacrymis prosequor, neq; possum ab iis mihi temperare, quoties vel ipsius nomen, vel verba, vel vultum recordor, aut monumentum ipsius ingenii intueor: in quo cum sim immodicus, sæpe me ipsum reprehendo: neq; tamen hoc dum vulnus sanatum est, aut breui cicatrix obducetur. Vulnus etiam nouum nunc accipio: quo ego nuncio te non libenter impertio, quando tibi non minorem, quàm mihi dolorem inuret. Amisimus autem amicissimum nobis atque carissimum Casparem Flotouium, qui licet modestus esset, ut decet adolescentem, & eum maximè, qui Musis nomen dederit, tamen leui quodam erratione cuiusquam an casu? (sunt autem lapsus iuuentutis faciles, & casus varij atque periculosi.) Francofurti ad Viadrum, quo studiorum

caussa abierat, periit. Cum enim ad dextræ  
carpum vulnus accepisset, quàm periculo-  
sum initio, affirmare non possum, in febrim  
incidit, quæ indies magis magisq; eum v-  
reret, vt tandem tabe exestus, cum & ipse  
multo melius speraret, & id vix metueretur,  
deletus sit. Nollem equidem, ipsum eo  
abiisse, ac rogatus consilium, diuersum ali-  
quando suaferam. Cum enim adolescen-  
tuli animum, & quidem ipsam adolescenti-  
am exploratissimam haberem, auctor eram,  
vt neq; à pædagogo, quem habebat, non cu-  
iusmodi ipsorum vulgus est, vt propterea  
pæne omnes male audiant; sed & satis do-  
ctum & minimè acerbum, dimitterent, neq;  
ipsum longius ante discedere, quàm & ætate  
esset maturiore, & animo ad litteras con-  
firmatiore, paterentur: ne scilicet corporis  
animiq; fideli custode destitueretur. Neq;  
enim nescio, quàm facilè optima etiam in-  
doles, dum sine certo duce vagatur, animo  
etiam fluctuans, vel prauitate sodalium cor-  
rumpatur, vel quauis etiam minima oc-  
cassione, quod Caspari accidit, pereat.  
Ipsam autem nulla dum sui parte, neq; hac,  
neq; illa re fuisse corruptum: sed tamen,  
proh dolor, vt ostendi periisse, comperi.

Ingens

Ingens ille matri Luciae Molsaniæ, fœminæ  
lectissimæ, quæ ipsum tenerè amabat, præ-  
senti tum (accerfita enim domo fuerat in-  
scio filio) & oculis summum suum dolorem  
intuenti: ingens profecto & luctuosum sui  
desiderium reliquit, neq; haud dubiè minus  
patri Andreae, qui huncce filium ornamen-  
to familiæ singulari, & præsidio, si quo um-  
quam felici familiæ opus esset, fratribus &  
propinquis futurum, iperauerat eam spem  
ego in optimi senis animo sæpe confirma-  
ram: neq; vt opinor, hoc temerè faciebam,  
quando ille vix ephebus, eo erat pudore, ea  
elegantia & suauitate morum, & modestia,  
ea deniq; vitæ innocentia atq; probitate,  
qua meminimus: ita & doctos homines cole-  
bat, & litteras amabat, vt has longo tempo-  
re, magnis expensis, multis vigiliis passim  
terrarum, non solum de consilio patris &  
amicorum, sed multo magis sua sponte si-  
bi parandas constituerit. Plurimum  
vero etiam ipsum incenderat Theoderici  
Molsanii aui paterni claritas: à quo se ab  
ultima pueritia amari plurimum & hac  
quoq; educatione assuefactum, memine-  
rat. Nemo igitur non ipsum, si vixisset,  
satis maturè omnibus amplissimis animi  
dotibus cumulatum, non solum genti

te eo magis rogo, quoniam tibi educatio liberior contigit, & animi tui impetus sunt acriores. Hi autem facile iuuenilem ætatem in pericula, sæpe etiam in exitium præcipitant: neque aliter aut certe non rectius compesci, quàm ratione & iis litteris, in quibus tu versaris, possunt. In quam sententiam vberius ad te scriberem, nisi hæc quoque non valde necessaria esse multis nominibus arbitrarer. Præter enim quàm, quod hæc ipsa non penitus non intelligis; habes istic & humanè viuendi illustria exempla, & doctores nobilissimos, vt alia desiderare non debeas. Quod si enim quis conuicerit olim ciues Athenienses è quouis alio, quàm è Socratis moribus & doctrinis, potuisse rectè viuendi rationem melius accipere & plenius; tum consulam, vt alium tibi doctorem, quam senem Victorium quæras. Quem quidem virum, nisi tu vt summè obseruas, ita quoque audies & sequeris; tum si quid aliquando minus tibi è sententia cesserit, id nèque eniquam alii, neque fortunæ, sed tibi ipse imputes necesse est. Verum iterum mihi rogandus es, vt hoc supervacaneum, vt iudico, officium, & hanc te cohortandi, quam mihi sumo, libertatem, non iniquo

animo accipias: meæq; huic siue stultitiæ siue curiositati, siquidem alterutrius me reum agendum existimas, amicè & promptè veniam des. Quidquid enim huiusfacio, id facio non aliam ob causam, quam quod & tibi & toti vestræ genti Bassenitiæ bene ex animo volo: sicut & ante dixi & tibi constare arbitror: quam egregiam erga vos voluntatem familiaritas & animorum coniunctio, quæ mihi multos iam annos ex similitudine vtriusq; nostrum studiorum nata, cum gentili tuo Ioachimo est, in me peperit potissimum, cum vero animum mutuis officiis facile tuebimur. Vale. Lipsia VII. Id. Xbr. Anno Clō. Iō. LXVII

JOANNES CASELIUS  
S. D. Petro Victorio.



AD XV. Kal. IIXbr. postremum ad te domo mea litteras dedi, quarum in extremo, iterum istuc scribendi commoditatem vix ante Kl. Ian. me habiturū significavi: neq; non multū circum

cumspexi, vt hæc istuc quàm rectissimè & sine mora venirent: cum, quia hoc multum ad Ioachimum Basseuitium nostrum pertinet, cuius negotia, æque vti mea summa mihi curæ sunt: tum, quoniam Kalend. Nouemb. hic à te mihi litteræ redditæ sunt, quas tu dedisti X. Kal. Sextil., ne, si serius responderem, à mea consuetudine atq; diligentia, debitaq; vobis obseruantia discedere viderer. Quamquam enim de me tale quidpiam ne quidem suspicaturi estis: tamen me ipse, ni in officio sum, grauissimè accusem, & animi angam. Intellico autem litterarum aliquid istuc perferri: aliquid perire. de earum tamen aliis minus sollicitus sum, quod damni nihil fecerimus: duo vero fasciculi, vercor, non perierint, quos istuc saluos perlatos omnino velim: priorem misi Lipsiæ, cum ad te scriberem prid. Kalend. Ian. in quo erant ad te præter meas, Marchionis Ioachimi Friderici, & Thomæ Hubneri epistolæ: quarum neq; tu alicubi, neq; Iacobus filius tuus, neq; Basseuitius noster mentionem facit: alterum Suerino misi: id erat, ni fallor, mense Quintili: in eo erant meæ plurimæ. Scripseram enim & ad te & ad sodales istos nostros, quorum consuetudine

ris tuis aliquam hausi. Nam & ipsam rationem persequor, atque in consilium adhibeo, & tuum istud exemplum intueor. A tua enim doctrina & vita discedere, mihi duco turpissimum. Itaque etsi non queo amissi fratris desiderium delere: minuo tamen dolorem aliquantulum. Utinam vero Ioachimus noster hoc luctu, quem primus ipsi nuncio, dolori quoque non nimis pareat. Scio enim, quàm sanctè ille matrem, honestissimam matronam, à quà tenerè amaretur, coluerit: ea autem superioribus diebus decessit. Ego quid acciderit, narraui: iussi, ut à se & à vobis consolationem peteret: neque non eius animum vos sponte erigetis & confirmabitis: quod tamen te rogare audeo. Valde enim sollicitus sum de incolumitate amicissimi sodalis: & vereor, ne ad superioris morbi reliquias ægritudo quædam animi nimia accedat. cui malo tuis verbis omnem viam obstruxeris: neque vero quisquam apud ipsum plus meliusve poterit: neque is quemquam te promptius audiet. Iacobum filium tuum, vestram familiam, amicos ceteros plurimum saluto, quibuscum benè diuq; vale. Rostochio. Prid. Id. Nouemb. Anno cl. l. LXIIX.

IOANNES CASELIUS  
S.D. Joachimo Bassenitio.



Vam acerba vnicuiq; sit hominis carissimi amissio, nemo est mortalium, carissime Basseniti, quin aliquando, interdum etiam sæpius, experiatur: & ego in funere optimi atq; eruditissimi, & hisce de causis non minus tibi quam mihi carissimi fratris Samuelis, expertus fui: neq; tu ignoras, cum de ipso incertus rumor istuc adferretur, quanta cum animi ægritudine tum fuerim luctatus, quamquam rumorem allatum vanum esse, anxie optauerim. Id tu non ignoras, qui me moestum consolari, pæneq; iacentem animum, & bonis rationibus, & reliqua etiam spe erigere solitus fueris. Hanc vero etiam dum in itinere sum, amicus quidam, qui sibi ipse id persuaserat, aluerat: sed frustra susceptam, frustra confirmatam, vt Lipsiam veni, luctuosissimus equidem, sed verissimus nuncius in perpetuum evertit. Tum igitur in ingenti dolore cum essem, ad Victorium senem præstantissimum, quem de peregrinatione, ceterisq;



terisq; meis rebus certiozem redderem, id quoq; perscribere non dubitavi. Ipse vero rescribens, suum quoq; casum mihi narravit; vxorem decessisse, qua cum totos annos quinquaginta vixisset: quod tu me ante docueras, quemadmodum hactenus hoc scribendi officio diligentissime fungimur: nec ille quidquam præterea. Ait enim, ipsum me videre conditionem mortalium, & quomodo hæc, quæ, reparari non possunt, ferenda sint, intelligere, eaq; sequi, quæ intelligam. Erubescio profecto, ea mihi tribui, quibus caream, neq; tantum profecisse, ut naturæ necessitati silentio obtemperem. In hunc enim etiam diem magnopere me desiderium fratris excruciat. Quo æquior sum etiam aliis, quibus iustam esse doloris causam intelligo: neq; mihi satisfacio, nisi amicos oratione mea subleuem: maxime si recens sit luctus, cuiusmodi hic noster est. Eum tibi ego inuitus profecto nuncio, cui multo grauissimus futurus sit: quod tamen facio: neque etiam cælare te pro nostra animorum coniunctione quidquam debui. Vtinam vero, qui hoc vulnus primus tibi ostendo, primus medicinam faciam: sed hanc à te ipso, à constantia animi tui, à  
lit-

## LECTORI SALVTEM.

**S**Vperiores epistolæ anno ab-  
hinc duodecimo editæ, edun-  
tur a nobis iterum, non paucis  
locis emendatiores: nec dubi-  
tauimus addere huius generis  
alia quoque, de quibus ita sentimus, meli-  
ora etiam à nobis posse scribi: hæc tamen  
esse non malæ notæ credimus: profecta ve-  
ro ab animo optimo, conscii nobis sumus:  
amante scilicet sincere amicorum, & cupi-  
do salutis publicæ.

JOACHIMO FRIDE-  
rico Administratori Archiepiscopa-  
tus Magdeburg. Marchioni Bran-  
deburg. S. D. Joannes Caselius.

**N**isi ego semper cognouissem sin-  
gularem animi tui in me affecti-  
onem; obseruare quidem te non  
desinerem principem præstantis-  
simum, & optimè de me  
meritum: hanc tamen scribendi consue-  
tudinem relinquerem. Quia vero vidi  
hacten-

neque æquum ius dicunt, & exhauriunt ciues suos, denique sæpe & sese & ipsam remp. evertunt funditus. Sed te principem bonis litteris institutum & versatum iam in rep. annis pluribus, & ciuili prudentia perfectum, docere hoc & monere fortasse non debeo, collaudare possum; neque tamen admodum sibi reprehendendus, si studio tui & amore patriæ, te hoc, quantumuis superuacaneum sit, moneam: præsertim cum mihi persuadeam quidquid huius facio, te optimum principem, sine vlla dubitatione in optimam partem esse accepturum. Vale.  
 Rostochio XIV. Kl. Febr. Anno Clō. 10. LXXIIX.

HENRICO JULIO, DESIGNATO Episcopo Halberstad. Duci  
 Br. & Lunab. S. D.  
 Joannes Caselius.



Lucet princeps Henrici Iuli, ex omnibus epistolis tuis studium non solum bonæ doctrinæ sed & humanitatis, quam esse omnium virtutum siue argumentū, siue ducem existimo, cuiusmodi esse iustitiam

tiam ferunt: Verum hæc legibus præcipitur: illa ab heroico animo sponte profiscuntur, omnem nî fallor, justiciam in se comprehensens, & superans. Cum autem ab singulari humanitate profiscatur tua in me summa benevolentia, quam collegisti ex aliqua meæ doctrinæ opinione: tum hanc declarat dolor tuus, quem ex meo dolore accepisti ultro ut si fieri possit, illius parte me leuares, & cura mei consolandi, qua neque nihil profecisti. Turpe enim valde putarem meq; indignum, si id quod tu ista ætate rectum esse, rectè videres, non facerem. Ego vero filioli mortem fero humanitus: hoc est, amissione infantuli & lacrymis meorum non nihil moueor: neque tamen non ut alia multa, ita hunc quoque luctum lenio ratione & moderatè ferò. Tibi, quæ mitto grata esse non dubito. Sunt enim profecto etiam eiusmodi, ut te in isto virtutis regię & imperatorię sapientię stadio, quod alacriter jam spectante Germania currere cæpisti, vel ducere, vel confirmare possint, vel perficere. Eius generis sunt Dionis quoq; libri de regno quatuor, quorum interpretationem egregiam à socero meo confectam, mittam proximè: & vnà tibi destinatum à me librum primum Cyri pædiæ: per typographum

phum fit, vt jam non mittam, quemadmodum facere constitueram. Sed hæc mora, vti spero, non longior erit menstrua, vel etiam breuior. Vale. & aliquem ex heroibus non illis, de quibus fabulæ veterum feruntur, sed hisce tuæ nobilissimæ gentis aliquando nobis factis régiis repræsentata. Rostochio. Kal. Febr. Anno M. D. LXXIIX.

JOACHIMO FRIDERICO  
*Administratori Archiepiscopatus  
 Magdeburg. Marchioni Bran-  
 deburg. S. D. Joannes  
 Caselius.*



Go igitur teneo pristinam consuetudinem, vt ex intervallo ad te vel aliquid scribam, non abhorrens ab ea dignitate, quam geris, vel mittam etiam aliorum monumenta, quorum lectionem regibus vsui esse sperem. Video namque hoc esse rectissimum. Profecto enim rectissimum est, cum per se: quis enim hoc intelligens reprehédet, vel potius non magnopere

probabit, te ad rectè impetrandum veris rationibus excitari, siue in iusto imperio confirmari? tum quia perspexi, hoc meum officium semper accidisse tibi gratissimum, quod ego ad rem pertinere plurimum semper existimaui. Nam neque me æquali, quem minus mei cupidum animaduerteterem, offerrem, siquidem stultum esse iudicatur, inuitum amicum facere, aut de nolentē bene mereri: nedum ego me tanto principi obtrudam. Tamen, ut hoc ego & parum honestum & me indignum existimo, ita & mihi honorificum & me maxime decere iudico, ut quam olim mihi tuam gratiam honesta via peperiri, tuear: (neque inficior, te aliquando, si opus sit, vel mihi, vel meis, præsidio esse posse, quod neque ipsum negligendum est, mihi præsertim, qui tuam liberalitatem expertus antea fuerim.) cum hoc sine molestia tua possim facere: ut cum aliqua utilitate tua: non ausim dicere, optare possim, sperare non dubitem. Itaque tantisper utar mea vetere consuetudine, quandiu eam tibi probari suspicabor. Cum his vero litteris ad te mitto Dionis Chrysostomi de regno libros, soceri mei iussu, ut vides, qui eos latinos eleganter fecit. Iam quod de iis, quæ à me profecta essent, non facile roga-

rem

rem, quæso te, princeps optime, ut ex mediis occupationibus tuis eripias aliquid tibi otii, ad Dionem legendum. Ipsum virum sapientiæ & virtutis gratia laudatissimus imperator Traianus in curru regio secum vehere solitus est, ut audiret de imperio differentem: neque tu te indignum feceris, si tecum hunc librum feras, è quo eadem, quæ ille audiit, siue legas siue audias.. Affirmo tibi, plus ex hac lectione voluptatis capies, quàm ex elegantissima venatione, etsi hoc studium & regibus & omnibus politicis viris semper visum fuit incundissimum: plus etiam utilitatis. Hoc enim est, quod me non dubitare, paullo ante aiebam. Certè enim lectione & consideratione doctrinæ politicæ, consilia, tamquam epulis saluberrimis, aluntur & corroborantur: quod te non secus sentire existimo. Ipse in rep. Atheniensi versatus, Demetrius Phalereus, cum exul in Ægypto viueret, auctor erat Ptolemæo Soteri, ut libros, qui de regno & gentium gubernatione scripti essent, & pararet & legeret. Aiebat enim, libris ea contineri, de quibus amici reges ne commonefacere quidem auderent. Quod ille vir sapiens, regi potentissimo suavit, ad te quoque pertinere, ultro existimabis, vterisq;

etiam hoc genere consiliariorum quotidie: qui & plenè & liberè, & fideliter te de omnibus erudiant, longissimè remoti ab assentatione, auaritia, spe, metu, cuiuscunque generis cupiditatibus, & animi morbis. Quod velim sic existimes à me dictum, non quo iis, quorum consiliis vteris, aliquid derogem: sed potius fidorum hominum augebitur auctoritas, cum illis auscultabis, qui hisce, quæ doctissimi homines nobis reliquerunt, consentanea consulent: quod qui non facient, hostu princeps prudentissimus in consiliariis minimè habebis. Quod si hoc siue meum, siue Phalerei consilium non aspernaberis, minimè omnium te pœnitebit: quod tamen te antehac vti solitum, mihi penitus persuadeo. Proinde ita meam petitionem accipies, vt rationis tuæ approbationem, meque quidquid huius scribo, ab optimo animo; hoc est, tui obseruantissimo, quando & ita dignus es, & de me meritis, & publicæ felicitatis cupidissimo, profectum esse non dubitabis. Vale. Rostochio Idib.

Mart. Anno CIO. IO.

LXXIIX.

OTHO-



OTHONI HENRICO

Duci B. &amp; Lunab S, D.

Joannes Caselius.



Um ad eos scribimus, quibus-  
cum ante neque amicitiam co-  
luerimus, neque notitiæ quid-  
quam fuerit, ac potissimum, si  
iis humiliores nos esse intel-  
ligamus; initio facti nostri rationem redde-  
re consuevimus, ac certè hoc modestiæ iura,  
ni fallor postulant. Sed hoc mihi in pro-  
cliui est. Dicam enim, carum me esse duci  
Othoni, patri tuo, principi sapientissimo &  
humanissimo: dicam non carum solum, sed  
& familiarem duobus tuis fratribus, qui  
tibi ætate sunt proximi, quorum natu ma-  
iorem & coràm & litteris ad studia doctri-  
næ cohortari solebam sæpius: alter, vti scis,  
domi meæ educatur, non sine aliqua etiam  
cura & vigiliis meis: vt non solum mihi  
licere ad te scribere, sed hoc quoque pæne  
officii mei esse alii existiment. Quo vero  
& ipse minus dubitem, hoc mihi facien-  
dum, causæ in te sunt potissimæ. Colis  
enim sapientiæ studia, in quibus omnes, te  
& tuo loco & istis annis dignos progres-

sus fecisse nunciant, & me amas, vt mihi Theobaldus ostendit, homo admodum amans mei, & tuæ vniuersæ gentis, vt quisquam studiosissimus. Sed & hic ipse hæsitantem non nihil confirmauit, quod te nosset à puero, & persuasit etiam non admodum reluctanti meas tibi litteras haud ingratas futuras. Itaque ipso auctore, vel inanes ad te dedissem litteras: etsi argumenti ad scribendum satis superque est. Nam tibi gratulabor primum, quod saluus domū è florentissimis & cultissimis regionibus; cum plures annos abfuisses, redieris: sed multo adhuc magis gratulabor, quod non vacuus, vt multi, ( neque enim eorum hic mentionem faciam, qui deteriores semetipsis reuertuntur ) sed vt pauci, eaque re optimi, optimis atque maximis disciplinis & regiis moribus atque virtutibus ita auctus egregie & probe expolitus ad tuos te retuleris, vt habeas in te iam iam ipse omnia, quibus & celebritatem familiæ regiæ tueri, & summos honores adipisci & gerere, siue te ad artes pacis siue militiæ ex nobili otio, quod hactenus coluisti, referas, & præclare de patria & genere mortalium mereri possis. Accipies vero etiam, vt principem decet, ad summa quæque & optima contendentem,

post

post gratulationem, ut te de vna re atque altera moneam: non quod quæ dicturus sum, ea te fugere existimem, sed, ut quæ & iple sentias & ex aliis audieris, eadem ratione mea confirmem. Horum prius est, cum ad res gerendas accedas, ut memineris, quorum hominum consuetudinem fugere, quos expetere debeas. Solent enim se ad omnes quidem applicare mali, sed potissimum ad principes pessimi quique & astutissimi, tum quia alios lædant innocentes homines, tum qui cui maximè se gratificaturos pollicentur, eum funditus euertant. Ex multis nominabo tibi sycophantas & adulatores, quod qui ab his sibi cauere didicerit, à ceteris quot quot sunt illius generis, sibi facillimè cauerit. Sycophantæ vero, præterquam quod optimum quemque calumniantur, & quod in ipsis est perdunt; arcant à principum conspectu bonos, è quibus plurimum quotidie proficerent. Scitum enim est, reges consuetudine sapientum reddi sapientiores, hoc est, prudentiores & beneficentiores. Sapientibus enim hoc curæ est, ut ex animis inscitiam & cupiditates, ex vita quidquid est vitiorum, quæ è superioribus, & incommodorum, quæ ex vitiis pullulant, radicitus euellant: à quibus si purgati sint potentiores

tiores, quiq; clauum reip. tenent, & ipsi beata vita perfruuntur, in hac mortalitate, & quidquid est bonorum cum plurimis mortalium adeoq; vniuersis populis communicant. Alterum genus vulpêculæ artibus magis instructum est. Hi enim regibus assentantur, cum illos deos faciunt, & eorum cupiditatibus obsequuntur, & oleum tanquam camino affundunt, & vitia tetra luculentis virtutum nominibus pingunt, quin tyrannidem severitatem, leuitatem humanitatem, sordes parsimoniam, luxum hilaritatem, prodigalitatem munificentiam negligentiam & somnum quietem & animi relaxationem, sceleratè interpretantur. Quæ venena vbi animis potentiorum, qui forte & natura, & institutione, & animo, boni erant, instillauerint; ipsi perdit, & eos perdunt & rempublicam vna. Quod cum & aliis euenerit omnium ætatum regionibus quamplurimis, & ipsi orbis domitori Alexandro, bene nato, bene educato, bene denique erudito; hoc magis tibi cauendum ab vtrisq; existimes, & multo maiore cum cura, quàm iussus fuit Vlysses nauem suam rectè à Scylla & Charybdi per medios fluctus dirigere. Est enim profecto tempestas perpetua vitæ mortalium, cui gubernator omni

minium præfecit tamquam naui gubernatricem rationem, quam excutiunt & interni, qui constringendi sunt, & externi hostes, qui profligandi validius, quàm Scytæ, aut vlla barbarorum immanitas: concilianda animis nostris tranquillitas, intelligentia, consilium, arcessenda & præsidia amicorum: sapiētes principio, quos cum dico, non vulgari more me loqui putabis, sed hoc intelligo, non qui recondita naturæ perscrutantur, etsi cælestem velut in terris vitam sibi met illi degunt, neque qui se simulant scire multa vel omnia, neque quidquam sciunt; atque si qua sciunt, ijs in vita non vtuntur; sed viros bonos, cuiusmodi ex aulis fere exulant hodie; ita vero bonos, non qui nemini noceant, sed & optima faciant, & qui huic rei studeant, hos adjuvent, cuiusmodi ex avaris & ambitiosis judicabis esse neminem. A quibus hæc vitia, virtuti veræ & publico commodo è diametro adversantia & capitalia abesse senties; de ijs bene opinandi causæ esse plurimum arbitrabimur. Alterum præsidiorum est, quo te jam præclarè instructum esse existimo, bonæ doctrinæ copia, quam potissimum ipsa philosophia proficitur, quæ à comitatu suo non abigit neque  
poetas

poetas neque oratores neque historicos, neque quidquid est elegantium vitæq; bene beateque degendæ inseruientium scriptorum. In his ut plurimum profeceris; non tamen neque statim, neque umquam de manibus deponendos existimabis. Non minus enim quam corpus alimentis; & animus epulis sapientiæ conseruatur: illud ad labores tolerandos, hic ad præclara facta designanda, quibus consulitur societati hominum. Nisi putarem te à libris longius digredi non posse, (vix enim fieri potest, ut possit, qui eorum vel potius scientiæ suauitatem, veluti deorum immortalium ambrosiam, degustarit) agerem tecum pluribus, teq; & rationibus erudirem & exemplis confirmarem, ostēderemq; tibi non solum Archytam, Pythagoram, alios, qui cum imperarent, tum philosophari se præ se ferebant, sed & Alexandrum principem poetarum in deliciis habentem, Xenophontem eisdem manu & fortiter cum hostibus dimicantem, & divina viræ præcepta posteritati prodentem, Scipionem Cyripedia utentem non minus, quam viatico. Sed fretus bonitate naturæ tuæ, & profectu egregio, quem in regiis te litteris (facebat enim quæ eruditio perquam indocta in vulgus celebrabatur) fecisse au-

se audio, non agam tecum pluribus in præsentia: meminisse te iubebo, & quibus hominibus utaris familiariter, quod cuiusmodi hi futuri sint, talem esse te quoque necesse est, hoc est si boni, bonum, bonaq; impertientem aliis: diuersum enim ominari nolim: & quàm litteræ tibi colendæ serio sint, etiam, & in perpetuum nouo sorte exemplo, vel raro, sed diuino etiam euentu. Quod si intelligam te hæc animo eiusmodi legisse, quo ego meditata scripsi: crebrius aliquid depromam ex diuite Musarum penu, quod & voluptati tibi sit citra omnium reprehensionem, & vsui cum approbatione omnium. Vale, meq; in tuis habe: quod haud dubiè facies, si credes, in quo minimè fallêris, me tua causa hæc ad te scripsisse, cuius laudi & felicitati & tua & tuæ regię gentis & publicæ vtilitatis nomine mirificè faueo.

Rostochio. non. Iun. Anno M. D.

LXXIIX.

GVIL-

moneam, vt initio habeas valetudinis tuæ rationem, quam conseruasti apud nos domi meæ hætenus pulcrè: vt perpetuo serues Deum quæso: alterum est; vt te ipsum in hoc stadio vinças, nullius expectans, cohortationem sapientissimi patris tui diligentia anteuertens; quod omnino consequeris, si non solum in studiis sis, cum in iis te esse omnes vident, sed etiam aliquid eruditum atque elegans cogites, & quando solus es, sic autem minimè solus eris, neque requires quibuscumque tempus fallas, & quando cum aliis tibi res est seria vel ludus etiam, atque ita solus quoque eris, cum maximè apud te sis. Sed verborum iam nihil amplius faciam, ac potius altero mense reuertens, & firma valetudine, & cum in litteris, quem reliqui abiens vel multo meliorem, videbo. Crescit enim virtus quotidie, neque potest in æquo loco consistere prius, quam in apicem ascenderit: quod in tuam ætatem nondum cadit, ac forte ne quidem in hominem, si Soloni credimus, homini sapientissimo, qui sese etiam canescentem semper multa scripsit addiscere: id quod nullius adhuc est perfectionis. Finem igitur faciam huius epistolæ: sed scire voles, quid in  
man-



mandatis tuis egerim; ne dubites hic etiam reperi, quæ tibi grata & ex usu tuo futura existimem: Inueniam plura alibi. Vale Alba septemuirali. Pridie non. Quintil. Anno CIO. IO. LXXIIX.

*SIGIS MUNDO AV-*  
*gusto Duci Megap. S. D.*  
*Joannes Caselius.*



Ficii mei erat, ut cum ita proximè à te abessem, ipse tui salutandi causa & obseruandi accederem: quod profectò fecissem, si tam propè te esse, ut hic audio, Virebergæ audiuissem: nunc comites non sinunt. Secundum est, quod pæne etiam mihi tempus adimit, ut ad te scribam; quod sine scelere nequeo prætermittere: cum & sim hodie apud principem Ioannem fratrem tuum, & ipse te his diebus visurus esset, proficiscens venandi gratia ad Electorem Saxoniae, Augustum. Cum autem argumentorum ad te scribendi mihi copia suppeditet; iam omnia illa negligam inuitus sanè, quod ut ostendi excludor tempore.

Neq;

Neque tamen quamprimum ad te scribam  
vberius, & loquar tecum vel de studiis lit-  
terarum, quæ hac ætate tua colis, vel de  
officio principis, quod paulo post tibi tuen-  
dum erit. Tamen, ne inanis esset epistola,  
mitto iam ad te exemplum meæ primi Cyri-  
pædiæ interpretationis: quem librum si le-  
ges diligenter, non parum proficies. Itaque  
te ad eius lectionem inuito, & similium li-  
brorum, de quibus audis sine dubitatione &  
sequeris iudicia doctissimorum hominum,  
qui te tuosque æquales erudiunt, & ad rectè  
vivendum & rectè imperandum sedulo e-  
ducant. Vale. Lipsiæ. VI. Id. Quint. Anno  
Cl. I. LXXIIX.

CAROLO PALATINO  
*Rheni Duci Banariæ S. D.*  
*Joannes Caselius.*



Am ab aliquot annis cognoui ex  
multis præclarū studium, quod  
in bonis litteris & iis maxime,  
quas regias appellare soleo, quo-  
niam regum principumque a-  
nimos ad rectè vivendum, & rectè impe-  
randum

randum informant, collocares. Gratulabar igitur tacitè tibi, & populis, quos aliquando reges. Nam cum vnique hominum ex animo, vti bonum virum decet, bene velim; tum remp. cupio esse beatissimam, quod quæ communia sunt bona, redundant etiam in singulos: quemadmodum nauis vento secundo acta, vna nauigantium gaudet quilibet. Sed ex omnibus, qui de re mecum vel in sermonibus, vel etiam per litteras egerunt, nemo me plenius docuit, quàm amicus meus Ioachimus Basseniti-  
us. Ostendit enim mihi, te hac ætate eò esse progressum, quo pauci tui ordinis vquam perueniant: neque posse tibi iam esse quidquam obscurum in litteris, quo constitueris penetrare. Cum id mihi ostenderet pluribus, quàm hic referam vitandæ assentationis gratia; magis me inflammavit ad te diligendum. Quod cum ille animaduert-  
eret, egoque ad æqualem tuum principem Sigismundum scriberem, non solum me monuit, sed pæne coegit, vt ad te simul aliquid litterarum conficerem: in quo tandem cessi homini, cum si quid hic peccaretur, omnem culpam se facile sustinere & posse & velle diceret. Itaque hæc scripsi pæne nullo argumento, nisi pateris, vt te  
collau-

collaudem in hoc tuo curriculo, quod permodestè mihi faciendum intelligo, & ardentem veræ laudis cupiditate incendam magis quod minimè opus est. Sed, quod tute scis, sic est in consuetudine positum, vt optimum quemque collaudemus, & qui huiusmodi sint, magis incitemus. Persequere igitur id institutum, princeps Carole, & adolescens cognosse sapientiam: quod profecto facis, qui in bonis scriptoribus rectè intelligendis multum studii & laboris ponis. Atque hoc est operæ precium, neque in procliu. Crede enim mihi, vt plerique optimarum & regum sermones omni attentione auditos, non satis intelligunt: ita multo pauciores sapientum doctrinas accipiunt, etiam si ipsorum libros videantur sedulo euoluere: atq; hoc ita arduum censuit quidam olim homo doctissimus, vt eo nomine Traianum optimū imperatorem laudare non dubitauerit. Neq; mihi dubium est, quin intelligentia amplissimarum & optimarum doctrinarum, animi nostri decretum mirificè corroboret, vnde omnia deinceps præclara facinora & merita erga mortales prodeunt. Facies igitur hoc sedulo, quod facis, & quæ scripsi, ab animo tui perquam studiose fluxisse, tibi persuadebis: quod & testa-

bitur, qui huius mihi scriptionis auctor ex-  
stitit, animi mei testis locuples. Vale. Hali-  
bus Saxoniciis. V. Id. Vtilis. Anno C I O.  
I O. LXXIIX.

OTHONI HENRICO

Duci Br. & Lunab. S. D.

Joannes Caselius.



VM domo abessem mense  
Quinctili, allatus est istinc fa-  
sciculus, in quo erant & illu-  
strissimi patris tui, & tuæ ad  
me litteræ: ex tuis vidi quas  
ad te dedissem, tibi redditas & gratas fuisse,  
perinde vt mihi de humanissimo tuo inge-  
nio fueram pollicitus. Hoc igitur est, quod  
gaudeam: sed alterum multo magis lætor,  
cognouisse iam me certo, esse tecum, qui  
mihi à pluribus, qui tecum passim gentium  
vixissent, fueras prædicatus. Ijs quidem  
vt debui, credidi, & præstantibus homini-  
bus, & idem velut vno ore prædicantibus:  
sed vt si tabulam Apellis ipse videas, plenif-  
simam ex eius contemplatione voluptatem  
capias, ita cum te in litteris, quasi coram  
vide-

viderim, plus accepi lætitiæ ex te, quam antea, & pluris te facere incepti: forte etiam hac de causâ, quod meam epistolam probasses, & me etiam diligere videreris. Sed hoc ut sit aliquid, minus profecto est, quàm in ipsis litteris, quæ non solum purè loquuntur, quæ aliqua & rara laus est apud homines eruditos, sed quia, quæ summa apud principes, sapienter. Ostendis enim, non solum te amplecti, quæ scripserim, optimo in te, ut quoque accepisse te video, studio, sed & hætenus fuisse secutum, & secuturum perpetuo: qua constantia mirum quantopere hominibus opus est, maximè isti ætati, qua erat & Hercules, cum apud se, ut sapientes prodiderunt, siue vere siue nostri erudiendi gratia, utro se verteret, deliberaret. Cum vero tu optimam viam ingressus modo sis, facilius tibi erit neque nobis causæ quidquam est de heroica natura tua aliter suspicandi. Licet autem sit per se facile, ut nunc tibi largior: tamen foris tot sese obii-ciunt difficultates, quot tibi proximè ostendi, ut merito tenendum sit utraque manu; & omni ætate unicuique nostrum maxima diligentia sequendum illud cautissimi poetæ, qui utilia quàm plurima educationi & vitæ mortalium scripsisse proditur à veteri-

bus , Epicharmi inquam , verbum : ὡς  
 quod profecto olim quoque celebratum  
 fuit à multis acerrimis viuendi censoribus.  
 Quod cum & tu facies, cætera erunt facilli-  
 ma, vti dixi: præsertim quando in aulam  
 sobriam te humanissimi archiducis confe-  
 res. Hæc laus , crede mihi, maior est, quàm  
 aut genus, quo natus est in orbe Christiano,  
 nobilissimo, aut potentia, qua gens Austria-  
 ca hodie nulli omnium cedit. Sed is quod  
 te diligere cæpit, id quoque magnum signū  
 est tuæ probitatis, & morum regionum ele-  
 gantiae. Perge igitur, princeps Otho Hen-  
 rice, hoc agere, quod agis: & iace fundamen-  
 ta felicitatis tuæ, vel potius, quia hæc præ-  
 clarè iam iacta sunt, perge quod instituisti,  
 opus perficere, consequere veris rationibus  
 amplissimas dignitates, & immortalem glo-  
 riam. Habes in eodem curriculo & fratres  
 tuos, quos tuo exemplo meliores quotidie  
 fieri; non hæc minima tibi laus est: quos vt  
 nunc præcedis, ita non desines vmquam la-  
 borare, vt te perpetuo sequantur; vt asse-  
 quantur, neque tu committere debes, neque  
 tamen non id illi, in certamine honestis-  
 simo, conari. Venit & consanguinei tui  
 in mentem principis Henrici Iulij, qui hac  
 pueritia , ( est enim æqualis fratris tui;  
 princi.

principis Gulielmi, paucis mensibus, ut credo, maior) incredibilem sui expectationem commouet. Nam, quod putatur esse principium eruditionis adipiscendæ, atque equidem est primus ad eam hac ætate gradus, Latine & scribit bene & loquitur expedite, intelligit satis: nihil est eo elegantius, nihil humanius. Ad laudem bellicam, quod hanc quoque doctrinæ hodie adiungitis, facitis dignum summis principibus; quod cum te intelligere sciam, finem faciam: vestræ vero familiæ hanc quoque dignitatem sapientiæ, ut spero, plenius aliquando gratulabor. Vale. Rostochio XIII. Kl. Sept. Anno CI D. I D. LXXIX.

JOANNES CASELIUS  
S. D. Thomæ Viccio.



Vo ego te magis amo, mi Thoma: cum autem adolescens hic olim mihi fueris carissimus, nunc es profecto multo carior, quando possides ea animi bona, quorum incredibili desiderio tum flagrabas, quod è perpetuo studio, cum aliis, quibus eum eras, tum mihi, quia nemine uter-



baris familiarius, apparebat. Quo igitur te magis amo; hoc grauius vulnus accepi ex binis litteris Theobaldi, quibus tuam valetudinem valde tentari & vehementer affligi nunciat. Quod si periculum nullum esset, tamen te corpore cruciari, tuasque honestissimas cogitationes & actiones retardari, ægrè ferrem. Significo autem tibi dolorem hunc meum, non ut tuum augeam, sed ut de tuo in me deriuem aliquid: aut si hoc non queo, patere, ut non nihil eum leniam. Si enim animum colliges, saltem non augebis labores corporis. Sæpe animaduersum est, animi morbo corpus etiam concidisse, ut illius firmitudine non parum hoc quoque fulciri credibile sit. Præter autem animi tui æquitatem, quæ digna est homine, præsertim semper in litteris versato, spem nobis facit & natura tua, quæ mihi imbecilla nunquam visa fuit, & iuuentus, quæ eluctari ex grauissimis etiam morbis, ut plurimum solet. Libenter item cognoui, te & consulere præstantissimum quemque medicum, & ipsi dicto audientem esse. Videor mihi te videre, ut prostratus iacebam anno abhinc XIII. Bononiæ: perieram equidem, sed emerxi deo volente, non iam naturæ bonitate, sed semestri cura medica. Utinam similem

lem in modum te aliquando emerſum vide-  
am, quẽ jam pridem auebam videre: vide-  
am vero non ſolum firma valetudine, ſed e-  
tiam honoribus florentem & opibus. Bo-  
norum enim, quæ hominibus obuenire poſ-  
ſunt, nihil eſt, quo te non eſſe dignum judi-  
cem. Auguror autem vtrumque futurum:  
tu modo animum obfirma, quo citius vale-  
tudinẽ te feliciter recuperafſe gaudere, &  
tibi gratulari poſſimus. Vale. Roſtochio.  
IV. non. Octob. Anno M. D. LXXIIX.

JOANNES CASELIUS  
S- D. Gregorio Berſmanno.



GO te, Berſmanne, ſimili lau-  
dationis ſagitta non referiam:  
vt vtar ſublimi verbo lyrici, rei  
magis accommodato, quàm e-  
piſtolæ: neque tamen reprehẽ-  
do, quod feciſti, cum idem fortafſis ipſe an-  
tè fecerim: quin credo rectè & ordine à no-  
bis factum eſſe. Cum enim quanti te fa-  
cerem, quibusque de cauſis oſtendi, nihil  
aliud ſecurus ſum, quàm vt tibi meas tui  
amandi cauſas exponerem, teq; ad me a-  
mandum eadem via inuitarem. Iam gau-

deo partim sermonibus nostris, partim missione litterarum ea esse jacta fundamenta conjunctionis animorum inter nos, quam perpetuam futuram auguror, vel potius certo scio, quoniam leviter instituta non est. Forte perfectam amicitiam colere minus poterimus, quando propter intercapedinem locorum, quibus disjungimur, officia probare alter alteri non possumus, neque mutua consuetudine frui: nisi forte existimas, à qua sententia neque ipse multum abhorreo, huic incommodo præsentem medicinam esse, hosce, quos per litteras habere nobis ex intervallo sermones licet, atque ipsos referre quandam quotidianorum congressuum imaginem: quam rem neque ab officio separatam esse arbitrabimur. Rectè autem, ni fallor, hoc mihi in mentem venit. Cum enim, proh pudor, contra humanitatis leges inimicitias exerceri, & officium violari iniustè dicam an impiè? à certo hominum genere indoctis & insanis scriptionibus hodie videamus; quid dubitemus beneficio litterarum, amicitiam pulchrè colimus, multa, quæ officij sunt, egregiè præstari? Nos igitur siue eam ipsam, siue ejus umbram non negligemus, & magnum esse decus arbitrabimur in hominum eruditorum

concor-

concordia, quam qui non tuerentur, & litteratos tamē se haberi vellent, optauī saepe, vt tam honesto nomine carerent, quod ipsis nulla ratione debetur, ne essent ordini nostro dedēcori: sed iccirco scilicet potissimum contendunt, ut tyrannide honestissimum locum occupent atque doctrinæ & virtutis veluti arcem vi teneant. Sed à nobis euagor longius. Mitto ad te meum de ludo litterario librum: de quo, quod vulgi sit futurum iudicium, parum equidem sum sollicitus: hoc enim meo consilio vti iubebo: patior, vt iudicent docti, neque eos in quibusdam à me dissentire iniquo animo feram: quin si quis quid melius ostendet, ei & publico nōmine & meo gratiā habebō. Bassuitium nostrum, tui amantissimum, & in vniuersum optimarum partium hominem, à Kal. Ian. non vidi: de versibus honori suo factis, veri honoris numquam negligens, ipse gratias ager. Vale. Rostochio V. Kal.

April. Anno M. D.

LXXIX.

JOAN.


JOANNES CASELIUS

S. D. Justo Lipsio

**P**Er eam valetudinem, qua nunc sum, cum, ut volebam, ad te minus, possem scribere, idcirco hac scriptione supersedissem modo, nisi me denuo excitasset Ptolomæus Gryphius. Affirmabat enim litteras à me, vel breuissimas, vel ἐὼλονες tibi fore gratas, viro non minus summa humanitate prædito, quam recondita & copiosa doctrina instructo: neque mihi non de utroque constabat. Satis enim id loquuntur monumenta ingenii tui, quàm totus sis in studiis sapientiæ: neque consentaneum est, horrido animo & alienis moribus esse, qui iis perpetuo occupetur. Itaque hæc scripsi, non magis iubenti amico, quàm voluntati meæ obsequens. Nihil enim in omnibus rebus mortalium mihi magis cordi est, quàm cum viris doctis, iisque virtute præstantibus, qui & apud nos & passim gentium viuunt, amicitiam aut aliquam huius similitudinem colere. Est enim, ni fallor, valde affinis amicitiae, mutua inter bonos beneuolentia, utrinque non ignota declarata.

clarata vel oratione aliorum; vel per epistolam; quod si fiat sæpius, quasi consuetudine magis coalescunt animi iucunda: si contingat requiri officium; & id præstetur καὶ δὲ ὑ-  
 ναμι. Sed de te apud me dixit ille communis amicus noster: dicat idem apud te de me: quod vt faceret, rogavi etiam antè, quàm exarare hoc litterarum constitueram. Vale.  
 Rostochio. III. Kal. Maias Anno CIO.  
 IO. LXXIX.

JOANNES CASELIUS  
 S. D. Joachimo Tonaglo.

 Vaues à te litteras expectabam: ita solent esse tuę omnes: eccum vero stomachum pro epistola: in aliena etiam re? quod τὸν δὲ α-  
 valere iubes; hic culpa prorsus vacat: non aliter iussus erat, & ipsius intererat. Iam si vacabis, scribes stylo veteri, & novas gratias asperges litteris. Sed potius, quàm tacere te velim, quouis generis sermonis vtere: quæ à te proficiscentur asperà, habeo in mollibus: non sunt enim aculei tui graues, & ego iacula excepero. Depromam enim ex armario poëtæ, vel Aiæ vel Achil-  
 lis

lis clypeum : & referire didici , etiam si non torqueam *πηλιάδα μελίην*. Vtrumque *ἐν τραπεζῶν* esse didicimus , è cuius artificio sumpsi hoc quaecunq; est salium. Sed coràm iocabimur liberius breui: videbo te , vbi in istam viciniam præsul Lubecensis venerit. Vale. Rostochio. XIII. Kal. Quintil. Anno M. D. LXXIX.

EBERHARDO PRÆ-  
suli Lubecensi , designato Verdensi,  
Abbati Lunaburgensi. S. D.  
Ioannes Caselius.

**E**ci præter consuetudinem, præsul Eberharde , & , si quis rem non metiatur æquitate , præter officium , qui accepto à te & coràm & litteris mandato , tot mensibus nihil ipse scripserim. Neque tamen metuo , ne mihi succenseas , cum de negotio semper cognoueris , & fortassis inaudieris , me non optima interea valetudine fuisse. Nam occupationes & mearũ rerũ procurationes , huic silentio prætexere non debeo: neque certè mihi quidquam antiquius esset , quàm quæ in mandatis à te haberem , statim exsequi. Quamquam autem res ducta  
est

est in ver vſque vltimum: tamen exiſtimo  
ita reſponſum eſſe à ſenatu, vt pleniffimè  
tibi ſatiſfactum, & petitioni tuæ locus da-  
tus ſit. Epistolam illam ſine mea miſi, vt  
hoc citius, cum eſſet, qui ſubito perferret,  
ad manus tuas primum, deinde eius, cuius  
plurimum intereſſet, quemq; diu ſuſpen-  
ſum tenuiſſemus, perveniret. Prudenter,  
nī fallor, in ceteris mentio facta, & tui in  
hanc ciuitatem beneficii veteris, & grati  
reipublicæ in te animi perpetui. Feciſti  
profecto illo tempore neceſſario huius op-  
pidi, viro dignum ſapientiſſimo & optimo  
principe, qui conſulueris publico otio & li-  
bertati ciuium. Secus fieri videmus à po-  
tentioribus non paucis, qui ſic tranquillita-  
ti conſulunt, ut plurimos dura ſeruitute  
premant; qui profecto in ſummo ſunt erro-  
re animi, cum regium eſſe, potius manci-  
piis imperare, quàm hominibus paternè  
præeſſe liberis, exiſtiment. Dignum fa-  
cit & ſenatus ampliſſimo ordine, qui & re &  
literis teſtetur tibi gratum animum, non  
ſolum, ut tuam in ſe benevolentiam auge-  
ant, ſed etiam concilient & tuā aliis & alio-  
rum ſibi. Bene agatur cum Germania, ſi  
vniuerſi principes eo animo ſint, quo te eſ-  
ſe res indicat, & vniuerſæ etiam ciui-  
tates, quo hodie noſtra, malo quidem e-  
doctæ



docta, edocta tamen. Hoc enim salutē civi-  
um in posterum conferet, cum securitas &  
urbes sæpe & aliquando regna euerterit.  
Sed quid hæc ego multis? cum non solum  
præclarè omnia intelligas, ab ipsa sapientia  
ēnutritus, non minus quàm principes Græ-  
ciæ à Chirone, & corroboratus animo ab i-  
pso usu, qui plurimos annos clauum ipse  
reip. tenueris, sed etiam & tuis populis pro-  
spicias quàm potes felicitatem, & aliis opti-  
mò consilio deesse numquam soleas. Ita-  
que te non solum tui boniq; omnes in ocu-  
lis ferent, quod tibi esse in vita isto amplissi-  
mo splendore jucundius non dubito, &  
posterī te cum heroibus illis priscis cele-  
brabunt. Vindicabunt enim ab inte-  
ritu nomen tuum, & virtus summa  
tua & monumenta historiæ. Vale.

Rostochio. pridie Kal. Quin-

til. Anno M. D.

LXXIX.

JOAN.

JOANNI FRIDERICO

Duci B. &amp; Lunab. S. D.

Joannes Caselius.

**E**odem nuncio accepi, te & ex Gallia domum rediisse, & proficisci ad Proprimatem Germaniæ, apud quem viuas. Quare vnis quoque tibi litteris gratulabor, & incolumem ad tuos reditum, & nouam profectiorem, etsi nunc proprius à nobis abfuturus es. Tu vero, cum domum rediisti, rediit & frater tuus domum, qui apud me annos quatuor in studiis litterarum vixerat. Eum videris non aspernandos profectus fecisse. Sane hic ita omnes iudicauimus: neque quisquam fuit, quin ipsius auream indolem exoscularetur, animumque & mores vnice probaret: atque equidem, si mihi aliquid de domestico meo, pæneque alumno disciplinæ meæ licet pronunciare, quod vel eò licere arbitror, quia ita est, quod scribo: κρείσσονα μὲν ἀλκίᾳ νόον φέρβει, γλωσσάν τε, vt de Arcefilao canit lyricus, Pythionica quidem tum, sed eodem tamen etiam Cyrenæ principe. Te quoque cumulatam etiam ingenii bonis, rediisse

Q

opor.

oportet, cum sis fratre annis maior: neque mihi dubium est, qui & deprehenderim in te amorem et ga litteras, & nouerim doctrinam & fidem egregii iuuenis, quem tibi viæ studiorumq; comitem adiunxeras. Postquam vero non Rascius solum idem ostendit, sed & alii de te prædicant: habeo causæ plurimum, cur tibi gratuler. Vnum mihi perquam molestum fuit cognitu, quod grauius ex aduersa valetudine & nimis diu decubisses: etsi non nimium dolere debeo, cum illud mali diuinitus, ope medica, & naturæ bonitate propulsatum à te, simul acceperim. Hoc igitur nomine tibi gratulor, sed magis altero, quòd animi virtutes virtutibus antestant corporis: vel, cum non hoc, sed ille homo esse iudicetur à sapientissimis: quod ipsum & tu præclare intelligis, animum ad res gerendas corpore, vt instrumentis, vt, vt hoc etiam nomine, neque huius cura abiicienda sit; animi vero suscipienda & retinenda in perpetuum. Cum vero litteris ab ineunte ætate animum, hoc est, te ipsum expoliueris; iam iuuenis idem studium, nemine etiam monente, persequeris: neque tamen non libenter audies meam quoque non solum approbationem, sed etiā cohortationem, profectum à veteri meo in

te animo, tibi olim satis perspecto. Fuge igitur nunc quàm maximè ignauum otium, & voluptates, quæcumque à virtute nos & sapientia auocant: laboribus vero te dede maximè, neque patere tibi vnum diem elabi, quin aliquid homine dignum legas vel audias, dignum principe facias. In quam sententiam, nisi tibi molestum erit, per litteras posthac sæpius tecum colloquar: fortassis aliquando etiam coram. Hæbeto enim in animo optimum & humanissimum principem, Ioachimum Fridericum, cuius singularia in me exstant beneficia, salutatum istuc venire, qua prima occasione potero: quem sciam superiore anno de meo aduentu aliquoties fuisse sciscitatum: ad eum soleo ex interuallo etiam litteras dare, quod neque nunc negligerem, si vel interpellandum censerem, vel ad scribendum singulare nactus essem argumentum. Interea quæso ipsi me tu quoq; commenda. Futurum enim est, vt me, quem iam pridem in caris habet, tuo nomine habeat cariorè: vt te meo habeat, opto: sed in tam sublimi gratia me apud principes non colloco: apud bonos & sapientes esse, optabile est; apud alios neq; velim, neq; fieri posset. Vale. Rostochio V. Kal. Sextil. Anno. CIO. IO. LXXIX.

HENRICO JULIO EP.

*Halberst. Duci Brun. & Lunab.**S. D. Joannes Caselius.*

Onstitueram tecum esse sæpius,  
 & quia cupiebā ipse, & quia ita  
 tibi placere intelligebam, si mi-  
 hi integrum fuisset. Sed secus  
 visum fuit hic duci nostro Vl-  
 rico, quò improbante, migrare non potui.  
 Quod si istuc venissem, non solum sæpe te-  
 cum communicassem, accepta à summis phi-  
 losophis, quæ te multis modis vel erudiissēt,  
 vel confirmassent, sed etiam spectator fuis-  
 sem sedulus tui in rep. præclari tirocinii.  
 Cognoui namque tum ex aliis, tum ex Ioan-  
 ne Borcholdo, teste locupletissimo: te, vt  
 primum accessisti ad remp., iam hac tua ado-  
 lescentia, non vulgi voluptatibus, vt fortu-  
 natorum hominum & regum filii plerunq;  
 solent, sed laboribus vltro dedere, & iis lit-  
 teris, quibus ab ineunte ætate de sapientis-  
 simi patris iudicio, rectè & sedulo imbutus  
 fuisti, vti cæpisse. Ipsum namque te seden-  
 tem in puppi, clauo manum admouere, quo-  
 tidie audire, numquam abesse à discepta-  
 tioni-

tionibus causarum, ex æquo & bono iudicate, quod intelligas, adhibere tamen etiam ad negotia præstantes viros, quorum te & sapientia erudiat, & fulciat auctoritas. Præclara omnia: ut quid ex his primo loco laudem, non videam: hoc videre mihi videor, eo spectare tua omnia, ut vniquam male de nemine, de tuis vero populis semper bene merearis, & quoscunque potes beneficiis ornes. Intelligis præclare te opes esse natum, non ad præmendum quemquam mortaliū, sed ad benefaciendum plurimis. Hoc namque (quod ipse quoque statuis) verè regium est & humanitatis plenum; illud tyrannicum & barbarum, longèque remotum ab iis disciplinis, quas tu nunquam spreueris, remotissimum vero à Christiano nomine. Hoc enim nos multo magis ad mutua officia excitare debet, quam olim Græcos homines cultissimæ orbis vniuersi Athenæ. Cum igitur tale fundamentum iacias, quod obtestor te, ut facere non desistas; reliqua & facilia & felicia futura dubitare non possumus. Sed cauendum tibi est, ne, quod in aulis fieri consuevit, diuersi doctores se in animum tuum insinuent, qui à laboribus te ad voluptates, à recto ad cupiditates, lenociniis ver-

borum & assentationibus auertant. Contra audies, quos te audire intellexi, & præter eos, cognosces, idque quoad viues, monumenta sapientum. Falso enim quidam putant, primoribus labris degustandas regibus litteras, quæ foret vmbra rei, neque nisi inutilis & vana ostentatio: contra autem, quam diu dignitatem suam tueri cogitent (hoc autem omni vita velle debent) & historiæ ipsis sunt cognoscendæ, & doctrinæ regiæ. Hanc etiam necessitatem priscis illis seculis Ægypti regibus impositam fuisse accepimus: quod tu sponte facies, vti facis hactenus: neque desines facere, cum quotidie magis magisque rei incredibilem suauitatem & vtilitatem immensam intelligas. In tuo hoc instituto, si quid te iuui, quod me fecisse aliquot iam annis puto, gaudeo: consilium meum, quod præsertim iussus suscepi, persequor: neque dubito, quin id probes, quod rogo, vt facias: facere certo credam, si te hoc genere scriptorum delectari magnopere porro semper audiam, vti semper audiui antea. Vale.

Rostochio, nonis Sept. Anno CIO.

IO. LXXIX.

GVLII

## GULIELMO DUCI

Brunsvig. &amp; Lunab. S. D.

Ioannes Caselius.

BIBLIOTECA NAZ.  
ROMA  
VITTORIO EMANUELE

Vantum apud nos, Gulielmo princeps, tui desiderium reliqueris, sæpe ad te, etiam statim, ut vix pedem domo mea abiens extuleras, volui perscribere: idque tui solum desiderio illo, vel amore, quo te fui complexus. Quia enim nobis carus es, propterea te desideramus: ne existimes hoc utilitatis meæ, aut honoris gratia fieri: quamquam de honore non penitus negauerim. Fuisti enim etiam singulari ornamento & mihi & ædibus meis, quod aliquando apud optimum parentem de te prædicare non dubitavi. Quid autem studium scribendi meum euerterit; partim suspicatus fueris, partim ex aliis audieris. Ex meis enim litteris tibi Ioan. Ducatus narrauerit, quàm in commoda valetudine toto vere usus fuerim: obstitisse quoque occupationes cogitabis, qui meam in scribendo diligentiam videris, quamdiu mecum vixisti. Quod autem huic breui epistolæ tempus tribuam; id quoque ex mediis occupationibus



furripio. Neque enim diutius, vel te desiderare meas litteras, vel me in officio negligentio-rem videri patiar. Cur autem te desideremus, tibi sine suspitione adulatio-  
nis aperi- am. Cum enim potentissimis re-  
gibus assentari non soleam, quod neque id  
homine libero, nedum litteris exulto di-  
gnum, neque omnino honestum esse iudi-  
cem; cur secus atque sentiam, ad te, quicum  
mihi summa fuerit familiaritas, scribam?  
Mallem equidem te, si res ita postular-  
et, offendere, quàm aliquid auribus tuis dare: ne-  
que non illud tum tibi vtile foret, hoc om-  
ni tempore pestilens. Quæ enim maior  
possit adolescentiæ pestis inveniri, vestræ  
præsertim, quàm adulatio? quæ vitia serit  
& alit, virtutis surculos infringit, & eius  
radices evellit. Nos certè ex te præsent-  
e non parvas voluptates cæpimus, id est, ex  
morum tuorum elegantia & gravitate, è  
sermonibus lepidis & sale ingenij conditis,  
ex animo humanitatem spirante & mode-  
stiam? ego vero, quique interiore tua con-  
suetudine utebàmur, è profectu litterarum,  
quem non pollicebatur tua ætas adhuc re-  
nella, & earundem incredibili rectoq; stu-  
dio. Quid enim potius imbibat potentis-  
simi regis filius, quàm præcepta rectæ vitæ  
&

& iusti imperij ? quod potius cognoscat, quàm historias temporum, & quæcunque non solum à philosophis, sed etiam à poëtis ad benè beateq; viuendum magnà cura inuenta, & diuinitus explicata sunt ? ad quod genus sermonis se aduèfaciat potius, quàm quod manat è sapientiæ lymphidissimis riuulis ? Quorum tui ordinis educatio secus instituitur; (quorum namque pueritia prorsus negligitur, de iis mentionem facere apud te non debeo) eos non secundum veram rationem, sed *εὐχρίστω* educari Aristoteles, ille sapientiæ fons vberrimus, ad alumnum suum Alexandrum scripsit : ut mentes etiam ipsorum ita deprauentur, ut de vita communi & ratione imperii nihil penitus rectè sentiant. Nos vero te vidimus, inquinatos & barbariei rerum verborumq; refertos libros, cuiusmodi in vulgus hodie in precio sunt, numquam in manibus habere, sed à quibus te initio auctoritate nostra auertissemus, eos spernere & auersari : habere autem in manibus quotidie optimi illius & doctissimi Romani sæculi scriptores nobilissimos, qui cum & sapere didicissent, lectissima quoque dictione monumenta ingenii expoliuerunt : eodem te orationis filo, maxime si quid scribas vti

vidimus : vidimus te auidè cognoscere ,  
quæ posses ex vltima antiquitate , vtque  
in ea nihil te fugeret ; tempora sciscitari ,  
& loca omnibus vestigiis in geographicis  
tabulis indagare : in primis autem oculos  
animi defigebas in ea tamquam oracula ,  
quæ docerent , vt priuatim quemque no-  
strum vitam instituere , & publicè prin-  
cipes rempub. administrare oporteat. Huc  
enim etiam superiora tendebant omnia.  
Ipsemet iam iudica , ætatem ingenii tu  
istam rectenè delineauerim : cumque cogi-  
tabis , ita se habere , quæ attigi ; videbis la-  
tis nobis esse causæ , cur te vel desidere-  
mus , vel , quoniam istam rationem tibi mi-  
nimè inuidemus , amplectamur non minus ,  
quàm si apud nos esses. Incumbe deinceps  
in hoc , princeps Gulielme , vt istic quoque  
omnes in tui amorem & admirationem  
eadem ratione rapias , qua nos tantopere  
tibi in perpetuum deuinxisti. Consequeris  
autem illa nunc , aut nulla alia. Erit vero  
hoc tibi facilius , non solum , quia viam in-  
gressus iam es , quæ esse dicitur itineris  
vel potissima pars vel difficillima : sed  
quia & æmulos habes huius regii studiū ,  
quos præclarum tibi est , si præcesserunt ,  
assequi , sin te ipsi sequuntur , exemplo iis  
præ-

præluere, & duces, nobis non inferiores, atque nobiscum planè, vt conicio ex aliorum de iis prædicatione, sentientes. Quod si consilium aliqua in re etiam meum requireres; eo tibi non deessem: sed consilio te minimè egere arbitror: quo tamen si egeas, habes ex quibus petas. Qua autem alia te iuuare possim? cohortatione fortasse, qua tamen neque ipsa opus est: etsi cohortari etiam eos solemus, qui in officio sunt maximè. Nunc addidi secundum diuini operis, ex cuius primo libro me sæpe differentem audisti apud nos: hoc forte magis delectaberè, quoniam aliquas etiam declarationes ipsi addimus, quibus velut manu ducere visum fuit adolescentiores, ad accuratam inter legendum considerationem scriptorum veterum. Vale. Rostochio III. id. Septemb.

Anno CIO. I3.

LXXIX.

EBER-

tionem verborum, nihil, quo tibi animum meum ostendam, habeo: animo cum contentus sis ( noui namque magnitudinem animi quoque tui ) neque illum aspernaberis, etsi vix requires. Ego autem præterea virtutes tuas, quarum dux est liberalitas, sine adulatione prædicabo, neque, quod in me est patiar te carere, etiam ad posteritatem, debitis laudibus. Non enim arbitror, tam vilia esse ingenii mei monumenta, ( etsi potest fieri, vt sumus quisque nostri immodicè amantes, vt magnopere fallar ) quæ sepeliantur ante, quam ipse diem obeam: sed sperabo, quod optimis contingit, exoritura illa magis, vbi ipse occidero. Exemplum iam ad te mitto vigiliarum mearum, de quibus tu, vbi ad legendum aliquid tibi suppeditabit otii, iudicium facies. Vale, meque tua beneuolentia tantisper complectere, quoad me omnibus signis gratum perspicies.

Rostochio. Idib. Septemb.

Anno CIO. IO.

LXXIX.

OTHO.

OTHONI DUCI BRVN-

swig. & Luneburg. S. D. Jo-  
annes Caselius.

**N**ON equidem sum nescius, quæ  
& excellentia sit dignitatis re-  
giæ, & mediocritas hominum  
bonas litteras colentium. Ut  
enim altior gradus apud mor-  
tales illo non datur: ita doctis hominibus,  
qui ex media plebe paullo fortunatiores  
sunt, se anteponere non dubitant. Itaque  
inter iam diuersos numquàm ferè animi  
coalescunt: quæ est amicitiae tum origo, tum  
perfectio. Multi igitur, qui hoc non in-  
telligunt, nimium se vel audacter ad prin-  
cipum notitiam applicant, vel liberè in eo-  
rum familiaritatem insinuant, ne dicam  
stultè, cum pro beneuolentia, quam ea-  
ptant, odio potius digni sint, qui suâ humi-  
litis immemores, se quodammodo cum  
summis æquent: siquidem nulla existit a-  
micitia, sine aliqua illam colentium um-  
bra similitudinis. Ego vero cum ita iudi-  
cem; non tamen omnibus aditum ad bene-  
uolentiam regum, interclusum esse existi-  
mem. Sentiam enim de illis quoque nimis  
duriter

duriter, si ipsis omnem humanitatem adimam: de nobis cæteris iniuste, si nos infra homines collocem. Quare ut timide et caute abeundum ad principes, ita ab omnibus non fugiendum esse puto. Quod si quis non existimet: videat tamen ipsam etiam naturam & viuendi necessitatem summa coniunxisse cum infimis. In imperiis ceteri regum patrocini nitimur: vos nostra opera uti quotidie oportet. Quæ cum fieri sine beneuolentia recte non possint; aliquam etiam amicitiae similitudinem inter summos & inferiores coli oportere, & eam aliquando sinceram esse, mihi non est dubium. Tum verò maxime, cum principes ipsi sapiunt, & boni viri officio sibi in illo etiam summo fastigio fungendum esse putant. Putare autem hoc debent, cum ulati videlicet tot diuinis bonis, ut hoc, quod omnium diuinissimum est, ipsi se ne spolient. Miraberis autem, princeps optime, cur tam altum huic epistolæ principium faciam, qui creberrimas ad te his proximis annis miserim, plerasque sine huiusmodi exordio. Tum scripsi liberius, cum necessitas mihi scribendi à re ipsa esset imposita. Cum enim filius tuus domi meæ viueret, sciebam me crebritate scribendi apud te non peccaturum. De illius enim valetudine, moribus

ribus, studiis, cupiebas sæpius certior fieri, quàm vel ipse possem scribere. Nunc postquam ille à me discessit, quando mihi liberum esset vti silentio, cupio tibi hanc scriptiorem probatam. Sed eam profecto non improbabis. Veniet enim tibi in mentem tua mihi opus esse animi benignitate: quod me epistola ostendere, reprehensione caret: neque obliuisceris tuæ pristinae humanitatis, quæ eo maior est, quoniam studiis sapientiæ in te confirmata: & gaudebis te à plurimis observari, in quibus quomodo ego sim & ante cognouisti, & nolo commemorare pluribus, quoniam adulationis suspicionem fugio: gaudebis autem multo magis, cum hinc intelliges, me huic filio tuo ex animo etiam absenti cupere. Ego vero ceteris etiam optimè cupio, quod auide fui testatus litteris ad maiores natu, cum vnus ex Italia primùm, & alter deinceps ex Gallia domum reuertissent. Non enim iis tantum de incolumitate gratulandum putabam, & profectu in honestis & à dignitate principum minimè alienis artibus: sed eos hortabar simul, vt cursum, quem de iudicio & voluntate, auspiciisque sapientissimi patris ingredi cæpissent, tenerent, & illi à quo vitam, dignitatem, educationem istam regiam haberent



berent, & vitam quàm diutissimè conserua-  
rent hac ratione, & aduentantem senectam,  
quæ per se sit amarior, suauiore conaren-  
tur reddere: addidi, quæ viderentur, non ab-  
horrentia ab instituto: quibus si aliquid pro-  
feci, volui certe, & profecisse existimo, o-  
peræ me minimè pænitet. Libenter autem  
cognosces, me etiam hodie solitudinem  
sulcipere de principe Gulielmò. Neque  
enim quis hanc curiositatem interpretabi-  
tur, nisi qui insigni me iniuria velit afficere.  
Nam nemo id meretur, si nihil sit præter diu-  
turnam consuetudinem. Hac enim inter  
non pessimos animi hominum facile cœunt  
ad mutuam beneuolentiam. Sed mihi plus  
caussæ est. Qui enim quod opus cæperit,  
ille quod feliciter cæptum sit; honoris quo-  
que sui interesse arbitrabitur, vt eo modo  
proficiatur, debitumque tali operi fastigium  
imponatur: hoc si minus fiat, dolorem acci-  
piat animo grauem. Volui autem huius  
meæ erga illum voluntatis argumentum ex-  
stare non solum hanc epistolam, quæ & ipsam  
satis testaretur: sed in medijs occupationi-  
bus & valetudine non satis firma, superiore  
autumno tantum mihi otii sumpsi, vt quoq;  
bene longam ad principem Gulielmum sin-  
gulari diligentia scripserim, quod ad aures

R

quoque

quoque tuas perlatum esse arbitror. Præter cohortationem, ad quam tendebant omnia, placuit mihi persequi omnem rationem nostræ educationis: tum, ut ille recorderetur, ex hac via, qua ductus esset ab Iohanne Ducaro, iuvene doctissimo, familiari meo, sibi nequaquam esse declinandum, (neque enim rectiorem ostendi posse ita certo scio, ut contendere auisim, qui diuersam sequatur, eum aut per ambages ducere, aut penitus seducere) tum, ut quorum iam traditus esset fidei, plenius cognoscerent, nihil in tam heroica indole expolienda, quantum ætas illa passa fuisset, neglectum apud nos fuisse. Nihil namque poterat hic accedere, nisi obstaret magis, quam adiuuerit. Nam pompa regia, & aulicus luxus, & à modestiâ & litteris abducunt longius: neque tu ignoras, quàm illa quoque in regiis moderationem hoc supino & ignauo seculo desiderent: quæ si adhiberetur, saperemus rectius, & viueremus beatius, essetque in nobis præsidii aliis gentibus, adeoque vniuerso orbi Christiano plurimum positum. Vtinam filius tuus eodem virtutis & doctrinæ tramite ducatur; quod non debeo dubitare, neque aliter suspicari de viris nobilibus & doctis, quibus plurimum principum vita & educa-

ducatio, quæ illa ipsa est preciosior, quando sine hac maximam partem bruta foret, credita est: futurum sit, ut ex tali filio, quam hactenus haud leuem cæpisti, porro incredibilem voluptatem capias, & ille floreat omnibus ornamentis regiis. Maius apud mortales neque ipsi pater optare potes, & huius voti communis gratia me porro amabis: & hanc epistolam libenter legeris. Vale. Rostochio id. Nouemb. Anno CIO. IO. LXXIX.

JOANNES CASELIUS  
S. D. Petro Victorio.

**V**NA est eademque silentii vestri causa, si modo nihil scribitis, ut mihi nihil redditur: quod ego libenter secus credo, tum, quia sic tuum tuorumque omnium in me amorem longo iam tempore haud dubiis signis, ex te ipsa videlicet, perspexi, tum, quia cupio mirifice in perpetuum vobis esse carissimus, uti profecto eram, cum apud vos viuerem. Est igitur una eademque & silentii vestri & mearum litterarum raritatis causa. Fateor enim, me minus sæpe ad hoc scribendi officium

accedere : sed idem aio, me aliquando scribere : quod, si litteræ reddantur, de quo, quia non certis hominibus aut hinc ad vos proficiscentibus dandæ sunt, valde dubito, ipsi perspexeritis. Postremas dedi anno superiore VII. K. Quinctiles, quas Bassenitius noster Lipsia per negotiatores istuc curaturus erat. Dubiæ fidei fortassis illæ fuerunt creditæ, nec has dabo certiori tabellario, de quo, vbi scriptæ erunt, erit adhuc dispiciendum. Quod si fasciculus peribit; damni vos nihil feceritis, neque hic mihi labor perierit, etsi plus fructuum ferre videbitur, si hæc legeris. Non perierit autem, quoniam ex hac cogitatione, quam ad scribendum sumo, mirificam capio voluptatem, quando & ex vobis de rebus vestris, & primo loco de te sciscitor, quasi iamiam aliquid auditurus noui & boni nuncii : (sic enim ominor) & expono aliquid rerum mearum, eas audituris cupide, vt amicissimis hominibus. Primum est, quod gaudebitis, me non incommoda valetudine vti, cuius ope & rem familiarem tueri, & studia litterarum non segniter possim colere. Alterum vt opibus floream & honoribus, quod te quoque optare scio, malo ne quæratís. Nam ego etiam studio fugi hætenus, ne altius ascenderem, rebus

rebus ita perturbatis apud plurimas gentes:  
& haud scio, an hodie Italia omnium maxi-  
mè abundet otio: ab hac secunda est Germa-  
nia, in qua dissensiones acres opinionum ne  
excitent grane incendium, optandum est:  
quod qui prævident, vtinam tam possint a-  
uertere: sed nos communem casum exspe-  
ctare oportet & tolerare: neque tamen e-  
um ipse valde extimesco in hoc vitæ genere;  
quod consilio diuino potius, quàm meo mi-  
hi delegi: atque hanc vitam hætenus ita co-  
lo, vt cum aliorum splendore non inuideam,  
oprimatibus non minus ipse carus sim, quàm  
qui in ea re plurimum ponunt operæ. Pu-  
teretur hæc aliqua esse dignitas, cui ego ante-  
pono dignitatem grauiorem multo, mea sal-  
tem opinione vel errore suauis, partam stu-  
diis litterarum. Quid dicam de æquitate a-  
nimi mei, & incredibili cupiditate discendi?  
illa autem hac quoque nititur, & hæc vt  
non possit non indies incrementum sumere,  
tu iudicabis omnium optimè, cuius oculos,  
animum, inquam, defixum in litteris nul-  
lus vmquam splendor perstrinxit, neque  
transuersum vnguem ab instituto tam nobili  
auerterit. Vt corpore sim affectus habes, vt  
animo: vt suspicari iam facile possis, quid  
agam. Impendo enim rei familiari forte

minus curæ, quàm debeo: tamen quantum hoc tempore negare non possum: ipsa igitur se habet, vt ait ille ex primis vitæ cultoribus, admodum nobilis: ὥς ἐν μὲν χελεπῶς, ὥς χαλεπῶς δὲ μᾶλ' ἐν, vt si quid me premat, sit tamen plus, quod gaudeam, si accuratè expendam utriusque fortunæ vices. Inprimis autem hoc in mentem reuoco: quod iudicio sequar, in grauiorâ incommoda ne incurram, id omnino mihi ferendum esse animo æquo, si non prorsus lubenti. Quas porro, te spectante & duce litteras colebam, in ijsdem me versari sæpe scripsi, acceptas à summæ sapientiæ magistris, & potissimum ab horum principe traditas; & haud scio magisne quotidie alios ijs erudiam, an me ipsum: me puto maximè, vti debeo; quod sim, qui esse velim, quemq; tu me esse iudicas: sed tamen in aliis quoque ingeniosis adolescentibus expoliendis quotidie occupor, neque vlli defum, quam probe animo paullo audidiorem elegantis esse bonæque doctrinæ sentiam. Neque enim sunt apud nos nulli: sed plerique sectantur vmbra doctrinæ, sola opinione contenti, statimq; eo se conferunt, vnde plus lucri affulgeat: quod neque vnius nationis est proprium, neque tantum nostri seculi. Cum autem satis diu non nisi

grauio-

grauiora tractarim, cohibui me hoc anno, & animi gratia multum tribui temporis vni alteriq; poetarum. Nam in lyricorum princepe laborauimus, & non sine animi oblectatione multa abstrusa erimus. Neque enim mihi adscribam, in quo etsi partes meæ primæ erant, tamen plurimum me adiuuerunt viri docti, à quibus in societate huius studii eram vocatus. Iam Æschylum in manibus habeo, ad cuius emendatissimam editionem tu quoque olim contulisti plurimum. Cum autem omnia in illo tragædo diligenter expenderis; velim esse nobis aliquod tuarum animaduersionum. Quibus cum caream, neque quidquam habeam adiumenti præter Græcos commentarios; tamen intendo ingenium, meque evolo plerisq; salebris, quantum queo: viam certè munio, ut minus relinquatur negotij studiosis huius tragædi. Deinceps reuertar ad Aristotelem, & auditoribus meis forte illius libros de optimo statu reip. interpretabor, illustratos à te diuinis commentariis, quo facilius amplissimas illas doctrinas assequeremur; magisque emergeret illa cana veritas, Atticæ philosophiæ alumna, secundum Varro-nem. Habes mea & tamquam me ipsum: præter ea, quæ ad nos pertinent,

nihil omnium soliti fuimus persequi : & vix semel ipse alia vñquam attigerim : aliqua vltro ad vos peruolant : reliquum est eorum genus, in quorum cognitione nihil insit iucundi, vt ea taceam, quæ, quàm nosse, sit ignorare satius. Vale Victori, & tui obseruantissimum ne obliuiscere.

Rostochio.prid.non.Decemb.

Anno CIO. IO.

LXXIX.



GREGO-



## GREGORIO BERS-

*mano v. clar. S. D. Jo-**annes Caselius.*

**D**Edi ad te, Bersmane, nescio quid proxime litterarum. Subito enim scribendum erat. Ut plurimum enim litteras poscere tabellarii solent, quando velut e carceribus iamiam excursuri sunt, & pæne dixerim auolaturi. Id erat mense altero. Iam vero mearum rerum haberes vberimum interpretem, Henricum Mensingium nostrum, si, quod in animo habebat, iamque ingressus erat iter, perficere ipsi licuisset. Dederam enim permulta ei in mandatis ad te. Cui enim rectius quam familiari? ne epistolæ quidem. Verum id secus accidit, ut nec ille nobis potuerit gratificari, & ego tibi tam cognitu acerbum, quam scriptu mihi de eo nuncium, ad te perscribere necesse habeam. Amisimus namque adolescentem carissimum, summum vtriusque cultorem. Valde autem eum amauimus (tuto enim, ut de me, ita de te quoque id affirmare posse mihi videor.) non tam, quod ab eo nos di-

R s

ligen-

ligenter obseruari intelligeremus, etsi neque hoc nihil causæ esset, quando vix cuiusquam ea est vel asperitas vel immanitas, ut hunc, à quo diligatur, oderit, quàm quod iustas eius amandi eas causas habuimus, quæ apud omnes homines conciliatrices beneuolentiæ esse solent. Vis enim maxima est probitatis & modestiæ, in adolescentia, maxime apud spectatos viros; nec mirum, cum sæpe etiam vel nefarios hostes in admirationem sui, species virtutis exciter. Proinde nihil videatur absurdius, quàm si nos ea non capiamur, cuius studium profiteri non dubitamus. Quis enim credat, vllum esse sapientiæ studium, à virtute separatum, aut remotum? Neque tamen ignoramus, animi bonorum, quæ sit inter ipsa affinitas, quæque differentia. Velim autem quæ mentis sunt bonis, semper comitari altera, quæ consilii morum atque vitæ perhibentur: quod in primis optauit perpetuo optimus humanæ vitæ auctor Socrates. Sane & hæc & illa admirabilia & diuina sunt. Hinc igitur non sine causa euenit, & aliter fieri non potest, ut boni iidemque docti viri, (non dico doctissimos, ne me in doctis numerare existimes eos, quibus vulgus & imperiti veluti sceptum

ptum

ptum & diadema sapientiæ deferunt) & sancta quadam coniuratione, respiciente veritatem & vtilitatem publicam, se inter se sincerè colant, & virtutis bonæque doctrinæ deditos sincerè ament. Non iam persequar, quæ nobis inter nos velimus & debeamus: quo profecto certis vestigiis ad probitatem & litteras ingredi videmus, eos sine dubitatione, vti dixi, amamus: omnibus nostris opibus iuuandos statuimus: erudiendo, monendo, cohortando, quacumque alia ratione: procurrentibus in spatio gratulamur: si quid ipsorum honestias obiter conatibus, conamur amoliri: etiam ipsorum infelicitatem dolemus, vt liberorum. Talem te esse erga tuos alumnos non dubito: me talem fuisse erga meos, à multis iam annis ipse mihi testis sum apud me locuples: neque desunt tamen, qui meum erga se animum, ceteraque beneficia prædicent. Cum autem æque amicissimè fuerimus affecti erga Henricum Mensingium, parem dolorem ex ipsius casu capimus. Præmaturè nobis ereptus est, sed multo magis studiis opt. artium, id est vtilitati publicæ. Si enim vllus ordo seruit communi vitæ hominum; hic certè noster est.

Nemo

Nemo enim est nostri ordinis reuera, quia  
& quibus cum vitam agit & longè etiam  
diffitis plurimis, & præfenti feculo, & poste-  
ritati etiam feruiat egregiè: quod fôrtaſſe ne-  
que vulgo in uniuerſû, neq; multis regibus  
perſuaſerimus: nos tamen hoc intelligere,  
noſtra intereſt, vt pulchritudine noſtræ vi-  
tæ generis confirmati, vt negligamur, vt  
premamur, vt rideamur, locum in acie non  
deſeramus, ſed omnem barbariem, eiufque  
ſocias aut gemellas ſorores, inſciam, ma-  
litiam, & quicquid incommodat rectæ ra-  
tioni vitæ, ſedulo proſtigare pergamus. Sed  
redeo ad Menſingium, qui quoniam occa-  
ſionem mihi dedit ad ſcribendum, non in-  
dulgebo dolori, neque id faciam, quod no-  
ſtræ litteræ prohibent, vt me fruſtra animi  
angam: ſed in multis malis hoc quoque fe-  
ram, & ratione medebor huic quamuis re-  
centi plagæ, ad ea conuertens animum,  
quibus & ipſe animus alitur maximè, & ho-  
mo non euertitur. Neque ille velit, nos  
aliter hic nos gerere; non nolit autem de ſe  
nos dicere, quæ cum vera ſint, tum noſtrum  
erga ipſum amorem teſtentur: neque hoc  
improber, qui ex huius epiſtolæ lectione  
fructum aliquem capiat, & vel exemplo  
vel doctrina animo informetur: neque te  
pigeat

pigeat, quæ maximam partem noueris, recognoscere, & mecum tacite considerare, quare si nunc voluptatis nihil parare nobis possumus, minuemus tamen molestiam. Sed in cæteris non exspectas, vt de iis bonis Mensingii multum verborum faciam, quæ fortunæ potius, non ipsius propria fuerint. Sed neque tamen quid habuit plebeium in animo, neque à maioribus. Primum enim vtraque ipsius patria est adprimè nobilis. Duas enim poterat legitime agnoscere: vnam vbi ipse esset in lucem edictus, hanc ciuitatem, in qua mihi viuere satis commodum est, celebrem & negotiatorum frequentia & doctrinæ studiis: alteram, nobilissimum huius oræ maritimæ emporium, & principem ciuitatum ad mare versus boream confœderatarum Lubecam, quæ nomine *Ευνομίας* & apud longinquas gentes bene audit, & ab acribus vitæ hominum censoribus magnopere prædicatur. In ea eius proauus Bernardus Bomauerus, equitis auri dignitate præstans, quæ illo seculo propterea magna erat, quod non nisi fortissimis viris & bene meritis de patria tribueretur, & consulatum cum laude gessit, & quo tempore Lubecenses regnum Suecorum occupant, cum imperio arcem

Stock-

aliquid moribus dare. Cum autem puer admodum, ita tamen tingi cæptus litteris ab vltima infantia, patrem amisisset; partim naturam suam, partim exemplum parentis, partim voluntatem propinquorum secutus, totum se illis libenter addixit. Tutorum

etiam auctoritas apud adolescentem plurimum, vti debuit, valuit, primum a lunculi, qui ipse in litteris omnem ætatem ageret, deinde Balthasaris Gulij, consulis, & Andréæ Masonis, senatoris, quos ego homines ordinis amplissimi magni facio, vti par est, tum ob humanitatem & singularem erga me benevolentiam, tum ob bonarum litterarum scientiam, quibus in hac porissimum academia, id quod æquissima voluntate præ se ferunt, atque ideo cum nostro ordine sunt convincitissimi, animos suos præclare excoluerunt antè, quam ad remp. accederent. Itaque ipsorum & usus maior est in ciuitate & dignitas.

Quam autem & hî & amici ceteri, de pueri ingenio spem conceperant; eam indies magis confirmauit, cum omnibus modestiam in moribus probaret, & in vtraque lingua multum proficeret: atque ipsi tum commodum fuit Lubecæ discere ex optimo magistro Iobbo Magdeburgo. Æqualium nemo adolescen-

lescentulum superavit, æquauere pauci: id quod mihi ex ipsius condiscipulis ipsimet retulerunt. Postquam autem & in illa schola, & in hac Academia bonæ doctrinæ initia quædam accepit; cæpit ille statim non ad-umbratæ alicuius scientiæ cupiditate flagrare. Cum enim à nobis moneretur, non esse illas veras litteras, quibus hodie satis multi ostentatores se pro sapientibus in vulgus venditant; facile manus dedit, & subito credidit, se, etsi iam didicisset illa bonarum artium elementa, manibus iam trita omnium, vixdum tamen bonas litteras primoribus, quod aiunt, labris delibasse: quæ tene-  
ret, habebat, vt erant, pro puerilibus: quæ videret veteri illo & à philosophis in perpetuum repudiato, sophistico more in speciem proponi; ea negligebat & procul à se abiciebat. Quædam enim pestis, vti scis, in Gallia, nobis pueris, inuasit in bonas litteras, non inelegans primo aspectu, inscitiae tamen patrona, mater ignauiæ, veritatis negligens, iactatrix demeritis cuiusdam sapientiæ: ea, quod sciam, Alpes non transit: neque enim illas ineptias animaduertimus in Italia: sed ex agro Gallico serpsit per Germaniam, & scholas, in quibus pueri instituuntur, infecit sane mul-  
tas

tas, è quibus ad nos sæpe scioli veniunt, lo-  
quaci infcitia satis armati, vbi primum di-  
cendi occasionem arripuerint: quod equi-  
dem doleo, sed magis doleo, quam dico per-  
uersam rationem, in regias etiam scholas  
vel irrepere vel irruere. Vide quid non au-  
sit impudentia; etsi nonnulla est etiam, no-  
strane, an quorundam nostri ordinis culpa?  
qui illam auctoritate nostra non serio sem-  
perque coerceamus: neque tamen non vi-  
deo, aliam & multo importuniorẽ & po-  
tentiorẽ nobis obistere, quæ denuo no-  
uum barbariæ imperium molitur. Sed ne  
à Mensingio euager longius: ille nequaquã  
in oribus impingens, neque aut iudicio aut  
cupiditate alucinans, statim se ad viros do-  
ctos contulit, à quibus ad bene beatèque in  
societate mortali viuendum, quod non te-  
mere pollicetur philosophia, rectè erudire-  
tur. Delegerat autem sibi virum grauem,  
eundemque doctissimum, Nathanem Chy-  
træum, vnum ex meis intimis, amicum ve-  
ro etiam tuum, ad cuius iudicium & mores  
conformaret, & porro inchoata studia diri-  
geret. Eius quoque domi sponte vivebat,  
vt admonitionem expetere, obiurgationem  
etiam non refugere videretur. Quid igitur



mirum, si multum, si breui, eo ingenio ad-  
lescens, ea cupiditate, eo studio, illo duce,  
proficeret? præsertim cum fere quotidie in  
scribendo exerceretur. Iam tum autem &  
solutam numeris, & ligatam orationem ita  
egregiè componebat, vt & subito ætatem  
istam, & se indies superaret. Multum facie-  
bat ad eam rem, quod plebeiarum vè-  
lutique tabernariarum scriptio: nihil  
attingeret, versaret autem sedulo o-  
mnes Romanos aureæ illius ætatis scripto-  
res: neque eos percurreret, vt sit, sed consi-  
deraret, vt eorum mentem plenius intelli-  
geret: quod quo facilius consequeretur; tum  
quod ipsum fugeret, vel ex æqualibus vel  
ex hominibus doctis sciscitabatur, tum in-  
terpretes, quos probari nobis intelligebat,  
simul legebat. Persequendas vero etiam  
sibi Græcas litteras putabat, & cognoscen-  
dos illos perennes fontes sapientiæ. Græca  
igitur monumenta quæ poterat, legebat per  
se: alia audiebat cum priuatim, tum publicè  
explicari: denique, cum scriptores, optimos  
illos quidem, sed ad intelligendum non cui-  
uis faciles, ( in iis erat proxime Lyricorum  
illè princeps Pindarus ) communi studio  
cognosceremus, homines aliquot eruditi,  
vno interpretandi molestiam suscipiente,  
cete-

ceteris nihilominus suas cogitationes ad sententiam, è qua vnus alteruè haud facile emergeret, confirmantibus; impetrauit ipse quoque à nobis facile cum perpau- cis præclari ingenii & acris studii adole- scentibus, vt vna interesset nostris illis scholis singularibus, fruereturque nobiscum vna dulcissimis animi epulis. Non enim in philosophum ordinem cadit, vel cum pa- ribus non communicare de litteris, vel minoribus earum communicationem in- nidere vtrumque sophistarum proprium esse existimetur; & commodis suis & fal- sæ auctoritati consulentium, non veritati & societati mortalium. Ceterum commen- ti sunt plerique hac eruditione, vt tincti leuiter ceteris scientiis, animos lectione poematum, orationum, historiarum in perpetuum oblectent, & se ad vitam ci- uilem instruant egregie, inque ea rectè co- lenda mirificè confirmant. Vtinam nemo vel regnum gubernet, vel aliquod in rep: munus gerat, nisi vel hisce tantum studiis, sane tam iucundis quàm vtilibus, & imbutus &, quod per negotia liceat, in perpetuum occupatus. Tanti ego hæc facio, & pluris adeo quam multa, ijs quæstuosiora, et si hæc

sola ferè nunc in precio sunt. Quamquam igitur illis quoque mirificè hic adolescens caperetur; eaq; coleret summa diligentia, neque vniquam, quoad viueret, abijcienda aut leponenda putaret: tamen in ijs tantum pedem sibi figendum non putabat, sed ad subtiliores, sublimiores, & diuiniore quoque scientias, tum naturæ præstantia, tum iudicii bonitate rapiebatur, à quibus tamen multi ingenii imbecillitate, vel impatientia laboris fugiunt, alii deterrentur magnitudine & difficultate ipsius operis: quod tantum est, quanti summum omnium bonorum, quæ homines nostræ opera nobis comparare possumus, æstimari debet. Quod si rem ipsam assequi numquam possis; nonne hic animus omni laude dignus esse videatur? necesse est enim eum esse non vilem, qui despiciat quæcunque sunt in fortunæ potestate posita: contra diuinum esse, qui vera bona in bonis sola ponat, omnesque neruos intendat ad ea consequenda. Non igitur abs re adolescentem nostrum, etiam exemplum rebus humanis, amore prosequimur: quem ego erga illum ostendere alia ratione non possum, quam si non tibi, etsi ad te potissimum scribens, sed aliis adolescentibus, libe-

liberalium artium studiosis, illius mentem  
consiliumque exposuero, ut institui. Et  
enim ille veræ laudis præmiique suorum la-  
borum expers non erit, & hi habebunt ex-  
emplum nobile, quod imitentur. Exem-  
plorum etenim quæ proba sunt, rectè etiam  
pro regulis habebimus, quando nisi vel cum  
his conuenirent, vel ad ea proxime accede-  
rent, proba nequaquam existimarentur.  
Sed quo me abripit scriptiois quasi æstus?  
volui esse non ita longus: & quamquam  
plura etiam scripsi, quàm volebam initio,  
tamen non possum inchoata præcidere, &  
tu meæ verbositati veniam dabis, præsertim  
ex amissi adolescentis desiderio nata. Ut  
multos ego vidi, neque tu forte pauciores,  
qui doctores vel non audiendos putarent,  
sibimet se satis idoneos magistros fore rati,  
vel non audirent sedulo, fracti ingenio, vel  
quosuis audirent, siue eos certe, quibus al-  
ios operam dare cernerent, nullo vti consi-  
lio in rebus suis. Contra Mensingius, &  
rectè putabat, in scientiis esse, quas sine di-  
serto interprete ne ingeniosissimus quidem  
perdidicerit, neque illum audiendum osci-  
tante, quod si quem, quæ præmitti necesse  
esse, fugissent, is intelligentiam sequentium  
numquam adipisceretur: videbat deinde

quæ ex quo rectissimè, quo item & tempore & ordine acciperet. Itaque ceteris non quidem contemptis, tamen præ aliis, ut dixi, Nathanem sibi sumpsit, me quoque audiuit, sed diligentissimè Henricum Brucæum logica, geographica, astronomica, physica, cum luculenta suauitate diuinitus explicantem. Est enim hic vir multiplicis bonæ doctrinæ copia instructus, & reconditis litteris præditus, præter artis medicæ peritiam, in qua quantum excellat, in meo ipsius corpore sæpius experior, quàm me amici experiri velint: sed tamen secundum est, si non semper firmiter valeas, sarcire valetudinis ruinas utcumque posse: quique in ea re nobis seruiat, magis etiam videatur colendus, quam Æsculapius. De eo, ne videar plusculum amicitiae largiri, etsi hic locus postulabat, non dicam amplius, ne etiã ipsi molestus sim, qui intra modum malit prædicari, licet eum numquam satis laudauero. Quod etiam tuam disciplinam non aspernatus sit, tute scis, & ego gaudeo, cum quod eo homine usus est, qui principe loco summa cum laude elegantiores litteras, quæ humanitatis appellatione hodie merito celebrantur, in academia vestra doceas, tum quod idem statuimus de hisce, quas dixi  
litteris

litteris, earumque innocentiam iunctissimis animis aduersus ingruentem barbariem fortiter propulsamus. Sub huius enim belluæ signis militant multi, qui exuviis doctrinæ amicti, sibi dominatum & opes passim parant. Quantum vero res vmbrae, veritas opinioni præstat, tanto maiore laude dignus est, qui esse doctus, quàm credi cupiat. Cum autem hic adolescens ad sapientiam non adumbratam contenderet, ita se in hoc præclaro suo instituto gessit: verum haud scio, an ex iis, quæ dixi, eius animus ita patuerit, ut ex hoc vno, quod toto animo se ad Aristotelis, summi illius & optimi omnium doctissimi motum præceptoris, monumenta cognoscenda conferebat. Hoc enim qui serio & constanter faciat, eum posthabere omnia studio sapientiæ credibile est. Quascumque poterat opes, huc sibi comparabat: propterea cum eruditis æqualibus studia sua quotidie communicabat: doctores, quos dixi, omni attentione audiebat: interpretes summi magistri, quos nactus erat, legebat: quos non habebat, inquirebat vndique: etiam eos, qui inquinatius scripserant, ut quâuis politæ orationis semper fuisset studiosissimus, tamen non sermonis solum elegancia capi, sed multo maximè eum

optimarum scientiarum studio teneri constaret. Cum autem eius aliquando accuratè & pereruditè scriptam epistolam legissem; de ipso optimè ominari cæpi, & futurum aliquando in doctissimis Germaniæ hominibus dicere non fui veritus; si eum fata superesse nobis sinerent, neque hæc diuination, quod post magis sensi, me fefellisset, nisi è medio hoc cursu eum eripuisset fati violentia. In philosophiæ studiis vitam transigere decreuerat: & se præterea, de consilio potissimum meo, arti medicæ dedere, quo & suæ valetudinis, quæ non firma admodum esse videretur, rationem hoc magis & rectius haberet. Hæc agens, hæc meditando, vixit vitam suo loco, ordine, ætate dignam: quæ vita si ipsi brevis contigit, melior fuit, multis in ignavia, somno, turpi voluptate, luxu, & simili vitiorum genere actis seculis. Namque multo magis refert bene vixisse, quam diu: quin sapientes ne quidem eos vixisse arbitratos accepimus, qui bene recteq, vitam non instituissent, etiamsi omnibus fortunæ bonis cumulati, omnes cupiditates expleuissent suas. Non quæram in hoc luctu consolationum aliquid, quæ nobis in promptu esse perpetuo debent: & propterea hoc minus faciam, ne meam inopiam tibi  
ostenda-

ostentare velle videar. abundas enim ipse hoc genere. Si quis dolor est, noster est, & nostra causa, & ideo maxime moderandus. Non enim male cum iis agitur, qui cum bene vixissent, vel paucos annos, vel longam ætatem, quæ tamen brevis esse censetur, quoniam finem habet aliquem, ex incommodis vitæ mortalium, maxime huius tempestatis, quæ vel solo futurarum calamitatum metu misera est, eripiuntur: immò optimè agitur, quorum animi ad beatorum sedes migrant, quo omnes, ut Christianæ pietatis oraculis edocti sumus, suspirare debemus. Sed cum plura scripserim, quam ad te debuerim, multa, quæ non debuerim; iterum rogo, ut huic meo errori, quem in te amarem, veniam des. De aliis rebus, cum erit utriq; commodius: potissimum autem de communibus litteris, & nostra causa, quo meliores ipsimet evadamus, & publica, ut honesto otio persequantur litterarum beneficio plures etiam populi, & posteritatis denique, cuius bonos tam decet habere rationem, quam nostri habuerunt ex maioribus nostris viri optimi. Nihil puto esse dignius homine, nihil humanitari magis consentaneum: nisi forte, si quid est veræ humanitatis, in hoc veluti opere, non solum consi-



lio, totum vertitur: quæ omnino mea est de hac re sententia. Vale Rostochio. non. April. CIO. IO. XXC.

JOANNES CASELIUS  
S.D. Joanni Corfinio.

**E**ri iterum abs te litteras mihi matertua reddidit: facis, ut te decet, quodque mihi de te pollicebar olim. Amas namque, à quibus amari te credis, & modis omnibus animum gratum erga eos declaras: à quibus te aliquid beneficii accepisse iudicas. Hac re facis, non solum, ut veræ virtutis non minus, quam optimarum disciplinarum te acrem esse cultorem videamus, sed etiam indies habeamus cariorum, novasque subinde omnibus in rebus tibi gratificandi rationes ultro ineamus. Spero autem etiam prorsus aliquando futurum, ut ex hac tua erga nos pietate pleniores fructus capias: quod antequam fiat, ipse non conquiescam: eo etiam sunt animo viri præstantes, quibus hic non paucis utebare satis familiariter. Omnibus autem ita tuum in nos studium probasti, ut nihil desideremus: mihi hoc magis


gis, ut te reprehendam, qui modum eius non seruaris. Quid enim sumptum facis, ut, quæ istic sint, nobiscum communices? Hic in te requiro parsimoniam. longè abes à patria: arculam matris penes te non habes: & sunt in illis quædam (cure enim dissimulem?) non mei stomachi, coctūq; difficiliora, illis durissimis piscibus, qui huc ab ultimo vsque borea aduehuntur. Indignor enim, & cunctos mecum bonos indignari necesse est, quoties video male fortunatarum scriptorum virulentiam ne dicam, an inscitiam? Certe enim extrema est inscitia, & plus quàm odio digna, cum disputandum sit de re proposita, calumniis paginas complere & maledictis: οὐδ' ἂν νῦν ἐκατόν ζυγὰ ἄλλοι ἄρειτο: jacere tamquam veneno illita spicula in senes, homines doctissimos, & de nobis, adeoque de omni posteritate præclarè meritos, quos boni ut patres non possunt non reuereri: in eorum cultoribus præcipuis ego nomen profiteor sine omni tergiuersatione meum, tibi que eos colendos omni officio & studio censeo, si honestus esse velis, quod velle te scio, si que coli aliquando a bonis & ipse desideres, quod à veræ laudis ratione minime est alienum. An tu sales illos esse

esse putas? quibus nescio quis aspergere conatus est senem illum, de cuius laudum cumulo hac via nihil diruitur, neque vlla dirui potest, meis aliorumque prædicationibus nihil adiicitur: ita illæ per se sunt illustres. Quotquot ego intelligentes audiui & bonos, abhorrentes à malevolentia & maledicentia, quibus grauissimis animi morbis nemo vumquam bonus laborauit: non solum ætate & eloquentia, sed animo etiam & consilio parem Nelei filio esse iudicant, cuius similes συμφράδμονας, vti scis, decem sibi dari exoptabat Agamemnon, illum, ne quidem ipso Achille excepto, anteferebat omnibus. Miror, quid illis veniat in mentem, qui sanctimonia vitæ prælucere omnibus, dissentientes bonis rationibus conuincere debebant, vt exemplum Aristophanis pessimum sequi malint, quàm eiusdem consilio vti longè optimo. Nosti enim hoc ipsum & Platoni mirificè probatum, & à Tullio luculentè explicatum: ἔλεγχ', ἐλέγχον. Hic noster quoque mos est, si quis ab altero dissentiat: alter ille κακοθεΐας καὶ βλασφημιῶν, neque academix nostræ, neque noster est: alienissimus ab omni philosophia, multo maximè à cælesti. Est enim plane barbarus & plusquàm Scythicus, quo qui vel delectetur,

idem & gladiatoribus delectatur, expers humanitatis, nec ratione recta præditus. Parce igitur hac in parte pecuniæ: quin si gratis habeas, ne tabellario ferendi, nobis legendi onus, ac ne cognoscendi quidem molestiam imposueris. Hortarer etiam te, ut eiusmodi mecum odisses, nisi odillete, minimè dubitarem. Non enim potes ea probare, cum adolescens profundas radices egeris modestiæ: immo te natura modestum finxit, in optima vitæ ratione confirmarunt litteræ. Venio ad petitionem tuam. Mirremus quod vis proximè: iam non erat in manu mea: abest, qui illud penes se habet. De ceteris cognosces ex aliorum litteris, quibus tibi quoque puto significatum de æquali tuo Henrico Mensingio: erga quem ut fuerim affectus, haud ignoras, & recognosces ex mea ad Bersmanum epistola. Utinam ille nobis & bonis litteris fuisset superstes. Sed ita sunt res mortalium. Etiam Ioannes Hobius, iuuenis adprimè nobilis, hoc mense diem obiit, matri incerorem perpetuum, quæ illum habebat vnicum huius vitæ solatium; nobis omnibus incredibile sui desiderium relinquens, neque mirum. Iam enim pluribus sui ordinis locique, humanitate, comitate, & munificentia anteibat,

anteibat, magno bonis porro quoque diu  
 futurus præsidio, quorum tenuitatem vl-  
 tro sublevare jam consueverat. neque igitur  
 ei elogium in perpetuum debebo. Grauver  
 enim mihi peccare videar, si quem viuum  
 ob studium elegantis doctrinæ & virtutis;  
 hoc potissimum avaro seculo, rarissime a-  
 mauerim, eum mortuum debita veræ lau-  
 dis prædicatione, quam ipsemet ei possim  
 tribuere, carere patiar. Vale. Rostochio.  
 Id. Maijs. Anno clō. Is. XX C.

IOANNES CASELIUS  
 S. D. Hieronymo Wolfio.

 Vmquam fortasse nos videbi-  
 mus: per litteras etiam raro no-  
 bis licet colloqui: ipsa tamen  
 jucunda raritas: vel breuissimæ  
 litterarum, quas antè Kal. Ian. dedisti,  
 ego sub Kal. Majas accepi, quam mihi fue-  
 runt jucundissimæ? Retinēs igitur memo-  
 riam veteris amici: neque tui ipse queo obli-  
 uisci: hoc dignum litteris: hoc litteratis:  
 disjuncti tantis locorum spatijs viuimus  
 conjunctissimi: in vulgus, qui in eadem pro-  
 uincia, in eodem oppido, in iisdem ædibus  
 vivunt, vix tuentur umbram concordiae: sed  
 ne ruam, quo nolo, nihil de alijs: nos ceteris  
 disputationes, vel potius studium conten-  
 tio-

tionis relinquentes, agamus serio, quod proficemur. Ego ex meis vindemiolis proximè mittam aliquid: tua in promptu sunt multa & bona, quibus nobis uti licet quotidie. Vale. Rostochio XV. Kal. Sextilis. ANNO M. D. XXC.

JOANNES CASELIUS  
S. D. Carolo Sigonio.



uo rarius ad te scribo, Carole Sigoni; non hoc scribo accuratius: sæpe non queo scribere, quoniam annis pluribus vix aliquis hinc istuc proficiscitur, cum nostri ciues navigationi, magis studeant: jam vero accuratè minimè. Festinat enim hic adolescens, & plures flagitat epistolas, & se à comitibus vrgeri ait. Itaque ipsi non succenseo: & tamè gratificari cupio: nec te præterire debeo, non tam, ut jam ipsi gratificer, quam tibi constantiam mei erga te animi benevolentissimi probem: etsi hoc fortè necessariū non est. Non enim minus bene de me sentis, quam ipse de te. Persuadeo autè mihi, me à te amari, etiā cum longissime istinc absum: quin hoc recognoui ex Liuonij sermonibus, qui hoc mense ex Italia ad nos rediit. Aiebat enim, se tibi adfuisse Bononię: te mei amicā mentionē fecisse. Ne nos  
ingra-

ingratos esse existimēs : ferè quotidie honorificam tui mentionem facimus, tibi que absentigratias agimus, qui non desinas benè mereri de litteris: etiam tuo exemplo excitamur, vt ipsi quoque nostro loco aliquod eorum patrocinium suscipiamus, tum docendo: tum scribendo: doceo quotidie, in altero minus possum: non tamen nihil conor, & inprimis hoc ago, vt iuventus nostra indies rectius & alacrius colat litteras: & hoc magnum esse existimo, etsi tua sunt longè maiora: immo maxima. Tu enim multis gentibus & posteritati consulis. Vtinam tuis tantis vigiliis digna etiam præmia persoluantur: apud nos rē faciunt, qui quæstuosas artes tractant: quo loco sint studia sapientiæ, non libet queri, ne patriam trans Alpes accusare videar: neque nescio, vt Italia perpaucos etiam ornet, & sæpe dignissimos prætereat: neque nos eius rei causæ fugiunt. Sed quid hoc ad te? cum sciam, te hominem philosophum, neque auri acervos, neque insignia honoris admirari, quorum possessio etiam penes nefarios sæpe sit: sapientiâ & virtute si contenti sumus; tranquillè viuimus: neque agit vitam misere, qui vtrique semper studet serio. Ego mihi polliceri nihil his moribus queo: in animū induxi

induxi, me imprimis erudire, & de quam multis potero, bene mereri: tu meritis tuis omnes bonos & eruditos viros tibi arctissime devinxisti, & viues cum immortalibus ingenii tui monumentis. Vale. Rostochio XV. Kal. Sextilis, Anno M. D. LXXX.

JOANNES CASELIUS  
S. D. Joanni Fichardo.



Rauem tuum casum, Ficharde, quo certé grauiter animo perculsus sum, accepi ex tuis ad communem amicum Carcoviū litteris: quas vtinam ille mecum communicasset, vt solebat. Quæ enim tum ab aliis, tum à te accipiebat; ea mihi, vt amicissimus carissimo statim & cupide impertiebat. Recordor enim, vt vel ad me miserit, vel me ad se arcessierit, vel domum meam ipse venerit: simul etiam sermoni alicui familiari fenestram aperiebat: erat enim φιλόλογος: & sententiam dicebat ipse libere, & sciscitabatur opiniones amicorum. Non dicam de eo hic pluribus, ne dolorem nostrum, cui medicinam facere erat rectius, augeam. Nimis enim hoc vul-


T

nus



nus recens est, neque ferre dum videtur manum medici. Consolationis plurimum ipse tibi videbis: ego quod video, etsi hoc parum est, eo utor: abducam animum longius à luctu, ad tanti viri virtutum considerationem: quas cogito penicillo ingenii mei delineare. Quoniam verò tu me prior in amicitiam adsciivisti; feres, quoque libertatem, quæ est amicorum, feres inquam, ut te non solum rogem, sed etiam moneam, ut porro singularem tuæ valetudinis rationem habeas. Etenim te dignum homines longa vita judicant, & resp. amicique tam fidei patrono & viro præstanti si careant, magni boni iacturam faciant. Vale. Rostochio prid. Kalend. Nouemb. Anno M. D. LXXX.

JOANNES CASELIUS  
S. D. Andrea Dudithio.



Vm aliquoties mihi Monavius benevolentiam ergà me tuam litteris prædicavit; meas esse partes contrà putavi, testatum tibi vtrumque aliquando facere, & quanti mihi tuus ille animus, vel potius

tius iudicium de me sit, & quam te hominem longè doctissimum & optimum colam. Amplitudinē enim dignitatis tuæ & cetera fortunæ bona, non contemno illa quidem, sed minus ipsa me movent, quàm ista propria, quibus te intellexi præditum. Profecto namque Dudthi, à spectatis viris me amari, & vnde alterum est, probari gaudeo: nec hominem esse putem, qui talium virorum censuras non ferat, qui eorundem veluti suffragiis ornari non cupiat: qui si ab iisdem ametur, lætitiā animo non capiat singularem. Multæ sunt causæ, quamobrem hoc regum amplissimis privilegiis videatur anteponendum. Nam vt vnum dicam atque alterum, ipsi reges & maxima plerumque beneficia in minimè bene de se meritos conferunt, neglectis etiam optimè meritis, & haud faciliè queunt verè de quoquam iudicare, cum ipsis vix aliquis mortalium sit satis familiaris, nedum intimè cognitus. Quamquam autem tuam benevolentiam, & ex quo hanc oriri non dubito, iudicium tanti æstimo, quanti haud scio quid in rebus mortalium: tamen sic vobis assentior, vt agnoscam semper

T 2      tenuita-

tenuitatem animi in me bonorum, et si qua  
sint, conseruare magis, & magis augere stu-  
deam, præsertim cum quotidie magis intel-  
ligam, & quam ardua sit veræ virtutis  
& quam perennes sint atque inexhausti fon-  
tes sapientiæ. Hac mea de me opinione ni-  
hil mihi auctoritati præstantissimorum ho-  
minum derogare videor: sed ipso hoc insti-  
tuto memet illis cariorem reddere. Nec  
vero, ut tui similitum, ita tuum istum in me  
amorem leuiter confirmabit, mea tui obser-  
uantia, qua profectò nemini cedo. Eius rei  
causas aperiendi video mihi occasionem da-  
tam, & video pænè oculis campum excur-  
rendi in diuinas tuas laudes amplissimum:  
sed parcam pudori utriusque. Neque enim  
ego assentator: neque tu ex gloriosis, qui soli  
suas laudes veras, falsas, patienter audiunt.  
Quibus te nominibus alii, iisdem etiam ip-  
se semper colui: tum quoque, cum meum  
nomen ad aures tuas pervenire nondum po-  
tuerat. Tu magnis rebus præeras: ego in  
Italia viuebam in studiis bonæ doctrinæ.  
Magis te jam colere debeo; quod fieri à me,  
amici hic mei norunt, quando in tuis me  
vltro habes: ut in perpetuum ames, non tam  
rogo, quamquam etiam rogo, quoniam id  
magnopere cupio, quam te facturum non  
dubito

dubito. Non facis namque hoc, nisi confitio: quod confilio facis; id non temerè, vel potius numquam abiicies: meum est videre, ut maiores quotidie & plures etiam causæ exstent mei complectendi. Vale. Rostochio XII. Kal. Iun. Anno M. D. LXXXI.

JOANNES CASELIUS  
S. D. Hugoni Blotio.

**N**E suspiceris, Hugo, fuisse minus mihi gratas tuas litteras, quod tardius respondeam: fuerunt mihi illæ, ut non expectatæ, ita longè jucundissimæ: non expectaram, quia nominis mei famam non putabam ad te peruenisse: voluptatem capiebam prorsus singularem, quod novo amico me auctum esse intelligebam, atque eo virtute & litteris præstanti viro. Ita vivam, ut talium ego copiam ceteris fortunis anteponendam censeo omnibus. Victorio & Cratoni multum debeo, multis nominibus, siue quod illorum claritas illustrat nomen meum, siue quod bonitas mihi conciliat passim gentium multorum amicitiam bonorum. Etsi autem in me causas, quam-

obtem tantopere me complectantur, hoc est, plane paterno amore, non agnosce: tamen semper operam dedi, ut ipsis placerem, quibus placere impolitorum & improborum nemo unquam potuit. Sed forte plus profeci obseruantia utriusque perpetua quam ulla alia re. An non eos spontè obseruet quisque bonus? Sed ipsi ad se colendos pænè me compulisse videri possunt. Quem enim non alliciat utriusque summa virtus, & admirabiles in utroque litteræ? quæ est in bonorum animis quædam *παραγάγκη*. Sed & extant, neque à me dissimulantur illustria ipsorum ergà me merita. Sed venio ad nos: si eosdem colimus, si ab iisdem amamur: mirum sit, si amor nullus inter nos exoriatur mutuus: magis mirum, si in iisdem litteris viventes, ad eandem aspirantes virtutem, animis non simus coniunctissimis. Tu hac in re me superas, vel anteuertis, quando erudita epistola mihi tuum erga me amorem significas: in quo ego tibi lubens respondebo, idque tibi duxi testatum faciendū hisce litteris, quarū tarditatem non miraberis, cum cogitabis, quanto terrarum interuallo disjungamur, quamque rarò isti huc, nostri istuc commeent. Quod de amicitia in vulgus *ὑπὸ πᾶσι* quereris, hoc pervul-

pervulgatum prorsus: secundum, quod de periculo imminente, doctisvè dicam viris, an ipsis litteris? Nos antè omnia laborabimus, vt rectè cum sentiamus, rectè & faciamus: longissime ab omni turba & factione absumus: cetera, quæ in manu nostra non sunt, aut feramus fortiter, aut ratione mitigemus. An tu nescis, quid passim fiat hodie? Hoc sollicitius ago res meas: cum omnibus amicitiam, quæ latissima in societate mortalium coli potest, colo: iniurias in me aliorum non insector, si honeste dissimulari possunt: ne quem temere offendam, studeo: neque tamen nescio, quam multis quæ facio minimè probem. Idem tu, multoque facilius cum facias, quântò es ab omni liberali doctrina instructior: secundæ fortunæ cursum facillimè tueberis, adversæ fluctus, si qui excitabuntur, franges aut sustinebis. Vale. Rostochio IV Non. Iun. Anno M. D. LXXXI.

JOANNES CASELIUS

S. D. Joanni Casimiro

Duci Saxonie.

TEMpori, princeps Ioannes Casimire, fuisse redditas istic superiores meas litteras: die natali tuo: scribit

T 4

vestro

vestrorum ille animorum formator optimus. Isto igitur otio, & domestica lætitiâ, amica mei à vobis mentio facta fuit, & perhonorifica, ut non dubitem, quin, quod ostenditis quoque per epistolam, non minus, quam coram mihi ostenderatis, habeatis me in carissimis vestris: non ut reges nominant carissimum quemque, cui non graviter infensi sint, sed, ut loqui solemus Latino sermone, Germanicis moribus. Neque enim illius tibi proprietas ignota est: nostræ aurem nationis integritas & constantia passim gentium præ omnibus celebratur. Quam laudem prorsus heroicam, qua etiam omnium Græcorum ad Trojam optimus & fortissimus Achilles triumphabat, cum plærique inferiorum ordinum tueamur, vos reges abijcere minimè oportet: quin hoc tue-ri magis. Nam vestrum quemque, quando genere, divitiis, potentia, dignitate prætatis, magis præstare omni virtute & sapientia fas est. Hæ quoque sunt causæ, cur bonis litteris imbui jussi sitis: quod cum ipsimet intelligatis, plenius eas imbibetis ultro, neque ab hoc minimè prophano symposio vobis esse discedendum putabitis antè, quam sitim sapientiæ expleveritis: hoc erit ea exhausta omni, si fieri possit. Coles i-  
gitur

gitur, vt tecum loquar, hæc studia doctrinæ perpetuo : sed maximè hac tua adolescentia, qua & otij tibi est satis, & potes proficere plurimum, & te in recta vitæ ratione confirmabis. Hac tua felicitate gaudebo magis, quam benivolentia ista singulari, qua me complecteris, qua tamen gaudeo maximè. Vale. Rostochio 1 V. Kal. Sextil. Anno M. D. XXCI.

JOANNES CASELIUS  
S. D Joanni Ernesto, Duci  
Saxonia.



Gratas mihi vestras litteras, princeps Ioan: Erneste : sic habebiris : etiamsi tardius responderim. Non fuit interea cui darem, vel si quis se mihi ostendisset, avolavit ille istuc potius, quàm abiit. Nam huic officio omnes occupationes postponerem. Sed tam humani principes locum excusationi non relinquitis. Tu vero etiam patieris, vt ad te sim breuior, quæque ad principem Ioan. Casimirum fratrem tuum scripsi, de iisdem tecum quoque me locutum putabis. Vnum modo addam: cum intelligam



telligam vos animis esse coniunctissimis, quo nihil inter fratres rarius, nihil tamen nobilius: vnam esse inter vos contentionem gaudeo, in qua est summa tamen consensio, ut tu fratri benevolentia, & virtutis atq; doctrinæ studio cedere non velis. Neque illum puto tuæ huic pertinaciæ succensere, neque invidere progressibus: sed ipsum ita procurrere, ut te etiam à tergo nolit relinquere, ad latus currentem videre gestiat. Cum poeta contentionem exemptam è rebus humanis & divinis velit: plus vidisse mihi sacerdos Ascræus visus est, qui hoc genus probavit, & mirificè etiam ornavit: neque tamen dubito, quin ille, quem omnia vidisse tradunt, idem sentiat, apud quem ἀγῶνες quoque sunt virtutum: de quibus te cognovisse arbitror. Vale.

Rostochio. IV. Kalend. Sext.

ANNO M. D.

XXCI.

JOAN-

## IOANNES CASELIUS

S. D. Gulielmo Duci Brunſ. &amp;

Lunaburg.



Si princeps Gulielme, desiderari à te meas literas existimo, tum quia me tuarum frequentia provocas, tum si hoc non esset: quia novi stomachum tuum φιλόλογον: tamen de hac scribendi lentitate me non excuso, etiam quia novi idem istud ingenium tuum humanissimum, & à malè suspicando de amicis prorsus alienum. Interea tamen nullus præterit dies, quin de te benevole cogitarem, & amicè loquerer, vel apud amicos, vel in familia. Non enim te minus amo, quam cum domi ~~æ~~ vivebas, forsitan etiam magis, non solum, quia absentis mirifico desiderio tenor, sed etiam, quia tui colendi & majores & novæ in te causæ quotidie oriuntur. Nam & quæ tum primulum in te elucescebant, perficiuntur modo, & aliis etiam disciplinis, quibus ipse maximè volebam, te imbuis. Video enim exbrevis, sed perlepida epistola tua, te delectari quoque sermone græco: quæ tibi hic tãtopere puero cõmendabã: quin eo, nisi alio te auocasset fortuna, erudiri iussissem.

sissem. Putabam enim, neque in hac re to-  
 reluctaturum auctoritati siue iudicio meo.  
 An vero hoc jam seriò agis? puto equidem:  
 pingis enim, non ut eius linguæ prorsus  
 rudes. — Ne, quæso, in ea gustanda tantum  
 plusculum operæ ponas: quin multos ego  
 reprehendi, qui non parum in aliqua do-  
 ctrina studii posuissent, quam deinceps ab-  
 ijcerent. Censeo igitur tibi videndum, ne  
 labor, quem jam sumpseris, pereat: peribit  
 autem, si his consistes: sed progrediendum  
 alacri animo: modica diligentia exhausties,  
 quæ vis omnia: ut velis, & perpetuò velis,  
 cogita divitias ingenii neminem sine ijs lit-  
 teris consecutum: sed illarum cœlestium  
 opum tu laudabili avaritia inflammatus es.  
 Sed doce me plenius, quid in hac re consti-  
 tueris: plura deinceps scribam, quibus de-  
 lectaberis: neque tamen voluptatem  
 jam capies sine utilitate tua. Vale.

Rostochio. IV. Kal. Sextil.

ANNO clv. Ib.

LXXXI.

JOAN.

JOANNES CASELIUS  
S. D. Sebastiano Leo-  
nardo.



Am tibi meas superiores oppor-  
tunè fuisse redditas? summa o-  
mnium hilaritate. Itaque & i-  
pse cuique vestrum in amori-  
bus fui, & gratiora fuerunt, quæ  
scripseram: quanquam in iis nihil erat, quod  
vel alienissimo tempore quempiam bono-  
rum offenderet. Studeo verò etiam pro-  
bari, sed non, ut vulgus: verum ex causis  
optimis. Hoc me agere, satis perspectum  
habes, & videbis etiam ex ijs litteris, quas  
ad nobilissimos disciplinæ tuæ alumnos  
cum his dare constitui. Cupio equidem  
non tam ab ipsis me amari, quod tamen cur-  
nōlim, nihil causæ est, cum sciam neminem  
esse bonorum, quin se à bonis amari & velit  
& gaudeat, quàm quæ commendo vitæ de-  
cora, & rectè eam transigendi, tamquam in-  
strumenta, virtutem minimè fucatam, &  
sapientiam regiam seriò coli. Hoc, inquam,  
opto potissimum: sed huius generis aliquid  
in eas litteras conijciam, quas ad illos dabo.  
Publica, ut scribis, à pluribus ad nos perfe-  
runtur:

runtur: puto nostra itidem ad vos. Si aues cognoscere de rebus Rhutenicis: tyrannus ille per legatos regi Stephano primum Livoniam detulisse dicitur, præter Pernam, Dorpatum, & Naruam, cum neque sic spem pacis redimendæ videret, etiam vniuersam, quam rex non repudiasset: sed flagitasse insuper magnam vim auri ad leuationem partis sumptuum belli, quos fecisset. Spes magna pacis, nec dubia victoriæ. Sed inquiram hæc, ut ad nos perscripta sunt, ne quid desideres. Vale. Rostochio. IV. Kal. Sextil. Anno M. D. LXXXI.

IOANNES CASELIUS

S. D. Friderico

Bilæ.



I breui extemporanea epistola tibi satisfieri pateris, Friderice (vix mihi iam licet per hunc hominem fasciculum componere, ita properat) eccam tibi.

Tuam in me beneuolentiã amo, qua meam mereris, si tui amandi causa non esset: hæc est singularis, istæ tuæ non vulgares litteræ,

ræ: non dico studium, quo maximè inflam-  
matus es, ut intelligas, præclarè me exi-  
stimare de præfectu tuo. Ea enim scribis,  
quæ adolescentem nobilem meditari æ-  
quum est, & ita scribis, ut ab eo expecta-  
ri possit, qui totus sit in litteris, & cum  
primis eloquentiæ studeat. Perge verò,  
& sæpè scribe: ut sæpe recognoscam tu-  
um in me animum benevolentissimum, &  
animaduertam, te maioribus in studio  
hoc tuo passibus currere. Ex utro-  
que mirificam semper capiam voluptatem:  
in uno tibi respondebo, in altero te confir-  
mabo, vel, quoniam non opus esse video,  
collaudabo. Vale. Rostochio IV.

Kal. Sextil. Anno M. D.

LXXXI.

IOAN-

JOANNES CASELIUS  
S. D. Christiano Distelmeiero.

**G**Ratum tibi esse studium meum, non dubitabam, non solum, quia plus mihi in litteris tribuis, quam ipse arrogem, sed etiam, quia me mirificè amas. Solemus enim quæ ab amicis proficiſcuntur, quamvis tenuia, in rebus carissimis habere, & non raro multo etiam preciosioribus antepone-  
re. Non putabam autem te cogitare de referenda gratia, quasi *ὑπὸ πᾶσι*: certò sciebam, siue scripsissem aliquid, siue nihil scripsissem, te non defuturum, si opus esse ostenderem, aut tibi in mentem veniret, in rebus meis, neque mihi, neque meis: meis autem, cum si quos tibi commendarem, in quo feres audaciam meam, tum qui ex me nati, quotidie opem meam implorant, majoremque cum ætate propediem flagitabunt, ut nullum verbum faciant. Quod si mihi soli viverem; nemini mortalium gravis, contrà quibus possem, studerem esse vsui. Etiam nunc, quibus queo, & quantum omnino queo, seruo, potissimum ingenuæ doctrinæ studiosis adolescentibus: quoniam mihi in aliis vel nihil, vel parum facultatis est: al-  
terum

terum æquè declinaturus mihi in perpetuum videor, præsertim cum litteris & litterarum cultoribus olim à regibus constituta præmia, paullo antè prorsus evanuerit, κῦτε καπνός. Iam verò præter omnem expectationem meam luculento me munere affecisti, quò plenissimè testatum mihi faceres animi ergà me tui singularem benevolentiam. De eo te amo, daboque operam, ut aliquando coram tibi gratias agam: si hoc breui non fiet, aliam viam inveniam, qua magis tibi probem animum meum, & tuum in me complectendo magis confirmem, aut quoniam hoc non opus est, ostendam, quam non erraris in hoc, qui me vel yltrò, vel, cur enim dissimulem? ea facilitate in amicitiam adsciueris, de sermonibus bonorum, & quibusdam sanè mediocribus ingenii monumentis notio-rem, quàm de facie. In eodem vero fasciculo accepi plurium per-  
elegantia scripta, gaudeoque vniuersum pœnè chorum musicum præsto fuisse honori tuo: non equidem iniuria, quem tu studio & præsidio subleuatum tuo, velis esse semper ornatissimum. Probo etiam præclarum tuum de Thoma Hubnero iudicium, quem cognoui jam ab adolescentia virtute & integritate vitæ nemini secundum:



de eius animi dotib. ita sentio, vt in copia  
optimæ doctrinæ, & admirabilis in dicendo  
facultatis ei neminem præferam. Qua in  
re cum mecum non dissentias; perges cum  
veteri tuo amore complecti, magis etiam,  
quam meipsum. Cur enim hoc non feram?  
cum intimos ipsius sensus certius perspexeris,  
quam meos, hominis tibi à pueritia notiffimi:  
non dicam magis, ne quod mihi tribui  
cupiam, ipse derogem. Tantum autem  
abest, vt illi invideam, vt hoc etiam te rogem.  
Declarare etiam ei potes amorem tuum  
consilio & ope, & cogitare ubi id facias.  
Censeo enim subuenias hominis pudori.  
Eum enim probare in bonis ita debemus, ut  
non negligamus: utrumq; prudentis est, hoc  
benefici. Non potes autem ignorare, in  
quas difficultates quorundam perfidia con-  
iectus sit, quos cum ille iuaret, se pænè,  
certè de suis multum perdidit: non levibus  
curis ipsius animum angiscio. Da quoque  
mihi veniam, qui tibi eum commendem, in  
quo amando mecum certes. Non repre-  
hendenda videtur cura, quæ pro amico sus-  
cipitur, nec supervacanea: neque perindè  
impudentes in aliena re: ut in propria vi-  
demur:

demur : quanquam & hanc meam puto :  
 sed scis ut loqui consueverimus. Vale.  
 Rostochio X. Calend. Septemb. Anno  
 M. D. LXXXI.

IOANNES CASELIUS  
 S. D.

*Ranero Raneccio.*



Onjunctionem animorum præ-  
 dicant omnes uno ore, nec mi-  
 nus hodie, quàm omnibus se-  
 culis neque defunt boni viri,  
 qui in illa stabilienda per so-  
 cietatem hominum laborent : profici autem  
 parum, nimirum res ipsa indicat. An ea  
 est rei natura, ut in vulgus manare non  
 possit ? Hoc enim minimè mirum : quo-  
 niam in quibus virtutis sensus non est ;  
 nihil prorsus habent, quo animi sincere  
 conglutinentur. Nam qui suavia spectant,  
 in ijs voluptatis quædam fragrantia mo-  
 mento exhalat, & fumi instar evanescit :  
 qui utilitate metiuntur omnia, quandam  
 amicitie similitudinem colunt paulo fide-

lius, quoniam mutuis operis vita indiget, quas utrimque, quoniam ipsis commodum est, libenter præstant: in alterutro si tandem aliquid desideretur; & horum animi ut plurimum dissiliunt. Nihil igitur mirum, inter plerosque minus convenire: sed hoc mirum, qui humanis & divinis litteris studemus, non facile coalescere, sed multo etiam magis dissidere: de quo scelere siue fato, sæpius queri & stomachari soleo, pæne invitus, vel alieno loco. Sed ni fallor, nos, hoc est, quotquot nostri ordinis sunt, non facimus id, quod longissimè fugiendum esse cognovimus, nobisque ita penitus persuasimus, ut neque velle, neque facere possimus aliud. Sed auertam calamum à barbaro illo temerè controversantium grege. Ab ultima pueritia ex re ipsa didici: in quibus aliquod studium esset virtutis & sapientiæ; semper abhorruisse à contentionibus, & cupide studuisse amicitiae, cuius leges vel soli tenerent, vel certe non prorsus ignorarent. Hi non solum, si vna educati fuerunt, aut aliquandiu vna vixerunt, se amant, sed complectuntur etiam, quos diuidit ὄψια τεσχιόεντα καὶ ἡχίεωξ δάλασα, licet se nunquam viderint.

derint. An in animis bonorum eam vim esse negabimus, & horum maximè, qui pectus litteris expolierunt, ut ad sui similitum animos sibi quam arctissimè copulandos rapiantur? Vacamus enim invidia, & humanitatis iura didicimus: neque anteponimus fortunæ bona animi dotibus. Sed quid hæc tam alte repeto? Nullam sanè ob causam, nisi quod eiusmodi meditabar, ad te scripturus, quæ si legeres, iacturæ saltem nihil faceres, & videres forte, sensibus esse nos congruentibus. Hinc autem ordienda erat epistola: placuisse mihi monumenta ingenii tui, quæ jampridem apud amicos vidissem: neque potuisse non tuos præclaros conatus probare. Itaque etiam te amabam: sed ultrò susceptam animo benevolentiam ergà te confirmarunt amici vel tui, vel communes. Ex his quoque primum, deinde ex tuis litteris vidi, tibi perinde accidisse de me: quod facile patior, & gaudeo. Est enim profectò satis causæ, cur gaudeam. Intellego enim me à veteribus amicis amari, & cumulari novis. Vtrumque iucundissimum: hoc eo iucundius, non quod multitudinem in amicitia spectandam putem, sed quod iis, qui decedunt, (amisi enim ali-

quot his annis proximis ) succedant , quos  
velim accedere. In ceteris suauissi-  
ma mihi accidit mentio Ioannis Michalo-  
vitii : sæculum enim, ex quo de ipso nihil  
cognoueram: colebamus adolescentes ami-  
citiam, vt sodales, & græcas litteras, vt bo-  
næ doctrinæ cupidî: legebamus, vt utrius-  
que captus ferebat, quotidie, poetas, orato-  
res, hîstóricos Græcos: si tum quis extitîs-  
set, qui ducem se fuisset professus ad philo-  
sophiæ penetralia ; quàm nos eius vestigia  
cupide fuisset secuti , *ὦσε δ' εὖτο* ? sed , vt  
etiam nunc, passim perquam frigide tracta-  
bantur, & vix pueriliter recondita illa sa-  
pientiæ studia. Progressi fuimus aliquo,  
ego non desino urgere illud iter, quod in-  
gressus tum fui: neque desum tamen aliis:  
ille dignitate præstat, & auctoritate valet  
in patria: quæ omnia ipsi, & ipsûm patriæ  
tantum virum gratulor: qui quantus esset  
futurus, tum apparebat. Præter enim lit-  
teras, erat in adolescente grauitas, quæ rarò  
in eam ætatem cadit, prudentiæ argumen-  
tum: nec quidquam erat eo sincerius, nihil  
modestius , nihil humanius. Præstantem  
habuisti apud Boemos hospitem: qui cum te  
amicum mihi cum primis fecerit, me quoq;  
tibi

tibi nesciens facit amiciores : quod si ex litteris tuis cognosceret, non minus mihi gratum esset, quam ipsi: sciret ex meis, si essent, qui hinc illuc iter faceret. De Hubnero & Censorio non agam multis: cum viuas cum altero, ad alterum sæpius venias: & utrumque domi suæ vidi: Censorius etiam apud me fuit: Hubnerum sub ver exspecto. Sed gratum fecerunt ambo utriq; nostrum: mihi certe, quia & tibi meum in te animum, & mihi tuum in me nunciarunt. Quod in officio scribendi, quod præsertim per illos tibi ostenderam, me antevertis, te amo, neque tibi in hoc genere palmam inuideo, etsi non inferior amicis esse studeo. Sed multa obstant, quod video te quoque animaduertisse, ut purgatione apud te mihi non opus sit, etiam huius cessationis. Pro ea habeto loquaciorem hanc epistolam, quam tamen ipsam, neq; res patitur perscribere. Tamen vnum non debeo præterire, quod supra attigi: tuos conatus omnes probant intelligentes & docti viri: ego mirificè: neque sapiat, qui patriæ lucem inuideat. Tu igitur rectè, qui è tenebris domestica ornamenta erudere cogitas: erit illustrior Germania: erit melior. Si enim suorum maiorum præclara

facinora legent principes , magis , quam  
 longinquis historiis ad virtutem regiam  
 excitabuntur. Sed hic campus jam relin-  
 quendus est, in quem exspaciabor , cum ite-  
 rum scribam , quando & cætera persequar,  
 quæ te velle intelligo. Vale. Rostochio  
 V. Id. Martii. Anno M. D. XXCII.

*NICOLAO CASIO VI-  
 ro Nobilissimo, Regni Danici Can-  
 cellario. S. P. D. Ioannes  
 Caselius.*



Vm hic juvenis & in te sua , &  
 videndi regni florentissimi  
 gratia istuc proficisceretur, ite-  
 rum aliquid scribere ausus fui:  
 etiamsi ad te superioribus die-  
 bus litteras pænè inanes dedissem : nisi pro  
 tua sapientia sic statues, quæ gratum & me-  
 morem animum aperiant , non penitus va-  
 cuas esse omni re , & ferre denique illud bo-  
 ni , quo carere maxima pars mortalium ex-  
 istimatur. Ego vero , postquam tu me,  
 Nicolae Casi, in tuis habere cœpisti , & non  
 suspicantem beneficio affecisti ; iam pridem  
 cogi-

cogitavi, quodnam illustrius argumentum  
mei grati animi & observantiæ in te ede-  
rem, neque aliud vidi, quam ut aliquid vi-  
giliarum mearum ad te mitterem, si quid  
possem te dignum elaborare, cum sciam te  
ijs delectari, quæ aliquid spirent veræ po-  
litæque doctrinæ veterum: neque tamen  
id hætenus ipsemet mihi imperare possum.  
Valde enim vereor, ne hanc rationem secu-  
tus, non tam pro vetere beneficio gratias a-  
gere, quam novum petere videri possim;  
quod minus tamen vereretur, si me novisses  
familiarius, quod sine alicuius temporis  
consuetudine fieri non potest. Tamen lo-  
co illustri, (occafio enim se mihi certè offe-  
ret, quam etiam studiose aucupabor) virtu-  
tem tuam prædicabo verè, sineq; tua mole-  
stia. Hoc etsi non negligam; tamen & alij e-  
runt præcones tuarum laudum, me haud  
inferiores, neque hodie defunt: quem ho-  
norem tibi gratulor. Est enim profectò ho-  
nor, à bonis ijsdemq; acribus vitæ humanæ  
existimatoribus, non à quivis, aut ab assen-  
tatoribus celebrari. De Nathane Chytræo  
homine doctissimo & viro gravi affirmare  
non dubito, quas tibi ille laudes, quod ve-  
recundè facit tamen, cum quid se dignum sit  
non nesciat, tribuit; id ipsum tuæ humani-




tis, quæ cæterarum virtutum familiam facile ducit, & sapientiæ prædicatione impulsus facere, & facere omnino tum ex animo, tum sincero iudicio. Iudicium enim de te non solum facit iudicio aliorum, sed ex ijs quæ ab omnibus à te divinitus consuli gerique intelligit. Librum autem quod una mittit, non possum non probare. Neque autem te docebo, quam bonus, quam elegans sit, cum ipse tuo iudicio stare malim, quam meum tibi de hoc genere ostendere: hoc silentio præterire nequeo, me libellum, ea, qua scriptus est lingua, à multis iam annis legendo contrivisse. Quam autem feliciter Nathan operam suam collocarit in eo interpretando, quantumque valeat in carmine pangendo, res nimirum ipsa loquitur: & quoniam cœpi, ut verè, ita liberè pro amico loqui, dignus est nobilissimorum hominum, principum, regum denique gratia, hoc est, qui foveatur ab optimis & potentissimis. Sed proh dolor ita sit hodie, ut in tanta multitudine eruditorum, quando hoc perverso seculo, qui latinam linguam vix dum balbutire inceperint, (linguæ enim unius alteriusve haud satis felix cognitio hodiè est instar illius

lius apud veteres pallij ad talos demissi, & barbæ promissæ, quæ venditabant vulgò philosophum ) bonas autem litteras nunquam viderint, nobis si dijs placet, libros cudunt quam plurimos, audacissimi quique quos necesse est esse pessimos, emergant, negligentur doctissimi: aut illorum importunitate, & sine ambitione, sive avaritia, illi precio, quo sanè indigni sunt, hi præmio quod debetur veræ eruditioni, vtrique gratia principum excidant. Sed apud vos futurum auguror, ut præstantes viri perpetuò suum locum teneant. Vidi enim ex tuis ad socerum meum litteris, vos acres esse censores omnis generis scriptorum, & regi vestro commendare, quibus ornandis laudes & ipsius majest. & vestræ amplificentur. Inde conjecturam hanc facio, aliam esse conditionem communis generis scriptorum, quo tamen neque eos nomine appellarem, si aliud occurreret. Hæc venerunt in mentem, cum amici ream mihi curæ esset, de qua etiam magis auderem laborare, quam de mea, hominis præsertim omni laude digni. Censuram autem tuam non injuria, neque tibi adulans prædico, qua, quia  
semper

semper uteris neque rex munificentissimus  
minus unquam erit erga dignos liberalis, &  
consuletur tum dignitati tuæ, tum utilitati  
publicæ. Quod si vero existimes, esse hanc  
veluti admonitionem, eamque superuaca-  
neam veniam mihi ut des, rogo, daresque  
eam ultrò si cogitationum mearum ratio-  
nem tibi exponerem pluribus. - Verum ad  
sapientem longiore oratione minimè opus  
est. Vale vir nobilissime. Rostochio. IV.  
non. Maias. Anno M. D. LXXVIII.

JOANNI MARTIO S.  
D. Ioannes Caselius.

 Ide, Marti, ut liberos tibi meos  
rectè commendauerim: sic etiam  
spero. Noui enim diligentiam  
tuam. Si paullum proficit Io-  
annes Vlricus; satis mihi fieri  
puta. Cauendum enim maximè, ne infan-  
tia fastidire incipiat litteras: præclarè aga-  
tur, si vel minimo profectu, amare incipiat.  
Alterum est: ut otij istius, non iam mihi, sed  
tibi possis rationem reddere, memor præce-  
ptorum meorum fidelium, quibus si parue-  
ris, nunquam profecto te pœnitebit. Hoc ad  
te ma-

te maxime pertinet : etiam me tibi magis devincies, vt sedulo semper cogitem, quibus te ornem modis. Omnes amo bonis litteris deditos, sed eos maximè, qui mea consilia in discendo non sint aspernati. Contra, recta consilia temni, neque rectum est, & consulenti molestum : cui consulitur denique fraudi. Vale. Halibus Saxonis, III. Non. Ian. Anno CIO. IO. XXC.

*BVRCARDO ARNICHIO*  
*Secretario Reip. Hannoveranae.*  
*S. D. Joannes Caselius.*

**R**euis illa fuit, nec plus quàm bidui, sed perjucunda mihi tecum consuetudo. Hanc ego nunquam obliuiscar : Sed eius præcipuè tamen hic me dies admonet. Annus enim hodie est, quando ad vos veni. Erant sermones nostri hominum eruditorum : videlicet de bonis litteris & doctis viris. De quibus enim rectius? non solum, quia, ut ajunt, de ventis nauta, de tauris arator, sed etiam quia nullum suavius conuiuij condimentum excogitari potuit. Nec ego musicam excipio : etsi hac  
 soleo

soleo oblectari singulariter, præsertim eleganti, cuiusmodi vestra profecto erat. In cæteris enim cum tu mihi retulisses γαμλιότα τα Ασπίδ' ου, veteris tui amici: retuli id epigramma in codicillos, ut cum aliis etiam communicarem. Dignum enim iudicavi, quod à pluribus etiam legeretur. Vtinam Aspidius è castris Musarum non excessisset, aut Mars Musarum alumno pepercisset. Verum ille nihil novum, suoque loco indignum se putavit facere, qui Minervam armatam recordaretur: hic & doctissimum & fortissimum quemque, ut quis obuiam fuerit factus, demetit. Nos tamen ingenium hominis amplectamur, memoriamq; conseruemus, quod in nobis est. Quod cum tibi sciam placere, ego te iuvo lubens. Referes mihi hanc gratiam, ut quem ames, & magis & in perpetuum ames. Tu certè mihi es in carissimis. Vale. Rostochio. Pridie Kalend. VIIbris.

Anno cIo. Io.

XXCV.

F I N I S.

